

„Droschak“

ORGANIK

de la Fédération

Révolut. Arménienne.

750644


Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՃՆԱԿՑՈՒԹԵԱՆ“ ՕՐԳԱՆ



ጣ ከ ኗ ቡ ሃ ከ ፊ ፔ ሂ ቡ

1864—1912

Պէտ Լաշէզի գերեզմանատանը, իրենից ոչ հեռու, պառկած են ընդհանուր, լայնատարած դամբարանի տակ 15,000 կօմ մ ու ն ա Ր ն եր ը, —նրանք, որոնք 1871-ի սարսափելի օրերում, Մօն-Մարտի բարձունքների վրայ պարզեցին յտիեզերական կալմիր հանրապետութեան՝ դրօշը և արինահեղ կռիւներից յետոյ խմբովին կոտորեցին բուրժուական կառավարութեան հրամանով:

Մեր ըմբոստ բարեկամի հոգին գնաց միանալու—նոյն

արիւնոտ, նւիրական հողի տակ—այդ միւս ըմբոսանքների թանկագին նշխարներին, որոնց հետ նա կապւած էր իր ապստամբ խառնւածքով, իր մտքի ու սրտի ամենանուրբ թելերով:

Անատոլ Ֆրանս և ֆրանսիական գրականու-
թեան այլ գագաթներ, Պրէսսանսէ և ֆրանսիա-
կան հրապարակաբուծեան այլ բազմաթիւ ներկայա-
ցուցիչներ գնացել էին իրենց յարգանքը մատուցանելու

այդ վաղաժամ դաճադին: Պարիզեան գրագետների երիտասարդ պլեադը ողբում է համակրելի *fin-lettre*-ի անագորոյն վախճանը, բայց թւում է թէ, այդ մահւան և այդ թաղման սիմֆոնիկ արտայայտութիւնը, նրա վսեմ խորհուրդը ուրիշ տեղ էր... այն փոքրամիտ հայկական պատգամաւորութեան մէջ, որ խոր սգով համակեալ, հեռւում էր դիակառքին, որ սրտառուչ, եղբայրական գուրգուրանքով տանում էր ^{դաճադին} ~~գրագետները~~ ուսերի վրայ...

Պրէսսանսէ, Անտու ֆրանս նոյնպէս ըմբոստ, յեղափոխական ֆրանսիայի զաւակներ են, բայց ուրիշ շրջանի մարդիկ... Կիյեառի սրտին շատ աւելի մօտ էին՝ հին, կլասսիկ յեղափոխութեան դէմքերն ու մեթօդները, կօմունարների վրիժառու և ճարակող բուժքերը, գարիբալդեանների կարմրավառ շապիկները, Բլանկիների ցասկոտ և դաւադիր հոգիները, որ յղացել են անցեալի մէջ այնքան ահեղ ու խիզախ ծրագիրներ, որ ծրագրել են հալեցնել վառօդի և ուժանակի հսկայական հնոցի մէջ՝ աշխարհը ստրկացնող, ժողովուրդների կեանքն ու առաջադիմութիւնը խեղդող, այլանդակող բոլոր սև անջրպետները, երկնային և երկրաւոր բռնութիւններն ու անիրաւութիւնները...

Կիյեառի սրտին շատ աւելի մօտ էին այդ յանդուգն հոգիները և նա նրանց չէր գտնում այլ ևս իր պանծալի հայրենիքում, նա նրանց փնտրում էր օտար երկրքի տակ, գտնում էր նմանները հեռաւոր Հայաստանում ու Մակեդոնիայում, ոգևորում էր Սերոբների ու Սարաֆօյների դէմքերով ու գործերով... Ճնշւած, լացող, հոգեվարող Հայաստանը ցնցում էր նրա բարի, զգայուն սիրտը, բայց աւելի ևս ցնցում էին Անգրանիկների յուսահատ և գահավէժ թռիչքները. հայկական մարտի ռոսագրութիւնն ու իր շատ աւելի հրապուրիչ էր նրա համար՝ հայկական դիւցազն երգութիւնը...

Եւ երբ մի օր, 12 տարի սրանից առաջ, *Pro Armenia*-ի հիմնադրութեան օրերում, ֆրանսիացի բարեկամի հետ, *Champel*-ի մենաւոր հիւրանոցի մէջ, հաւաքւել էին մտերմական ճաշի շուրջը «Դրօշակ»ի խմբագրութեան անդամները և ժընէվի հայ ուսանողութիւնը, — քրիստոսաֆօր իր հակիրճ բաժակաճառի մէջ ուղղում էր համակրելի հիւրին հետեւեալ նշանակալի խօսքերը.

«Մենք չենք, որ գտանք ձեզ, — այլ դուք էք որ մեզ գտաք»...

Ջարմանալի ճիշտ ըմբռնում Պիէռ Կիյեառի յեղափոխական էութեան:

Կիյեառ պատասխանեց ֆրիստաֆօրին մի զգացւած ճառով. երկու յեղափոխականները այնուհետեւ կապեցին մտերմական կապերով. ըմբոստ և արեւստագէտ ֆրանսիացի հայաստէրին կախարդեց հայ շարժման վետերանի լուիկ, համեստ անձնաւորութիւնը, նրա ազդու, առաքելական պատկերը, որի մէջ նշմարում էր թերեւս

վշտատանջ և ապստամբ ժողովրդի ոգու ցոլքը: Եւ ամեն անգամ մեզ հանդիպելով, նախ ֆրիստաֆօրի մասին կը հարցնէր, նրա առողջութեան ու գործերին կը տեղեկանար և շատ անգամ կը յարէր.

— Vous savez, j'ai un culte pour Christophor! *).

Եւ նա ողբաց մեր ընկերոջ մահը, ինչպէս կ'ողբար ամենամտերիմ հարազատը. *C'est une catastrophe!* «Դա մի աղէտ էր, ասում էր նա, ես իմ կեանքում ոչ ոքի այն աստիճան չէի սիրել ու յարգել և ոչ մի մահ այն աստիճան չէր ցաւեցրել իմ սիրտը»...

Ինքն էլ գնաց այժմ՝ ֆրիստաֆօրին միանալու, ճիշտ նոյն տարիքում, յոյսերով ու ծրագիրներով բեռնաւորւած...

Ինչպէս գնահատել թանկագին հանգուցեալին, ինչից սկսել... Այնքան բազմազան են հայոց դատին նրա մատուցած ծառայութիւնները. նրանք սկսւում են հայ զուլումի նախօրեակին և շարունակւում են մինչև դադար. նրանք որոշ, սիստեմատիկ բնոյթ են առնում 1898—99-ի օրերից ի վեր, երբ հաստատուեց կանոնաւոր յարաբերութիւն «Դաշնակցութեան» ու Կիյեառի միջև:

«Պրօ Արմէնիա»ի միսսիօնը և գործունէութիւնը յայտնի են բոլորին: Նախաձեռնողը ֆրիստաֆօրն էր, հոգին — ինքը խմբագրապետ Կիյեառը, աջ բազուկը — այն հոյակապ ծերունին, որ այսօր որդեկորոյս հօր պէս մնացել է որբացած, անդարմանելի սգի մէջ — Պրէսսանսէն:

Հայր և որդու ամենաքնքոյշ յարաբերութիւններ էին հաստատուել երկուսի միջև. մինը միւսով հպարտ էր. մինը գրում էր յօգւածներ, խտացնում էր Հայաստանից եկած լուրերն ու տեղեկութիւնները, միւսը — Պրէսսանսէն — է՛ր գրում էր և միաժամանակ հնչեցնում «Պրօ Արմէնիա»ի դատը ֆրանսիական պարլամենտում, ուր նա ունէր միշտ ուշադիր և պատկառոտ լսարան, որին նա միշտ հմայում էր իր ահագին երուզիսիօնով, իր նրբապաշտ ու կարկաչուն բառաբանով և իր անկեղծ ու մաքուր, ասպետական բարկութիւններով:

Ինչքան տխուր ու ճնշող էին «Պրօ Արմէնիա»ի երկունքի օրերը, Թերթի առաջին համարները անցնում էին ընդհանուր անուշադրութեան մէջ՝ Պարիզն ապրում էր իր ընտանի և փոթորկոտ վայրկեաններից մինը: Տրանսվալեան պարտւած հանրապետութեան վեհափառ նախագահը, Վրիլգեր, կատարում էր իր հանդիսաւոր մուտքը ֆրանսիայի մայրաքաղաքը և պարիզցիք դիմաւորում էին ցոյցերով, ովսանաներով: Ցոյցերը երկար տևեցին. ամբողջ շաբաթներ հանրային ուշադրութիւնը կեդրոնացած էր Վրիլգերի վրայ:

Անցաւ, սակայն, ժխորը և կամաց-կամաց հայ-ֆրանս

*) Գիտէ՞ք, ես պաշտամունք ունիմ ֆրիստաֆօրի համար:

սիական նոր օրգանը նիւթ դարձաւ լրագրային յօդ-
ւածներին ու մեկնութիւններին Պէտք էր նախ խօսեցնել
մեծ մամուլը — և նրան խօսեցրեց Պրէսսանսէ
նրա ձեռքումն էր Temps-ի առաջին սիւնեակը, ուր
արծարծուած էին միջազգային քաղաքականութեան կըն-
ճիւղները և ուր թառել էր մեր բարեկամը երկար տա-
րիներից ի վեր, իր գիտուն, զմայլելի գրչի շնորհիւ,
հասցրել էր պարիզեան մեծ օրգանը անսովոր բարձ-
րութեան, դարձրել էր այն՝ համաշխարհային կարծիքի
խոշորագոյն ազգականներից մինը:

Եւ մի օր այդ ազգացիկ և իրաւարար-օրգանի առաջին
սիւնակը նւիրեց «Պրօ Արմէնիա»-ին ու նրա դատին:
Այնուհետեւ խորապէս էր անտարբերութեան սա-
ռուցը. մամուլի միւս օրգաններն ևս, արտասահմանն
ևս սկսեցին հետաքրքրել փոքրիկ, համեստ երկչա-
թաթերթով, որի ճակատը դարգարած էր ֆրանսիական
մտքի և հոգու ազնականութեան ամենախոշոր անուն-
ներով—Անատոլ ֆրանս, Կլեմանսօ, Պրէսսանսէ և Ժօռէս:

«Դրօշակ»-ի խմբագրութիւնը մատակարարում էր նոր
թերթին երկրից ստացւած նիւթերը և «Դաշնակցու-
թեան» Արեւմտեան Բիւրօն, յանձին իր պարիզեան ներ-
կայացուցիչների՝ վարում էր թերթի տնտեսական մասը,
հոգում էր և նրա տարածումը հայ և օտար աշխարհ-
ներում:

Առաջին համարի մէջ թերթն արդէն դրսևորեց իր
քաղաքական գոյնը, իբրև ոչ միայն տեղեկատու մի օր-
գան, այլ և իբրև կուլտուրային օրգան, կռիւ՝ ուղղւած
հայ ժողովրդին ստրկացնող երկու մեծ բռնապետու-
թեանց դէմ — Թիւրքիոյ և Ռուսաստանի Վիյեառ և
Կլեմանսօ — վերջինս «Արիւնոտ ձեռք» վերնագրով իր
հոսովու յօդածի մէջ — խարանում էին հասիզեան
բարբարոսութիւնները, այն ինչ՝ Պրէսսանսէն նշաւակում
էր ցար-յօբանովեան հայահալած ռէժիմը:

Ուշագրաւ էր այդ սկզբնաւորութիւնը Վիյեառ և
Պրէսսանսէ, իբրև թերթի ամենամօտիկ վարիչները՝
առժամանակ փոքր ինչ սկեպտիկութեամբ էին վերաբեր-
ւում դէպի նրա նախաձեռնողները — «Դաշնակցու-
թիւնը»: Նրանց ականջներին հասնում էին կասկածելի
շշուկներ այս ու այն մութ անկիւնից, անգամ հայ
շրջաններից, ուր անսկզբունք, անդաւանանք հակառա-
կորդները պատրաստ էին վիժեցնել «Դաշնակցութեան»
ամեն մի նախաձեռնութիւն... Շշուկներ այն մասին՝ թէ
Հայ Յեղափոխական կազմակերպութիւնը գտնւում է
ինչ որ մեղսալի յարաբերութեան մէջ ցարի կառավա-
րութեան հետ: Այդ այլանդակ առասպելները վաղուց
արդէն եռանդով մշակւում էին և մի յայտնի մամուլի
մէջ, ի միջի այլոց «Մեշվերեթի» էջերում: Վիյեառ և
Պրէսսանսէ ակամայ ազդւում էին այդ չարամիտ գաղտ-
ասուքներից, ուստի և վճռեցին—«Դաշնակցութեան»
տրամադրութիւնները ստուգելու համար—առաջին իսկ

համարի մէջ մի բանի սլաքներ նետել՝ նաև ռուսական
բռնապետութեան դէմ:

Ժամանակը փրտեց ստայօգ առասպելների մշուշը.
«Դաշնակցութեան» ճշմարիտ տակտիկը յայտնի եղաւ
մեր ֆրանսիացի բարեկամներին և նախկին փոքր ինչ
թերահաւատ վերաբերմունքը տեղի տեց լիակատար վրս-
տահութեան, բարեկամութեան, մտերմութեան: 1903—
905—907 թւականների անդրկովկասեան փոթորիկոտ
անցքերի միջոցին՝ «Պրօ Արմէնիա»-ն Պարիզից ուժգին
արձագանք էր տալիս «Դաշնակցութեան» վարած ճա-
կատամարտներին և հայ մարտական կազմակերպութեան
անգիտակից հակառակորդները (նրանց շարքում և բեր-
լինեան Vorwärts-ը) տեսան, թէ որքան յանցաւոր
թեթեւամտութիւն էր ցարի զմի գործիք հռչա-
կել—նոյն ցարիզմի գաղափարական թշնամիներին...

Հրապարակագրութեամբ չսահմանափակեց Պիէռ
Վիառի ագիտացիական գործունէութիւնը ի նպաստ հայ
ժողովրդի: Խօսքը միացաւ գրչին: Խօսքը՝ նոյնքան սի-
րելի և համոզիչ—որքան գրչի: Քանի՜ կօնֆերանսներ,
հրապարակային միտինգներ, ճաշկերոյթի ճառեր...
Պիէռ Վիառը—Բրիւսէլում, Լօնդօնում, Ժընէվում, Մի-
լանում, Հռօմում, Բուդապետում, ամեն տեղ, ուր հոդ-
կար պրօպագանդի, ամեն տեղ, ուր կայ գէթ մի փոք-
րիկ շրջան սրտացաւ ու կարեկից անհատների:

Այնքան խօսեց և գրեց Հայաստանի ու հայերի մա-
սին, որ ինքն էլ «հայացաւ»... Մի օր — կարծեօք 1901-ին
—նա ինքը խոստովանեց այդ՝ մի փայլուն բանկետի մէջ,
որ «Դաշնակցութեան» պարիզեան ներկայացուցիչները
կազմակերպել էին ի պատիւ Ժօռէսի ու Վանդերվելդի
և ուր ներկայ էին պարիզաբնակ թիւրքահայ մտաւորա-
կանութեան մի բանի ներկայացուցիչների հետ՝ գիա-
նական-պրօֆէսօր Մարիլիէ (այժմ հանգուցեալ), Գաւ-
բարով, հայագէտ Մէյիէ, հայր և որդի Լօնգէներ, Լա-
գարդէլլ և ուրիշներ: «Ես, ինչպէս յայտնի է, արդէն
հայացած եմ» — այսպէս սկսեց Պիէռ Վիյեառ իր բա-
ժակաճառը, բաղդրիկ ժպիտը շրթներին, համակրելի
հայեացքն ուղղելով Ժօռէսի և Վանդերվելդի կողմը,
որոնք պատասխանում էին բռնուն հաւանութեան ու
համակրանքի նշաններով:

Նոյն համկրանքի ցոյցերն արին հայացած ֆրան-
սիացուն՝ Բրիւսէլի միջազգային, մեզ համար պատմա-
կան, համագումարի մէջ (1902-ին)—կազմակերպւած
հայկական խնդրի լուծման համար նոյն «Դաշնակցու-
թեան» ջանքերով — ուր Ժօռէսի, Պրէսսանսէի, տիկին
Սեվրինի, ապա և բելգիացի, գերմանացի, դանիացի հռե-
տորների շարքում, Պիէռ Վիյեառ արտասանեց մի ըն-
դարձակ, փաստացի և ցնցող ճառ հայկական մարտիրո-

սուլթան մասին — լաւագոյն ճառերից մէկը, որ երբեքիցէ արտասանել է այդ տխուր նիւթի առթիւ: Փայլուն հռետոր չէր, բայց ազդում էր մարդկանց վրայ իր կուտակած փաստերով, դոկումենտներով և հարցերի իր ընդարձակ ու խորունկ ծանօթութեամբ, ազդում էր, յուզում, երբեմն արտասուեցնում: 1903-ի սկզբներում, Բուդապեստի մէջ — ուր գնացել էր Արեւմտեան Բիւրօի ներկայացուցչի հետ փոքր ինչ մշակելու մաշաւական հանրային կարծիքը, խօսել տալու պարլամենտի հեղինակաւոր դէմքերին — նա նոյն ցնցող փաստերով ու դոկումենտներով արտասուեցրեց պարլամենտի նախագահ՝ կոմս Ալբեր Ապպօնիին, որը յետոյ անմիջապէս, հակառակ Վիեննայի համիդեան դեսպանի բողոքներին, նոյն պարլամենտի շէնքում իսկ, իր անձնական նախագահութեամբ ժողով գումարեց մաջաւ ազգեցիկ պատգամաւորներից, խօսեց ինքը հայկական դատի մասին և կրկին խօսեցրեց Կիյեառին: Նոյն ատենախօսութիւնը վերջինս կրկնեց ունդարական մամուլի բազմաթիւ ներկայացուցիչների համագումար-ժողովի մէջ:

Պատասեր տէք, դոկումենտներ — գրում էր մեզ շարունակ փարիզից. դրանցով է, որ պիտի ազդենք, սթափեցնենք՝:

Եւ փաստերի մի անսպառ շտեմարան էր, նա ինքը: Հատ քչերը մեզնից այնքան խորունկ ու բազմակողմանի ծանօթութիւններ ունին մեր հայկական խնդրի ու դատի մասին: Չնայած իր արտիստ, բանաստեղծական մտակազմին ու խառնածքին — որ սովորաբար խորշում է արշիվային տաղակալի փորփորումներին — մեր բարեկամը ունէր անսովոր համբերութիւն ու եռանդ՝ մտնելու պատմական հարցերի կնճռոտ հիւսւածքի մէջ, խղճամիտ, զուա գիտական մեթոդով պրպըտելու իրականութեան բոլոր խորշերը և մերկ, անժխտիչ վաւերագրերով ազդելու մարդկանց ոչ այնքան զգացումների, որքան մտքերի վրայ: Ճշգրիտ ու բազմակողմանի ծանօթութիւններ՝ ոչ միայն հայոց խնդրի ու շարժումների, այլ և պատմութեան, աշխարհագրութեան, լեզուի մասին: Այդ բանաստեղծ-գրագետը, որ ուշի ուշի հետեւում էր համաշխարհային հին ու նոր գրականութեան արտադրութիւններին և տալիս էր շարունակ իր անդուլ հետազօտութիւնների գողտրիկ էջերը *Mercure de France*-ին — նա ձեզ սիրով և իրազեկ մարդու ձեռնհասութեամբ կը պատմէր Հիւրշմանների, Միւլլերների ու Մէյէնների տեսութիւնները հայկական լեզագիտութեան վերաբերմամբ, նա ձեզ անդիր կը թւէր և Տարօնի, Սասնոյ անհաշիւ գիւղերի անունները, աշխարհագրական դիրքը, նրանց ապրած ազէտները և այլն:

Ահա թէ որպիսի ընկեր կորցրինք: Մեզ հետ էր հայկական տաղնապի աղէտաբեր ելեէջներում: մեզ հետ էր, երբ Սասունը պարզել էր ապստամբութեան դրօշը՝ վերստին յիշեցնելու պապանձաւ եւրոպային արիւնսա-

ներկ հայրենիքի սրբազան գանգատները, մեզ հետ էր, երբ ապստամբ բանակը, երկու ամսւայ յուսահատ դիմադրութիւնից յետոյ, սկսել էր — Գէորգի, Վահանի, Հրայրի, Անդրանիկի առաջնորդութեամբ — իր տխուր նահանջը դէպի Անտոք ու Տալուրիկ, մեզ հետ էր և շարունակ թափում էր Պարիզից նամակների տարափը, հարցնում էր տեղեկութիւններ ուղարկների մասին, հարցնում էր խորհուրդներ եւրոպական կարծիքը յուզելու վերաբերմամբ — մինչ Պրէսանսէն, իր հոգեւոր, գաղափարական հայրիկը, փոթորկում էր ֆրանսիական պարլամենտը իր վճիտ և յուզիչ պերճախօսութեամբ, իր վեհանձն ընդվզումներով ընդդէմ Կարմիր Գազանի, իր խանդավառ ներքողներով, ուղղաւ հայ ուղարկներին — մեզ հետ էր Պիէռ Կիյեառ խանդավառութեան այն օրերում, երբ նորէն յուսադրաւ Սասունի ապստամբութեամբ և եւրոպական դահլիճների սթափաւ ուշադրութեամբ՝ կազմում էինք Բրիտաֆօրի հետ նոր ու լրիւ յիշատակագիր, — աւելի յստակ և ընդարձակ քան Մայիսեան մեմօրանդումը — որ յետոյ ինքը Կիյեառը ներկայացրեց Գեւորգիին՝ յանուն «Դաշնակցութեան», մեզ հետ էր նա, վերջապէս, Վասպուրականի, Խաչանի ամենավերջին աղէտի ժամանակ, օսմանեան Յեղափոխութեան նախօրեակին, երբ նորէն բարձրացել էր խժգոթութեան հողմը և տանջանքի, յուսահատութեան բառաչը. մեզ հետ էր նա 1908-ի յուլիսին, Վիկտոր Բերարի և Արեւմտեան Բիւրօի պատերազմի հետ, ներկայանում էր արտաքին գործերի մինիստր Պիշօնին, պատմում էր հայ ժողովրդի անվախճան տագնապը և լուծումէն էր պահանջում... Մեզ հետ էր ամեն տեղ և ամեն պարագայում — անգամ Ընդհանուր Ժողովի նիստերի մէջ, Բուլգարիայում — և մենք երբէք չենք մոռանայ սիրաւ ընկերը, բարեկամին, երբէք չենք ջնջի մեր սրտերից ու մտքերից՝ այս վերջին փոթորկալի տառնամեակի մի շարք յուզիչ դրազները. չենք մոռանայ — և այսօր երախտագիտութեան ու սիրոյ անխառն զգացումով, խոնարհւում ենք այդ թաւրմ դամբարանի և այդ անբիծ, ոգեւորիչ յիշատակի առջև:

Ք Ա Ղ Ա Ք Ա Կ Ա Ն

ԼԵՀԱՍՏԱՆԸ ԵՒ ՆՐԱ ԴՐՕՇԱԿԱԿԻՐ ԿՈՒՍԱԿՑՈՒԹԻՒՆԸ *)

Իր հիմնադրութեան օրերից ի վեր (1892 թ. նոյեմբեր) ԼԵՀ Սօցիալիստ Կուսակցութիւնը ընդունել է, իբրեւ իր քաղաքական ծրագրի առաջին կէտ՝ ստեղծել ԼԵՀ-ական Անկախ Ռամկավարական Հան-

*) Ներկայ յօդաւորը գրել է յատկապէս «Դրօշակ»-ի համար՝ ԼԵՀաստանի ամենամեծ սօցիալիստ Կուսակցութեան (P. P. S.) պարագլուխ և թէօրետիկոս — Արօնսկի:

ր ա պ ե տ ու թ ի լ ն: Այդ նշանաբանի տրամաբանական հետեանք էր զինւած ապստամբութեան անհրաժեշտութիւնը, որովհետեւ, բնականաբար, ռուս կառավարութիւնը յօժարակամ չէր բաց թողնի իր ճանկերից մի հարուստ, բազմամարդ, կուլտուրական երկիր, որի նւաճումը այնքան թանկ է նստել ցարերին և որը այսօր դրա փոխարէն տալիս է նրանց ամեն տարի աասնեակ միլիոններով եկամուտ, տասնեակ հազարներով նորակոչներ, կերակրում է գիշառիչ պաշտօնեաների մի ամբողջ հօրգաւ: Այդպիսի մի աւար չեն բաց թողնում ձեռքից անգամ այսպէս անւանւած քաղաքակիրթ պետութիւնները. ո՛ր մնաց մի այնպիսի կիսաարեւելեան բռնակալութիւն, որպիսին է ցարիզմը:

Ուստի P. P. S.-ի հիմնադիրները իրենց գործունէութեան սկզբից ի վեր գիտակցում էին, որ վաղ թէ ուշ զինւած ապստամբութեան խնդիրը պիտի յցւի կուսակցութեան առջև: Ինչպէս յայտնի է, P. P. S.-ի (Լեհ. Սօց. Կուսակցութեան) հայեացքները շուտով յաղթանակեցին և դարձան լեհական պրօլետարիատի սեփականութիւն: Առաջներում հիմնւած կուսակցութիւնները («Պրօլետարիատ», «Լեհ Բանւորական Դաշնակցութիւն» և այլն) կազմալուծւեցին. նոր ստեղծւած «Լեհ թագաւորութեան Սօցիալ-դեմօկրատիան» դադարեցրեց իր գոյութիւնը, և մի առ ժամանակ (1896—1900 թ.) P. P. S.-ը միակ սօցիալիստ կազմակերպութիւնն էր ռուսական Լեհաստանում: Նոյնիսկ յետոյ, երբ «Լեհ թագաւորութեան և Լիտվայի Սօցիալ-դեմօկրատիան» վերսկսեց իր գործունէութիւնը, երբ Լեհաստանում հրապարակ եկաւ և հրէական «Բունդ»-ը՝ լեհ կազմակերպւած աշխատաւորների ճնշող մեծամասնութիւնը պատկանում էր P. P. S.-ին, մի բան, որ դիւրին է ստուգել նոյնիսկ այն պաշտօնական զեկուցումներով, որ ներկայացրել են այլևայլ կուսակցութիւններ:

Ինտելիգենցիայի, մտաւորականութեան մէջ ևս Լեհ Սօց. Կուսակցութիւնը գտաւ ընդարձակ և ջերմ կողմնակցութիւն. այդտեղ նա միայն մէկ ու զօրաւոր հակառակորդ ունեցաւ՝ Ազգային Ռամկավար Կուսակցութիւնը (Նարօդօվայա Դեմօկրատիա) *): P. P. S.-ը աճեց շարունակ, չը նայեած կառավարական ճնշումներին: Թւում էր թէ Լեհաստանը պիտի մօտենար աստիճանաբար յեղափոխական բռնկման վայրկեանին: Իրօք, սակայն, նա հեռու էր դրանից: Ընդունել մի բան, իբրեւ տրամաբանօրէն անհրաժեշտ և սկսել համապատասխան գործողութիւնն էր — այդ երկու բաները միշտ չեն յաջորդում իրարու: Առօրեայ կեանքը պահանջում

էր Լեհ Սօց. Կուս. անդամից մի շարք այնպիսի քայլեր, որոնք ոչ մի առնչութիւն չունին զինւած կուլ. հետ: Առօրեայ կեանքը ստիպում էր նրան՝ զբաղւել ագիտացիայով (մտքերը յուզելով), կազմակերպել, ստեղծել և տարածել գրականութիւն և այլն: Առօրեայ կեանքը, մի խօսքով, ժամանակ չէր տալիս մտածելու պատերազմական կամ մարտական խնդիրների մասին: Այդ պատճառով թէ օրի ա յի մէջ մենք ամենքս (կամ յամենայն դէպս, մեծամասնութիւնը մեր մէջ) մտածում էինք ապստամբութեան մասին, բայց գործնականում մենք բնաւ չէինք պատրաստուում դրա համար, չէինք էլ իմանում, թէ ինչպէս ձեռնարկել դրան:

Պէտք է աւելացնել, որ թէև մեր կուսակցութիւնը ընդունում էր տեւորօրը (ահաբեկչական գործունէութիւնը), իբրեւ կուլ. մի միջոց կառավարութեան դէմ, սակայն չէր գործադրում այն: Քաղաքական տերօրը Լեհաստանի մէջ չունի առհասարակ այն նշանակութիւնը, որ նա ունի Ռուսաստանում, բանի որ մեզ մօտ Կուսակցութիւնը գործ ունի միայն ստորագրեալ պաշտօնեաների հետ, ուրիշների կամակատար: Անգամ ինքնապաշտպանութեան դէպքերում Կուսակցութիւնը չէր հրատարակում իր գործողութիւնները, գործնական նկատումներով, որ համապատասխան էին այն ժամանակւայ պայմաններին: Հասկանալի է, որ այդ հանգամանքն ևս չէր կարող նպաստել Կուսակցութեան մէջ ռազմական ոգու զարգացման:

Ամենայն հաւանականութեամբ, Կուսակցութեան ուժերի աստիճանական զարգացման հետ և նրա ներգործութիւնը միշտ աճելով պրօլետարիատի ու գիւղացիութեան վրայ՝ P. P. S.-ը կը գիմէր իրական գործողութիւնների, որոնք անհրաժեշտ հետեանք են նրա ծրագրի: Սակայն, նրան չէր վիճակւած սպասել մինչև այդ վայրկեանը: Պայթեց ռուս-եռապօսական պատերազմը և Կուսակցութիւնը մէկէն ի մէկ զրւեց նոր ու շատ ծանր խնդիրների առջև: Անգամ չը լինելով մասնագիտօրէն ծանօթ ռուս զինւորական ուժերի կացութեան հետ, կարելի էր նախատեսել, որ պատերազմը պիտի լինէր երկարատեւ, պիտի ստիպէր Ռուսաստանին լարելու իր բոլոր ուժերը, պիտի պատճառէր ժողովրդին հազար ու մի թշուառութիւններ և թերեւս պիտի վերջանար անարգօրէն: Այդպիսի մի պատերազմ, կարելի է ասել, լաւագոյն առիթն էր, յարմարագոյն ժամանակը՝ փորձ անելու խելու Ռուսաստանից լեհական նահանգները: Բայց, ինչպէս արդէն ասացինք, մեր Կուսակցութիւնը բնաւ պատրաստուած չէր դրա համար: Եւ հետեանքները շուտով վրայ հասան:

Անկարող լինելով զինւած ապստամբութեան նշանաբանն արձակելու՝ Կուսակցութիւնը որոշեց գեթ օգտագործել պատերազմի յարուցած յուզումը՝ ագիտացիական նպատակներով: Թուրքիկները հրատարակեցին

*) Լեհ ազատամիտ կամ լիբերալ կուսակցութիւնն է, որ նոյնպէս տաժում է խորունկ ու անհաշտ թշնամութիւն դէպի ռուսաց տիրապետութիւնը, բայց որ խորշում է յեղափոխական պայքարի միջոցներից, սահմանափակելով խաղաղ դիմադրութեամբ, ազգային գաղափարի, լեզւի, կուլտուրայի ուժգին, միեւնոյն պաշտպանութեամբ: Ծ. Խ.

աւելի մեծ բանակութեամբ, բան երբեք, սկսեցին փողոցային ցոյցերը Սակայն դրա հետ զուգընթացաբար աճեցին կառավարական ճնշումները: Նախկին պօլիցիական միջոցները, բռնկեցներն ու նազալկաները (մետաղածայր մտրակ) հերիք չէին. դիմեցին զէնքի, նախ ցուրա զէնք գործածեցին: Արիւնը հոսեց, Բանկորները սկսեցին զէնք պահանջել ինքնապաշտպանութեան համար: Վերջապէս, կուսակցութիւնը որոշեց սարքել զինւած ցոյց:

Յիշում եմ այդ ժամանակը: Յիշում եմ թէ ինչպէս մարդիկ, որոնց ոչ ոք չէր կարող կասկածել երկչոտութեան մէջ և որոնք յետագայում ցոյց տւին իրենց արիւթիւնը շատ գործերում, յիշում եմ, ինչպէս նրանք, երկար վարանում էին, նախ բան համաձայնել ենթարկելու իրենց ընկերներին մահուան վտանգի: Թէեւ շատերը յաճախ էին երազել և բաղձացել դուրս գալու թշնամու հանդէպ զէնքը ձեռին, բայց այնուամենայնիւ դիւրին չ'եղաւ անցնել խրամատը, որ բաժանում էր բաղձանքը գործողութիւնից:

Ցոյցը տեղի ունեցաւ հոկտեմբերի 30-ին (1904 թ.) Գրիբոֆայա հրապարակի վրայ, Վարչաւայում: Գնեցին որոշ թուով ատրճանակներ [(բաւական վատ տեսակի), հրատարակեց թուցիկ, հաւաքեց մեծ բազմութիւն և երբ ոստիկանութիւնը նեւեց սրբորով ցուցարարների դէմ, գնդակները թափեցին ոստիկանական շարքերի վրայ: Ոստիկանութիւնը փախաւ, նորէն վերադարձաւ և սկսեց երկուստեք հրաձգութիւն: Շուտով եկաւ զօրքը (կօզակները պարզաւ գրոշակներով) և ի հարկէ յաղթեց: Սակայն ցոյցը իր նպատակին հասած էր: Առաջին անգամը 1864 թ-ից ի վեր (վերջին լեհական ապստամբութեան թւականն է) Վարչաւայի փողոցներում արիւն հոսեց ոչ միայն նրա բնակիչների, այլ և դահիճների արիւնը. և դա ցնցող տպաւորութիւն արեց մասսաների վրայ:

Այնուամենայնիւ, իսկական նպատակը դեռ հեռու էր իրականացումից: Եւ թէպէտ Վարչաւայի ցոյցին հետեւեցին մի շարք նման ցոյցեր գաւառներում՝ ամենքի համար ակներև էր, որ կառավարութիւնը չը պիտի զիջէր մի բանի տասնեակ ատրճանակների առջև: Բայց շուտով վրայ հասան դէպքեր, որոնք մէկէն ի մէկ փոխեցին մտքերն ու տրամադրութիւնները: Պետերբուրգում տեղի ունեցաւ Գապօնի առաջնորդութեամբ յայտնի ցոյցը:

Նրան յաջորդեց առաջին ընդհանուր գործադուլը: Կառավարութիւնը սկսում էր տատանւել, ապա դիմեց զինուորների, որոնց իսկական նպատակն էր հանգստացնել ժողովուրդը և սպասել մինչև պատերազմի վախճանը: Եւ թէպէտ այդ զինուորները ոչ չէին չը հանգստացրին, այնուամենայնիւ նրանք ստեղծեցին պատրաստ է՝ թէ գուցէ հնարաւոր էր կացութիւնը բարոքել առաւանջ զինւած կռիւների: Այդ նշանաբանը, որ գալիս էր բուր-

ժուական շրջաններից, մուտք գործեց և Լեհ Սօցիալիստ կուսակցութեան մէջ և շուտով ընդունեց մեր կուսակցական ինտելիգենցիայի մեծամասնութեան կողմից: Այդ բանին նպաստեց թարմ ուժերի հսկայական ներհոսանքը, ուժերի՝ որոնք ծանօթ չէին կուսակցութեան աւանդութիւնների հետ: Այդ մարդկանց թուում էր, թէ եթէ հրաժարւինք Լեհաստանի անկախութեան պահանջից, կրտսանանք առանց մեծ դժուարութիւնների քաղաքական ազատութիւն:

Կուսակցութեան մէջ կատարեց յեղաշրջում. նոր մարդիկ գլուխ կանգնեցին նրան. անկախութեան նշանաբանը փոխարինեց Սահմանադիր ժողովի պահանջով, որ յետագայում պիտի վերածէր մի աւելի համեստ պահանջի՝ լեհական թագաւորութեան ինքնօրինութեան (ապտոնօմիա):

Միաժամանակ կուսակցութեան մէջ սկսեցին մղել եռանդով պրօպագանդ՝ ընդդէմ զինւած ապստամբութեան գաղափարի: Նրան ընդդիմադրում էին ընդհանուր գործադուլները, ցոյցերը և այլն: Այդ կռիւն շարունակեց գրեթէ մինչև 1905-ի վերջը: Նա յետոյ ևս չը դադարեց, չը նայեած կուսակցական Մարտական կազմակերպութեան առաջ գալուն: Բայց այդ կազմակերպութիւնն ևս ստեղծեց միայն այն ժամանակ, երբ իրօք մօտենում էր յեղափոխութեան հաշտարդարութեան (լիկվիդացիայի) ժամը: Մարտական կազմակերպութեան մէջ մտաւ մեծամասնութիւնը այն ընկերների, որոնք մնում էին կողմնակից Լեհաստանի անկախութեան: Մնացածները հեռացեցին գործերից, կամ զրկեցին ազդեցութիւնից:

Այդպիսով մեր կուսակցութիւնը պատիժ կրեց նրա համար, որ նախօրօք չէր կարողացել պատրաստել անցքերին դիմաւորելու: Հարկաւ, ոչ ոքի չի կարելի մեղադրել կոտարւածի համար: Իմ ամբողջ տեսութիւնից երևում է, որ կուսակցութեան մէջ տեղի ունեցած փոփոխութիւնների պատճառը ձախորդ պայմաններն են: Եւ եթէ մենք այդպէս ծանրանում ենք մեր պատմութեան այդ շրջանի վրայ, չենք անում այդ՝ որեւէ մէկին մեղադրելու նպատակով, այլ միայն դասեր քաղելու ապագայի համար:

Այնուամենայնիւ, ինչպէս ասացի, ամբողջ կուսակցութիւնը չը հրաժարեց նախկին ծրագրից, և անկախութեան կողմնակիցների մեծամասնութիւնը կենտրոնացաւ Մարտական կազմակերպութեան մէջ: Թէեւ այդ կազմակերպութիւնը երբեք չը վայելեց Բանկորական կենտրոնական կոմիտէի համակրութիւնը, այնուամենայնիւ, արագ-արագ աճեց, զարգացաւ և նրան վիճակւած էր վերածննդեցնել կուսակցութիւնը: Ճիշտ է, այդ կազմակերպութիւնը չ'արեց այն, ինչ որ սպասելի էր նրանից: Լեհաստանը ոչ միայն փորձ չ'արեց ազատագրելու ցարիզմի բռնաւոր լծից, այլ և առ հասարակ

չ'եղաւ ասպարէզ լուրջ կուէի, ճակատամարտերի, որոնց մէջ մասնակցութիւն առնէին աշխատաւոր ժողովրդի զանգւածները: Բայց արածն էլ բաւական եղաւ՝ ստեղծելու համար մարտական այն միջնորդը, որ չը կար առաջնորդուի Ամբողջ երկիրը ծածկեց մարտիկներ ի փոքր ի խմբերով, որոնք հարկւրաւոր դէպքերում կուէին մղում ոչ միայն ոստիկանութեան ու ժանդարմների, այլ և զինւորների դէմ, իսկ միանգամ այսպէս կոչւած, արիւնոտ չորեքշաբթի օրը, մեր ռազմիկները գրոհ տւին միաժամանակ (1906 թ. 3 օգոստոս) ոստիկանութեան ու կոզակների դէմ Լեհաստանի 19 քաղաքներում:

Թերեւս աւելի կարեւոր է Մարտական կազմակերպութեան ներգործութիւնը բանւորական զանգւածների և ամբողջ հասարակութեան վրայ: Իր շեշտակի հարեւոններով, ուղղւած կառավարութեան դէմ, այդ կազմակերպութիւնը ցոյց տւեց, որ կուէր ռուս զօրքի դէմ ուսուպիա, ցնորք չէ, ինչպէս թւում էր այդ շաւերին՝ Լեհաստանի վերջին արդարաւարութեան վիժումից յետոյ: Նա յարուցեց հետաքրքրութիւն ռազմական գործերի համար, ստեղծեց զինւորական արեւստի շուրջը գրականութեան սկզբնաւորութիւնը, — արեւստի՝ որ յարմարեցրած է յեղափոխութեան կարիքներին ու պահանջներին: Նրա ազդեցութեան տակ, այսօր իսկ արդէն, P. P. S.-ի շարքերից դուրս ևս՝ կան մեծ թւով մարդիկ, որ թէօրիապէս և գործնականապէս պատրաստուած են գալոց յեղափոխութեան համար:

Կուսակցութեան մէջ եղած երկու հոսանքների պայքարը պէտք է հասցնէր պառակտման: Իւ նա առաջացաւ 1906-ի նոյեմբերին, Կուսակցութեան IX համագումարում. վերջինը բաժանեց ու ցրեց: Այնուհետև անկախութեան կողմնակիցները անւանեցին իրենց «Լեհ Սօցիալիստ Կուսակցութեան Յեղափոխական հատւած» (Fraction Révolutionnaire du P. P. S.):

Իս չեմ պատմի մանրամասնօրէն Կուսակցութեան մէջ եղած այդ յեղաշրջման պատմութիւնը, կ'ասեմ միայն՝ որ Յեղափոխական Հատւածի կոչին արձագանք տւեց Կուսակցութեան ահագին մեծամասնութիւնը: Մինը միւսի ետեւից տեղական կազմակերպութիւնները անցնում էին այդ Հատւածի կողմը: Իսկ երբ այսպէս կոչւած «Զափաւոր Հատւածը» իր առաջին համագումարում դուրս վտարեց իր ծրագրից անկախութեան պահանջը և յայտարարեց ինքզինքը ոչ միայն զինւած կուէի պատրաստութեան, այլ և նոյնիսկ ամեն ձեւի տերրորի դէմ, այն ժամանակ նրա սնանկութիւնն ակներե դարձաւ: Այժմ այդ կազմակերպութիւնը զուրկ է քաղաքական որեւէ նշանակութիւնից, որա օրգանները դադարել են, բացի մէկից, որ լոյս է տեսնում տարին 3—4 անգամ:

Ինչ վերաբերում է Յեղափոխական Հատւածին՝ նա «Զափաւորների» վերոյիշեալ համագումարից յետոյ վերստին առաւ իր նախկին անունը «Լեհ Սօցիալիստ Կուսակցութիւն», ի նկատի ունենալով, որ միմիայն նա է կրող հանդիսանում Կուսակցութեան նախկին ծրագրի ու տակտիկի, բացի այդ, պահպանում է իր շարքերում ոչ միայն Կուսակցութեան հիմնադիրներին, այլ և նրա անդամների մեծամասնութիւնը:

Այդպիսով, Լեհ Սօց. Կուսակցութիւնը վերստեղծեց, իբրև մարտական Կուսակցութիւն:

Այդ միջոցին փոփոխել էին և արտաքին պայմանները: Ռեակցիան յաղթանակել էր *) և ամբողջ 1907 թւականը քանդումի, կազմալուծման շրջան էր: Քանդուում էին յեղափոխական շարժման միջոցին չափից դուրս մեծցած կազմակերպութիւնները: Մեր Կուսակցութիւնն ևս տուժեց դրանից: Դեռ 1907-ի սկզբում, Կուսակցութեան X համագումարում, մենք հաշուում էինք 25,000 գործու անդամներ, բայց շուտով անհնարին դարձաւ ղեկավարել զանգւածները: Ամբողջ Լօձի շրջանը, որ ունէր 12,000 անդամ, պէտք եղաւ լուծել: Վարչաւարում Կուսակցութիւնից հրաժարեց բանւորների մեծամասնութիւնը: Նրանք կազմեցին առանձին Կուսակցութիւն, որ մղում էր գործարանային տերրոր: Մաւորականութիւնը ոչ միայն լքեց մեր շարքերը, այլ և զանգւածօրէն յայտարարեց ինքզինքը մեր դէմ համարելով P. P. S.-ը ծրկրի բոլոր դժբախտութիւնների պատճառ: 1907 — 1908-ի ձմեռը ռեակցիայի գագաթնակէտն էր — թէ ներքին և թէ արտաքին ռեակցիայի:

1908-ի ամառանից կացութիւնը սկսում է բարելոքւել: Կազմակերպութիւնը վերանորոգեց այն տեղերում, ուր նա դադարած էր իր գոյութիւնը: Բայց աւելի կարեւոր է այն՝ որ Կուսակցութեան անդամները յարմարեցին իրերի նոր կացութեան: Հին, դաւադրական մեթօդները վերադարձան: Մասնային կազմակերպութիւնները արձակեցին և նրանց տեղ ստեղծեցին նորերը, կազմւած փոքր թիւ, բայց փորձաւոր անհատներ: Այժմ գլխաւոր հոգան էր՝ Կուսակցական անդամների զարգացումը, դպրոցական սիստեմի միջոցով, մի սիստեմ, որով իրաւամբ մենք կարող ենք պարծենալ:

Դրա հետ միաժամանակ փոխւում են և մեր գործունէութեան արտաքին պայմանները: Հասարակութեան մէջ: Նախկին սարսափը անհետանում է, որովհետև մարդկանց ջղերը վարժւել, ընտելացել են կառավարական ճնշումներին և վերջինները այլ ևս չեն աղդում առաջւան պէս: Ինտելիգենցիան կարեց յոյսերը սահմանադրական իրաւակարգի վերադարձի նկատմամբ:

*) Պէտք է նկատել, որ եթէ Կուսակցութեան պառակտումը աւելի վաղ տեղի ունենար, հազիւ թէ նրա յեղափոխական տարրերը կարողանային յաղթութիւն տանել:

P. P. S.-ի գուշակութիւնը—որ առանց կուի ազատութիւն չը պիտի լինի — հաստատեց իրողութիւններով ֆինլանդիայի օրինակը, կատարի հալածանքը բոլոր «այլազգիների» դէմ, գաղանասիրտ նացիօնալիզմի շարունակական աճումը ռուսական հասարակութեան մէջ, այդ բոլորը ապացուցեց, որ ռեակցիան հետեանք չէ մեր յեղափոխական պայքարի, այլ որ նա տրամաբանական արդիւնք է այն յաղթանակի, որ կառավարութիւնը տարել է յեղափոխութեան դէմ:

Այդ էությունը արտայայտուում է բազմաթիւ իրողութիւններով: Մեր շարժման բնորոշ գիծն այն է՝ որ ամենաաչքի ընկնող լեհ գործներն ու բանաստեղծները համակրում են մեզ, Նրանք ևս ռեակցիայի սկզբում «հանդարտեցին» և իրենց գրածներում մատնում էին իրենց յուսարեկ տրամադրութիւնները: Այժմ իրենց բազմաթիւ պատկերների մէջ իդէալացնում են կուլուր, այն կուլուր, որ մենք մղեցինք: Երկրորդ ուրախառիթ է չը տեսնած իրողութիւնը—չը տեսնած մեր բոլոր ապստամբութիւններին յաջորդող ռեակսիօն շրջաններում—այն է՝ որ ամենուրեք բորբոքում ու բարձրանում է զինւած կուլի անհրաժեշտութեան գիտակցութիւնն ու շահը: Ամենուրեք կազմակերպւում են ակումբներ ու մարմիններ, որ կապւում են մեզ հետ կամ գործում են անկախօրէն, սովորում են ռազմական արեւստը, թարգմանում են համապատասխան գրքեր օտար լեզուներից և այլն: Եւ որովհետեւ այդ գործում մեր կուսակցութիւնը յայտնւում է առաւելապէս ձեռնհաս՝ ուստի և նա ստանում է իր շարքերի մէջ միշտ նոր ու նոր համախոհներ:

Այդ հանգամանքն անդրադառնում է և կազմակերպական յարաբերութիւնների վրայ: Թէև մենք տակաւին շատ փայլուն չենք համարում մեր գործերը, բայց և այնպէս այժմ մեզ համար անհամեմատ աւելի դիւրին է գտնել քարոզիչներ, ագիտատօրներ, ստեղծել կազմակերպութիւններ, քան առաջ: Երկու տարի սրանից առաջ մենք գրեթէ բնաւ ազդեցութիւն չունէինք երիտասարդութեան վրայ: Նրա ղեկավարներն էին կամ «ժողովրդական ռամկավարները» և կամ սօցիալ-դեմոկրատներն ու «չափաւորները» (այսպէս կոչւած «լեւիցա»): Այսօր երիտասարդական ժողովների մէջ մերոնք են տոն տողը, տիրապետող դիրք ունեցողը: Եւ մենայն դէպս, նրանք կարողացել են համախմբել իրենց շուրջը ամուր կազմակերպութիւններ: Այդ բանը նկատելի էր և մեր այսպէս անւանւած «կենտրոնական դպրոցներում»: Առաջին և երկրորդ դպրոցի մէջ մենք ունէինք միմիայն գործաւորներ: Երրորդը—խառն էր, չորրորդի մէջ ունէինք միմիայն մաւորականներ: Նոյնը տեսնում ենք աւելի մանր պարագաների մէջ: Նախանցեալ տարւայ աշնանը լեհաստանի «աշակերտական միութեան» մէջ մերոնք կատարեալ ազդեցութիւն ունէին, այնպէս

որ մեր ընկերները նոյնիսկ իրենց հարց էին տալիս՝ արժէ՞ արդեօք պրօպագանդ մղել այդ շրջանում: Նորերս այդ աշակերտական կազմակերպութեան համագումարում՝ մեր կուսակցութեան պատկանող 12 պատգամաւորների հանդէպ՝ կային միայն 4 հակառակորդներ:

Մեր Մարտական կազմակերպութիւնը, հարկաւ, ամենից աւելի տուժեց ռեակցիայից և պէտք է վերակազմէր: Այժմ նա շատ աւելի փոքրաթիւ է, բայց գոհացնում է կուսակցութեան կարիքները,—դրա մասին կը վկայեն այն տեղեկութիւնները, որ զետեղւած են մեր կենտրոնական օրգանի գրեթէ իւրաքանչիւր համարում: Նրա գործունէութիւնը զարգանում է երկու ուղղութեամբ. 1) Անմիջական գործողութիւններ մէջ, այսինքն զինւած յարձակումներ անձերի կամ կառավարչական հաստատութիւնների վրայ: 2) Պրօպագանդի մէջ. դպրոցներ ստեղծելով, դասախօսութիւններ կարդալով, հրատարակութիւններ, կրթական այլևայլ կազմակերպութիւններ հիմնելով կամ եղածներին օժանդակելով և այլն:

Մեծ կարեւորութիւն է տրւում մեզ մօտ հրատարակչական գործունէութեան: Մենք ունինք մօտ 12 օրգան—կենտրոնական և տեղական—ուպագրում ենք ահագին թւով գրքեր այլևայլ նիւթերի մասին:

Վերջապէս—սա բոլոր նախորդներից կարեւորագոյնն է—մեր շարքերում վերջին տարիներս առաջ եկաւ գաղափարային հիմնական յեղաշրջում: Նախ՝ աւելի խորացել է մեր ծրագրի ըմբռնումը: Մեր ընկերները այժմ արդէն պարզ գիտակցում են, որ մենք, սօցիալիստներս, լեհ աշխատաւորութեան շահերի համար, պիտի ձգտինք վերաստեղծելու լեհական անկախ պետութիւնը, որը պէտք է լինի ըստ կարելոյն ռամկավար, բայց որ, հարկաւ, լինելու է նոյնպէս «բուրժուական», ինչպէս բոլոր միւս հանրապետութիւնները: Իսկ առաջներում շատերը կարծում էին, թէ յեղափոխութիւնը իսկոյն պիտի տայ մեզ սօցիալիստական իրաւական կարգ կամ մտածում էին, որ «շարժե իսկ» յեղափոխութիւն անել, եթէ նա չպիտի հասցնէ միանգամից—Սօցիալիզմի...

Ա. ՎՐՕՆՍՅԻ

Լեհական Սօցիալիստ կուսակցութիւնը, որի գործունէութեան մասին հրատարակում ենք սոյն համարում վրօնսկիի լուրջ և ամփոփ տեսութիւնը, կատարեց անցեալ տարի ուշագրաւ յօդուեան: Նա տօնեց իր գաղտնի դաւադրական օրգանի 250-րդ համարի ի լոյս ընծալը: Եղակի դէպք Ռուսաստանի յեղափոխական մամուլի պատմութեան մէջ: Դիւրին բան չէ այդքան համարներ հրատարակել ամսէ-ամիս, դադտագողի, «ստորերկրայ» նկուղներում, «երկրի» մէջ, այսինքն ռուսա-

կան Լեհաստանում, ուր ոստիկանութիւնը շարունակ նախ գործի վրայ է, ուր շարունակ խուզարկում են, ձերբակալում մարդկանց հետ գաղտնի տպարանները, տառերը, ձեռագիրները... Միշտ, սակայն, ձերբակալուածներին տեղ՝ նորերն են երևան գալիս, նոր մեքենաներ ու գրաշարներ, նոր խմբագիրներ ու ցրւիչներ Եւ այդպէս երկար տարիներ ինչպէս յայտնի է, մեր «Դրօշակ»ը, որ բոլոր հայ յեղափոխական օրգանների մէջ միակն էր «երկրի» մէջ տպագրւած, իբրեւ «ստորերկրայ» հրատարակութիւն, շատ կարճ կեանք ունեցաւ. առաջին համարից ու մի երկու թուոցիկից յետոյ, տպարանը մատնեց և թերթը վտարանդի եղաւ... անցնելով դէպի Ռուսաստան, այնտեղից՝ Ժընէվ (քսան տարի սրանից առաջ)։

Լեհ միջավայրը շատ աւելի նպաստաւոր յայտնեց գաղտնի ձեռնարկների համար — և այսօր ահա մեր առջևն է դրած P. P. S-ի դաւադրական օրգանի 251-րդ փառահեղ, յօբելեանական համարը, որ տակաւին շարունակում է Լեհաստանի սոււերոտ, ինքը-հրդաւոր մի անկիւնում։ Անունն է՝ «Աշխատաւոր», «Robotnik», *Organ Polskiej Partji Socjalistycznej*։

Յօբելեանական այդ համարի մէջ մասնակցում են իրենց ողջոյնի նամակներով՝ Վամիլ Է ա յ ս մ ա ն ս, քարտուղարը Միջազգային Սօց. Բիւրօի, Եալմար Բրանտին գ, շվեդական սօցիալիստների պարագլուխը, Նատանսօն, Չերնով, Ռուբանովիչ, ռուս սօցիալիստ յեղափոխականների կողմից և «Դրօշակ»ի խմբագրութիւնը։ «Դրօշակ»ի նամակի վրայ առանձնապէս ծանրանում է «Robotnik»ի խմբագրութիւնը, յիշեցնելով լեհ սօցիալիստներին ու յեղափոխականներին «Դաշնակցութեան» արժէքը և այն մտերիմ, բարեկամական կապերը, որ գոյութիւն ունին լեհ և հայ յեղափոխական կուսակցութիւնների միջև։

Պ Ա Ր Ս Կ Ա Ս Տ Ա Ն

ՎԵՐՋԻՆ ՑԱՐԻԱՅ ԺԱԿԱՑԱՄԱՐՏՆԵՐԸ

ԵՒ

«ԴԱՅՆԱԿՑՈՒԹԵԱՆ» ՄԱՍՆԱԿՑՈՒԹԻՒՆԸ

(ՆԱՄԱԿ ՊԱՐՍԿԱՍՏԱՆԻՑ)

1909 թւին, երբ գահազուրկ արքան ռուս դեսպանատնում ամառանոցից կառք էր նստում դէպի իր քաղաքային, մեկնելիս յայտնել էր իր շրջապատին, թէ «նախնիքս իրենց թրի ուժով են տիրել երկրին, ես էլ իմ թրի ուժով պիտի վերագառնամ կրկին տիրելու իմ գահին»։

Այս խօսքերը, որ այն ժամանակ թւում էին այրւած

սրտի մխիթարանք, յետագայում քիչ մնաց, որ իրականութիւն դառնային։

Պարզ է, որ էքս Զահը Օդեսսայում պարապ նստած չի եղել, որ նա ակտիվ գործունէութեան և սերտ յարաբերութեան մէջ է եղել յետագէմ տարրերի և կիսավայրենի ցեղերի հետ։ Պարսից սահմանադրական կառավարութիւնը այդ բանին լաւատեղեակ էր, ինչպէս ցոյց են տալիս ռուս անգլիական դեսպանատներին ներկայացւած բողոքները, դրանով հանդերձ փոխանակ ի մի ամփոփելու երկրի լաւագոյն ուժերը, իրենց պարլամենտական տգիտութեամբ, ապիկար կարիներների շարունակական փոփոխութեամբ, քաղաքական կուսակցութիւնների մէջ տիրող թայֆայականութեամբ, մի խօսքով երկրի շահը անձնականին զոհաբերելով, ստեղծել էին մի այնպիսի անիշխանութիւն, որից բնականաբար պիտի օգտւէր նախկին Զահը իր մտադրութեանց գործադրութեան համար։ Չպէտք է մոռանալ նաեւ այն հանգամանքը, որ եթէ այդպիսի թուլամորթ ու վախկոտ մի անձնավորութիւն, որը թւում է թէ չպիտի մոռացած լինէր յեղափոխական բանակի ռումբերն ու կախաղանի վրայ ձօճող իր համախոհների դիակները՝ չպիտի համարձակէր այդպիսի վտանգաւոր քայլ անել, առանց արտաքին «պահովութեան»։

Ռուս կառավարութեան հաւաստիացումները, թէ իբր նա տեղեկութիւն չի ունեցել էքս-Զահի գաղտնի մտադրութիւնների մասին և անգլիական յայտարարութիւնները իր չէզոքութեան մասին, մեր աչքերին նետած ոսկէ փոշիներն են։

Քննենք երկու պատերազմող կողմերի ուժը։ Թողովուրդը, մասսան գրեթէ անտարբեր է, նա սովորել է անմոռնջ ճնշել ու կեղծքել երկու ուժի մի տակ էլ, նրա համար միեւնոյն է՝ սահմանադրութիւնն է յաղթելու, թէ էքս-Զահը, նա սովորել է վիզը ծուկ ուժի առջև և գրկաբաց ընդունել նրան։ Էքս-Զահի և Սալարդովիէի յառաջխաղացումը արդէն ցոյց է տւել այդ տխուր իրողութիւնը։

Կառավարութիւնը ունէր իր տրամադրութեան տակ նորակազմ ուժի մասները, որ պատերազմող ուժ չեն ներկայացնում, թնդանթաձիգներն ու Ամնիէ ձիաւորները, որոնք միջակ ուժ են, կոզակների բրիկատը, որոնց վրայ երբէք չի կարելի վստահել և կոխ ուղարկել, և բախտարի ձիաւորները, որոնք հայերից կազմւելիք մարտական խմբերի հետ կառավարութեան միակ յոյսն ու ապաւենն էին ներկայացնում։

Բախտարներն ամենայն արագութեամբ արձագանք տւին կառավարութեան կոչին։

Այդ ուժերի վրայ պիտի աւելացնել կառավարութեան մեծաբանակ արագհարւածեան թնդանթները, վերջին սիսաեմի հրացանները և ահա առաջամիջերը, նաեւ այն բարեպատեհ հանգամանքը, որ Ֆինանսները

գտնւում էին ամերիկացի խորհրդական Շուստերի ձեռքին, որը պատերազմական ծախսերի համար տրամադրել է արել մօտ չորս միլիօն թուման և իր անձնաւորութիւնը, իբրեւ պատերազմական նախարարութեան խորհրդական:

Թշնամու բանակը բաժանւած էր երեք ճիւղերի: Սաւարդովէն գրաւելով Սէնէնդէճը և կազմակերպելով իր ուժերը, մեկնել էր այնտեղից մօտ 5000 ձիաւոր ու հետիոտն մարդկանցով: Այնտեղ նրան միացել էին Ջաֆ ցեղի քիւրդերն ու Ալի Ռզա-խան Կառուսին: Այնտեղից նա մեկնել էր դէպի Քիրմանշահ և գրաւել էր այդ քաղաքը:

Ալի-Ռզա խանը արդէն իր ձիաւորներով Քիրմանշահից յառաջացել էր և գրաւել Աստապարը:

Գաւով էքս-Շահին, նա թուրքմէնների մէջ չգտաւ այն ընդունելութիւնը, որ սպասում էր: Ընդհանրութեան պատգամաւոր Ադինէ Մուհամեդ խանի մղած պրօպագանդի, որը գտնւում է այժմ իր ցեղի մէջ, թուրքմէնների մեծ մասը երես դարձրին նրանից և հաղիւ նա կարողացաւ իր շուրջը համախմբել 1500 հոգի, որոնցով նա տիրեց Աստապատը, դիմադրողներ այնտեղ չ'եղան: Աստապատում նրա ձեռքն ընկաւ երկու թնդանօթ և ժողովրդից կորզեց մօտ 25,000 թումանի գումար:

Այնտեղից բանակը երկու մասի բաժնեց, մօտ 600 հոգի Արշատը Դովլէի հրամանատարութեամբ առաջ խաղաց դէպի Շահուլթ, տիրեց այդ քաղաքը ու սկսեց յառաջանալ դէպի Ցամղան. կառավարութեան մի փոքրիկ բանակ, մօտ 400 հոգով ու երկու թնդանօթով փորձում է կասեցնել նրա յառաջխաղացումը, բայց թեթեւ կուէից յետոյ զօրքի մի մասը անձնատուր է լինում, իսկ մի մասն էլ ապստանում է մօտիկ սըրբատեղին ու յետոյ նոյնպէս անձնատուր լինում: Բանակի հրամանատար Մասուդօղլու-Մօլքը, մի բանի հոգով փախչում է Սման, ուսկից տեղեկագրում է կառավարութեան կուէի արդիւնքը: Այդպիսով Արշատը Դովլէի առաջ բացւում է խորասան-Թեհրանի ճանապարհը և նա շարունակում է անարգել իր յառաջխաղացումը: Մահմեդ-Ալին թողնելով Շահ-Սալթանին Աստապատում, Գիւմուշթափէից նաւ է նստում և ցամաք իջնում Աշրաֆ, այնտեղից գրաւում է Սարի ու Բարֆրուշ և միանում Մազանդարանի խաների ու Ռէշիւ Սալթանի հետ, որոնք կարող են դուրս բերել մօտ 1000 ձիաւոր: Ռէշիւ Սալթանը, իբրեւ բանակի առաջապահ, գրաւել էր արդէն Ցէմազնետի և Ֆիրուզքուէի բարձունքները: Կառավարական բանակը Սարգար Մօհու հրամանատարութեան տակ, կազմաւած ուժօրով գիւմուշներէ, մուշահիսներէ, էնիէ և բախտիարի ձիաւորներից՝ բռնել էր Իմամզատէ Հալիմի անառիկ կիրճը և պատրաստւում էր լուրջ դիմադրութեան:

Վերահաս վտանգից ցնցւած՝ քաղաքական կուսակցութիւնները անձնական հաշիւները մի կողմ թողնելով, լուրջ գործունէութեան դիմեցին, միջկուսակցային խորհրդաժողովը, կազմաւած զաշնակցականներից, դեմօրատներից, էթէզաղթաբուլուց և էթէզալիսներից, միջոցներ ձեռք առաւ:

Օգոստոսին Սափաքուէից լուր էր հասնում՝ թէ էքս-Շահի բանակը, որը անառիկ դիրքեր էր բռնել լեռան վրայ՝ օգտւելով գիշերւայ մթութիւնից յառաջացել և գրաւել է բանակի ձախ թեւի վրայ գտնուող զինւորների մի քանի դիրքերը: Կառավարական բանակը, որ գտնւում էր ֆիրուզքուէից 3 փառսախ հեռաւորութեան վրայ, այդ լուրն ստանալուն պէս առաջ է շարժւում. բախտիարները խիզախ մի գրոհով յետ են խլում դիրքերը և շփոթութիւն ձգում թշնամու դիրքերի մէջ. միւս կողմից էլ մուշահիսներն ու բախտիարներ առթից օգտւելով աչ կողմից սկսում են ուժակոծել և ընդհանուր յարձակումով գրաւում թշնամու անառիկ դիրքերը ու նրան յետ մղում դէպի անտառը. թշնամուց սպանւում են մօտաւորապէս 120 հոգի, գերի ընկնում 52 հոգի, 150 հրացան և 2 թնդանօթ. սպանւածների մէջ են մի քանի նշանաւոր մազանդարանցի պետեր. հայ մարտիկներից սպանւում է մի համատանցի տղայ և վիրաւորւում հրկուսը. 52 գերիները քաղաք բերեցին. թշնամու ուժը այդ կողմում՝ հաշոււ էր մօտաւորապէս 2000. կուէի մէջ եղել է Շահէ Սալթանէն, բայց ինքը Մահմեդ Ալին, յայտնի չէր ուր պահւած լինելը:

Արշատը-Դովլէն, որ գտնւում էր Սմանում, օգտւելով Սման-խարի մէջ Ցեհնամաք կոչւած գիւղում գտնուող կառավարական յառաջապահների փոքր թելից՝ մօտաւորապէս 40 պախտիարի և 150 օսանլու՝ յանկարծական յարձակմամբ ցրւում է նրանց, գերի վերցնելով մօտաւորապէս 20 պախտիարի և մի մաս օսանլու. պախտիարիներին տեղն ու տեղը գլխատել տալով յառաջանում է դէպի խառ. խառում գտնուող պախտիարիները, Ջէրզամը Սալթանէի հրամանատարութեան տակ յետ են նահանջում և ամուր դիրքեր գրաւում խառի և Էրվանէկէյի մէջ գտնուող լեռների վրայ. տեղիցս անմիջապէս օգնական ուժ է ուղարկւում նրան Էմիր-Մուշահիս բախտիարցու հրամանատարութեամբ:

Լուր է հասնում, որ Արշատը-Դովլէն, շեղւելով իր բնական ճանապարհից, որ անցնում էր խառից Թեհրան, դուրս է եկել Վարաձնի դաշտը և մտադիր է այդ կողմով մտնել քաղաք. լուրը հաղորդւում է Ջէրզամը Սալթանէին ու Էմիր-Մուշահիսին, որոնք թողնելով խառը, յառաջանում են դէպի Վէրամին. տեղիցս անմիջապէս ճանապարհւում է քեռին հայ զինւորներով ու բախտիարներով, նրան հետևում են Կիրեմը, Սարգար Բահաւօրն ու Սարգար Մօհթաւէօն նոր գունդերով ու թնդանօթներով: Կուէի, որ

Իմամզատեճաֆերում սկսել էր արդէն Արշադը-Դովլի և Զերդամը Սալթանայի միջև վճռական է դառնում, երբ հասնում են Թեհրանից գնացած գնդերը: Թշնամին երեք կողմից շրջապատւած, լքում է կռիւի գաշտը և փախչում: Ինքը Արշադը-Դովլէն վիրաւորւած բռնում է, մեծ թւով սպանւած, վիրաւոր և գերի տալով: Գերի են ընկնում նրա 3 թնդանթները, ռազմամթերքը, մեծ քանակութեամբ հրացան և կանխիկ դրամ: Իրեն հարցաքննելուց յետոյ, Թեհրանից ստացւած հրահանգների համաձայն, Եփրեմը տեղն ու տեղը գնդակահարել է տալիս նրան ու վերադառնում մայրաքաղաք:

Արշադը-Դովլի պարտութեամբ արդէն Մազանդարան-Խորասանի կողմում Մահմեդ Ալիի ուժերը գրեթէ իսպառ խորտակւած էին:

Բռնապետութեան սիւներից մէկն էլ ընկնում է յանձին Նայիպ Հուսէյն Բաշուն: Նա Հէրէնդի շրջանն աւերելուց յետոյ, առաջացել էր գէպի Քաշան, բայց Զիալ-Սուլթան բախտարցին նրա առաջն կտրում է և Իմամզատէ Ապուղէյում նրան շրջապատում: Ծերունի աւագակապետը դիմադրութիւնն անօգուտ տեսնելով անձնատուր է լինում և ձերբակալուում:

Շուտով հրապարակ եկան Սալար Դովլէն, Սուլայ Դովլէն և մի շարք Նայիբ Հուսէյններ ու դրանց նման անձնաւորութիւններ, որոնք իրենց շուրջը հաւաքելով խառնակիչների ու թալանչիների խմբակներ, հակահաւաքաչական գործողութիւններ էին սկսել այս ու այն կողմում:

Կառավարութիւնը, որ բաւականաչափ ուժ չունէր բոլոր ուղղութիւնների վրայ արշաւելու, կենտրոնացրեց իր ուշադրութիւնը Մահմեդ Ալիի դէմ: Սրան ի հանգեպ ուղարկած բանակը ուներ իբրեւ անւանական հրամանատար Սալար-Փաթէն, բայց իսկական հրամանատարը մեր ընկեր Սալանն էր, որ կարողացել էր գրաւել ու խաղաղացնել ամբողջ Մազանդարանը: Խլել էր միապետականներից Բաշֆուլուն ու Սարին և Մահմեդ Ալիին փախցրել էր Գիւմուշթափա, որ ռուսական սահմանագլխի վրայ է ընկած:

Կրասնովոդսկիյից մը նաւ էր ճանապարհւել դէպի այդ կողմը, Մահմեդ Ալիի արամադրութեան տակ դըրելու համար:

Մազանդարանը կարճ միջոցում այն աստիճան խաղաղացրեց, որ կառավարութիւնը յետ կանչեց դաշնակցական անւան տակ կռուող մարտիկներին և մի խումբ ժանդարմների՝ ուրիշ տեղ ուղարկելու նպատակով:

Այժմ դառնաւ Սուլայ Դովլէին և Թաւրիզի դէպքերին: Ինչպէս յայտնի է, կառավարութեան դէմ ապստամբողներից մէկը և թերևս ուժեղագոյնը այդ անձն էր: Թաւրիզի Անջումանը հեռագրում է կենտրոնական կառավարութեան, որ օգնութիւն հասցնէ, այլապէս իրենք ոչինչ անել չեն կարող: Այդ հեռագրից

պարզւում է, որ ժողովրդականներից սպանւած է 5 հոգի, իսկ հակառակորդներից 20-ից աւելի վիրաւորներ: Թաւրիզում պաշարի մեծ պակասութիւն կար: Թշնամին շարունակում էր պաշարել քաղաքը և պատրաստութիւն էր տեսնում ամեն կողմից յարձակելու նրա վրայ:

Կառավարութեան ուժը փոքրիկ էր: Նա իր ամբողջ ուշադրութիւնը դարձրել էր քաղաքի ինքնապաշտպանութեան վրայ: Թաւրիզի շուրջը դիրքեր էին պահում դաշնակցականները:

Կացութիւնը սկսեց լաւանալ և յոյսեր ներշնչել, երբ քաղաքի բոլոր ուժերի հրամանատար Նշանակեց Թեհրանից ընկեր Դուռնը: Նրան էին ներկայացրած հայ ու թիւրք բոլոր խմբապետները և յանձնած թնդանթները: Ընկերը կարողացաւ իր շուրջը հաւաքել դաշնակցական մարտիկներից մի ստւար բազմութիւն:

Ռուս կառավարութիւնը, որ վաղուց ի վեր սովորութիւն էր արել պարսից բոլոր գործերում միջամտել, մէկէն ի մէկ յայտարարեց, որ նա թող չը տայ կառավարչականներին՝ Թաւրիզից միայն 35 բիւսետրի վրայ կռիւ մղել: Այդ յայտարարութեան հետեանքը ահա թէ ինչ եղաւ:

Օգոստոսի 20-ին Ազի կամուրջի վրայով մի խումբ ձիաւորներ ուղում են քաղաք մտնել: Քաղաքից իրենց առաջն են ուղարկում ժանդարմների մի խումբ: Հազիւ մի քանի գնդակ արձակած՝ ռուս կոզակները գալիս են կռիւի վայրը և ուղում են ձերբակալել ժանդարմներին: Ընդհարման ժամանակ վիրաւորուում է մի օֆիցեր, Գուլի անունով: Ժանդարմներից յաջողւում է ձերբակալել 4 հոգու, որոնց հիւպատոսարան տանելուց յետոյ փոխադրում են ռուսաց բանակը և բանտարկում: Իր այդ քայլը ռուս կառավարութիւնը բացատրում է նրանով՝ որ կռիւը 35 բիւսետրից մօտիկ տարածութեան վրայ է եղել:

Սեպտեմբերի 6-ին Սուլայ Դովլէն մեծ ուժով Սաւրիդ-Ալից և Շահ-Ջաղանից յարձակում գործեց Թաւրիզի վրայ: Կռիւը 7 ժամ տևեց: Սուլայ Դովլէն մեծ ջարդ կերաւ և յետ նահանջեց:

Գալով Սալար Դովլին, նա Սուլթանաբաա էր, իսկ նրա մարդիկ Համադանը գրաւելուց յետոյ՝ այնտեղի և Ղազրինի մէջ եղած ճանապարհներն էին թալանում: Կառավարութիւնը իր ուժերը կենտրոնացրեց նրա դէմ: Կառավարական զօրքերը այլևայլ ուղղութիւններով առաջ գնացին, թշնամուն ամեն կողմից պաշարելու համար: Բաւական թւով մուջահիդներ և բախտարցիներ գնացին: Մեր մարտիկներից գնացած են Սիմօնի, Արշադի և Շերամի խմբերը (75 հոգի) և Իււանի գընդակացիներն ու խումբը (14 հոգի): Ապա գնացին Քեռին ու Լփրեմը իրենց տղաներով:

Աւելորդ չի լինի տեղեկացնել ձեզ և այն դէպքերի մասին, որոնք պարզում են ռուս կառավարութեան դէպի դաշնակցականներն ունեցած քաղաքականութիւնը:

Ամենից առաջ մեր դաշինքները սկսեցին էն զէլի յից: Ռուստի հիւպատոսի հրամանով Էնկէլիյի ագենտը ձերբակալում է Արշակ Սարումեանին, որ տարիներ առաջ այնտեղ է եկել և յայտնի է իբրև պարսկահաստակ: Նա զինւորագրութիւնից փախած է: Նրան արդէն կովկաս են շրկել: Ուրիշ 4 հոգու էլ կանչել է ու խիստ նկատողութիւն արել, որ նրանք յաճախել են այնտեղ մեր ընկերոջ դասախօսութիւնները և առհասարակ մասնակցել են պարսկական շարժումներին կամ անդամակցել են Հ. Յ. Դաշնակցութեան:

Բէնդերգաղից էլ հեռագրում էին մեզ, որ այնտեղ էլ մեր ռուսահաստակ ընկերներից ձերբակալւածներ կան: Ռուսաց դեսպանատան պաշտօնեան պահանջում է արտաքին գործոց նախարարից յանձնելու նրան «կրասնօփոսկ» պատերազմական նաւի նաւաստիներից մէկին, որ փախել է մի ինչ որ յեղափոխական Սուրէնի հետ: Հակառակ դէպքում սպառնում է ձերբակալել այնտեղի դատաւորին և դաշնակցական ընկերներին:

Նաւաստին Ղազբինից դէպի Թեհրան ճանապարհին ձերբակալում են, իսկ Սուրէնի մասին յայտնի չէ դեռ:

Սեպտեմբերի 2-ին ռուսաց հիւպատոսարանից մարդ են շրկում Հայկ Տէր Օհանեանի ետեւից և կանչում նոյն գործի համար: Երբ սա ներկայանում է, ձերբակալում են: Պատճառը նրա ռուսական թերթերին տւած ճիշտ տեղեկութիւններն են: Նրա բռնելուց յետոյ Եփրեմը հեռագրում է Տարգովին (ռուսական մայրաքաղաքի թերթերի աշխատակից է, այստեղ եղած). «Հայկը ձերբակալւած է, թերթերին ճիշտ տեղեկութիւն հաղորդելու համար»: Դրա վրայ ձերբակալւածին ազատ են արձակում:

ՀԱՍԱՐԱԿԱԳԻՏԱԿԱՆ

ՊԵՏՐ ԼԱՎՐՈՎԻ ՊԱՏՄԱՓԻԼՍՈՓԱՅՈՒԹԻՒՆԸ

Ն Ե Ր Ա Մ Ո Ւ Թ Ն Ա Ն Տ Ե Ղ

Ընդամենը 12 տարի է բաժանում մեզ ռուս մարտական մտաւորականութեան այն հոյակապ դէմքից *), որին իր երախտագէտ հայրենակիցները դեռ պայքարի օրերին «մեր ժամանակների ունիվերսալ զլուխը» տիտղոսին են արժանացրել:

Պատմական կորովի մի գէմքի հասարակական Նշանակութիւնը, նրա մոլորչական գնահատումը տալու համար անցած մի տասնամեակը առհասարակ շատ կարճ

*) Հռչակաւոր ռուս սօցիալիստ-մտածողը վախճանւեց 1900 թ. փետրւարին Պարիզում, աքսորի մէջ. Ծ. Խ.

ժամանակամիջոց է: Իսկ երբ հարցը Պ. Լավրովի նման անձնաւորութիւններին է վերաբերում, որոնք ամբողջ սերունդների տարածութեան վրայ, մի մտաւորականութեան լաւագոյն և ամենագոյուն մասը իրենց ուժեղ մտքի և անհատականութեան թովքին են ենթարկել, — ապա այդչափ կարճ ժամանակամիջոցները կորցնում են անգամ իրենց համեմատական արժէքը: Այսօր մենք ճգնում ենք դեռ իրականացնելու այն, ինչ այնքան հետեոյականօրէն և աննկունութեամբ քարոզել է մեծ ուսուցիչը: Եւ այդ ոչ միայն խօսքով ու գրչով, այլ և գործով, կենդանի օրինակով: Ասէք այսօր մեզ հետ է դեռ կենդանի մարդը իր անհատականութեան ամբողջ հմայքով, իր կարող մտքով ու կամքով: Ասէք նրա հետ միասին դեռ նոյն օդն ենք շնչում, սնւում ենք նոյն զգացումներով, խորհում ու մտորում ենք այնպէս, ինչպէս նա է խորհել և մտորել:

Յաճախակի դիտւած երևոյթ է, որ շատ հասարակական խոշոր գէմքեր, պատմական թատերաբեմից յետ քաշւելուց յետոյ դադարում են այլ ևս ժամանակակիցների յիշողութեան մէջ ապրելուց: Նրանց կողմից համարեա թէ մոռացութեան են արւում: Որ նոյնքան յաճախ դիտւած է նաև տրամագծօրէն հակառակ երևոյթը, — դրանով միայն հասարակական մի շարք եղելութիւնների գոնէ առերևոյթ հակասական լինելն է փաստւում և ոչ առաջինը ժխտւում:

Կայ հասկանալին, բացատրելին: Բայց կայ նաև անբացատրելին, առեղծւածայինը, յամենայն դէպս թւաբանական հաշիւներից խուսափող՝ այդ օրինակ երևոյթների մէջ:

Պատմահասարակական խոշոր գէմքը ապրել, մտածել, զգացել է հասարակական, պատմական այրող պրօբլեմներով, այդ պրօբլեմների համար դրանց որոշակի, վերջնական և նպատակայարմար լուծումը նրա որոնող մտաշղացումների մշտական նիւթն է եղել: Նա իր կամեցողութիւններով, գործողութիւններով և մտորումներով հասարակական պիտանի ուժերն է մղել դէպի այդ լուծումը: Նա իր անհատական ուժի ամբողջ հեղինակութեամբ — շատ անգամ ընդունողների կողմից նոյնիսկ աննկատելի — ստիպել է հասարակական ոչ սակաւութիւն հասաներին և գրուպաներին (խմբումն) մտածել այնպէս, ինչպէս ինքն է մտածել, զգալ և կամենալ այնպէս, ինչպէս ինքն է զգում և կամենում: Անհատական մտածողութիւնը հասարակական կամ գրուպային մտածողութեան արժէքն է ստանում: Անհատական զգացողութիւնը դառնում է հասարակական կամ գրուպային զգացողութիւն: Անհատական կամքը, վերջապէս, հասարակութեան հեղինակաւոր ներագործումն է ստանում, — յաճախ լռելեայն, ի հարկէ:

Գալիս է վարկեանը, երբ անհատը «գիմազրկւում» է: Բայց դա թւում է միայն. մոռացումը սոսկ ձևական է:

Անհատը դիմաթող չէ լինում, նա չէ կորցնում իր անհատական մեծութիւնը, այլ հասարակութեանը, գրուպաներին է բարձրացնում կամ մօտեցնում իրեն, իր թովիչ անհատականութեան բարձրացում ու մօտեցնում է գէթ նրանց ընդհանուր տրամագրութիւնները Պատմահասարակական խոշոր դէմքը չէ մոռացում իրօք նա, «մոռացում» է միայն (երևութական մոռացութիւն), որովհետեւ նա լուծւում է իր անհատականութեամբ հասարակութեան ամենագոյնի, ապա ուրեմն և լաւագոյն մասի գիտակցութեան մէջ, և մնում է այնտեղ պահած, աննկատելի: «Մոռացում է», որովհետեւ հասարակութեան այս կամ այն մասը կրում է նրան իր մէջ, որովհետեւ «ժամանակներն» են կրում նրան իրենց արգանդում:

Եւ որքան տեղի տեղական են սօցիալ-պատմական այն պայմանները, որոնց մէջ շնչել ու գործել է պատմական դէմքը, որքան աւելի սերտորէն է կապել նա իր շրջապատի հետ և որքան աւելի զօրեղ է եղել նրա ազդեցութիւնը իր միջավայրի վրայ, այնքան ևս մեծ է «ապրել-մոռացելու» վտանգը, այնքան ևս հեռու է այն վայրկեանը, երբ պատմահասարակական դէմքը որոշակի գծերով կըսկսէ բիւրեղանալ հասարակութեան «յիշողութեան» մէջ, կ'անցնի, ուրիշ խօսքով, պատմութեան գիրկը:

Այդ վայրկեանին է, որ պատմաբանի զգուշաւոր ձեռքը առանց վարանելու կը թաթախէ իր գրիչը պատմական դէմքի իրական գնահատման առաջին էջը բանալու համար:

Լավրովի վերաբերմամբ՝ այդ վայրկեանը, դժբախտաբար, դեռ չէ հասած, որովհետեւ ռուսական հասարակական կեանքը Լավրովի վարդապետածից միայն չնչին բեկորներ, համարեա ոչինչ է իրականացրել տակաւին:

Մեր մատնանշած հասարակական-հոգեբանական ուշագրաւ երևոյթը հազարաւոր դէպքերով է յայտնի մարդկային պատմութեան մէջ: Նման երևոյթ անդի ունի և ոչ միայն հասարակական պայքարի թատերաբեմում անմիջական հարաւծներ տուող և ստացող կուստենչ հոգիների հետ, այլ և փիլիսոփաների:

Գերմանական, գուցէ և բոլոր ժողովուրդների ու ժամանակների խոշորագոյն մտածող՝ Կանտը, մոռացած էր իր հայրենիքի մէջ մի այնպիսի շրջանում, երբ գերման կրթւած հասարակութիւնը անգիտակցօրէն նրա դաւանած բարոյագիտութեան շնչով էր ապրում, երբ գերմանական բարոյա-իմաստասիրական գրականութիւնը մեծ փիլիսոփայի մօքերի բեկորներով էր կերակրւում: Նման երևոյթ՝ ֆրանսիայում:

Մօնտեսքիօյին, Ռուսսօյին և Վօլտերին ֆրանսիական ժողովուրդը բիչ, շատ բիչ էր կարգացել մինչ-յեղափոխական շրջանում: Բայց ժամանակակից գրական և պատմական երկերը ցոյց են տալիս, և ականատեսները

վկայում են, որ Մեծ Յեղափոխութեան նախօրեակին դժւար էր գտնել ֆրանսիայում նօրմալ մէկին, որը իր սովորական արտայայտութիւնների մէջ չմերկացներ մի կտոր Ռուսսօ, Վօլտեր կամ Մօնտեսքիօ:

Ֆրանսական ժողովուրդը, անշուշտ, միջականօրէն իր գիտակցութեան մէջ էր առել այդ մեծ դէմքերի վարդապետածները:

La contagion! La fascination! — Վարակում, Թովում, կ'ասէր, հարկաւ, Գիւստավ ԼըՅօն:

L'imitation! — Ընդօրինակում, կը պնդէր Թերէս Գ. Տարգըր Գուցէ և ամեն մէկը մի որոշ իրաւունքով, բայց ո'չ միակ և ո'չ ամբողջական իրաւունքով: Պահասում է արխիմեդիան յենակետը՝ երևոյթը իր պատմահասարակական ամբողջ բովանդակութեամբ և հոգեբանութեամբ վերցնելու համար: Նմանօրինակ չափազանց շատ պարագաներում այդպիսի մի յենակետ կամ գոյութիւն չունի՝ պատմահասարակական դէմքերի և դէպքերի գնահատման համար. կամ գոյութիւն ունին միաժամանակ մի քանիսը. և կամ իբրեւ միակը գտնւած վայրկեանին գնահատող դէմքն ու դէպքը այնքան հեռացած են մեզնից, որ ժամանակի և տարածութեան թանձր քողը անմատչելի է դարձնում մեզ կատարածի կամ եղածի իրական վիճակը:

Բացարձակ «առարկայական» վելաբերումը, որ հնարաւոր պիտի լինէր գնահատողի և գնահատողի հեռաւորութեան պատճառով, յաճախ բերում է իր հետ անհրաժեշտօրէն նաեւ կիսատ վերաբերումի հնարաւորութիւնը. այո՛, համարեա անխուսափելիութիւնը:

Թերէս մի խոշոր մասով նման հիմք ունի յայտնի մոլորութիւնը, թէ՛ «մեծ ժամանակները իրենց մեծ մարդկանց են ծնում»:

Իր քիչ «մեծ ժամանակի» և մեծ մարդու կամ մարդկանց զուգահիշման դէպքում շատ աւելի դիւրին է, և՛ քաղաքական գնահատողների համար և՛ կոնկրետ ու գոհացուցիչ ժամանակակիցների բազմութեան աչքում, «մեծ ժամանակների» լայն հիմքի վրայ սեղմ անհատին կանգնեցնելու, քան վերջինիս վրայ առաջինները: Շատ աւելի դիւրին է որոշ անհատին անորոշ «մեծ ժամանակների» հետեանք համարել, քան թէ անհատին կամ անհատներին վերջիններիս պատճառաւ ինչ որ դիւրին է և առաջին իսկ րոպէից կոնկրետ երևացող՝ դեռ ևս իրականն ու իրաւացին չէ: Ընդհակառակը՝ իբր հարցը հասարակական և անհատական հոգեբանութեան հետ խճողած բարդ երևոյթներին է վերաբերում, հիմք կայ ենթագրելու, որ հեշտ և կոնկրետ երևացող մի «փոքրիկ» դէպք զուգորդւած է մշտապէս մի շատ խոշոր մոլորութեան հետ: Այդ երևոյթների մի խորունկ հոգեբանական և հասարակագիտական վերլուծութիւնն ցոյց կը տար և ցոյց է տալի,

որ յաճախ հակառակն է ճշմարիտ. որ յժամանակները փոքր են, որովհետև չունին իրենց մեծ մարդիկը՝ Այգպիսի մի վերլուծութեան առաջին քայլը դեռ չարած՝ մեզ իսկոյն կը գտնէինք, օրինակ, նման հարցերի դիմաց:

Ռուսական «մեծ ժամանակները» արդեօք ծնեցին Հէրցէներին, Չերնիշևսկիներին, Սալտիկովներին, Լավրովներին, Բելինսկուն, Գոմբոլիբովին և այլն, թէ՞ դրանք ստեղծեցին «մեծ ժամանակները». ստեղծեցին, ի հարկէ, ոչ ոչնչից: Արդեօք Ռուսսոն, Վոլտերը, Մօնտէսքիօն երևին, որ դրին ֆրանսիական «մեծ ժամանակները» սկիզբը, կամ գոնէ մեծ չափով նպաստեցին դրան, — թէ՞ այդ փայլուն դէմքերը դադարեցին այլևս արտագրելուց, հէնց որ ֆրանսիական «ժամանակները» թօթափեցին իրենցից «մեծութեան» ծիրանին:

Այլ հարցում: Լուդվիգ Բիօնենները, Հայնէները, յիփտասարդ Գերմանիայի՝ փայլուն պլեյադն էր արդեօք, որ բերեց *Strum und Drang*, թէ՞ գերմանական «ժամանակները» իրենք իրենց պէտք է արդէն փոթորկէին, եթէ անգամ գերմանացի մայրերը փոթորկոտ հոգիներ չծնէին:

Բայց «մեծ ժամանակներին» հակադրուում են յաճախ «փոքրիկ ժամանակները»:

Եւ կրկին՝ Սակաւ են փոքր երեացող այնպիսի ժամանակներ, որ «մեծ» լինելու մէկից աւելի հնարաւորութիւն ունին իրենց ծոցում, սակայն ծնում են «փոքրիկ», որովհետև դեռ չկան, դեռ թագնւած են նրանց մեծ դարձնող դէմքերը:

Երբ, ո՞ր դարում, ո՞ր ժողովրդի մօտ աւելի շատ տրտունջներ են բարձրացել սերնդի մանրացման առթիւ, քան մեր ժամանակում:

Նորից հարց է. իրօք սերունդն է մանրացած. արդեօք ժամանակները կամ մայրերն են ամլացել, այլևս «մեծեր» չեն ծնում: Թէ՞ այդ «մեծերը» այնչափ շատ են, որ մէկը կամ երկուսը անհասարէն չեն կերպաւորում հասարակական ֆօնի վրայ: Թէ՞ անհատի հանգեպցըած պրօբլեմները իրենց հսկայական և բազմակողմանի լինելուն պատճառով՝ այդ անհատի «մեծութիւնն» են նսեմացնում: Թէ՞ գուցէ նախկին ժամանակները բաժանաբաժան չ'անելով անհատի հոգեկան կարողութիւնները, կենտրոնացնելով նրանց համեմատաբար սահաւաթիւ ու միակողմանի պրօբլեմների շուրջը, հնարաւորութիւն են ընձեռել նաև աւելի մեծութեամբ երևան գալու:

Կամ գուցէ այն պատճառով, որ «մեծ» տիպոս կրող երեխաներ մի խոշոր մասամբ ուրիշ բան չէ, բայց եթէ «անանուն հերոսների» հմայքը, հերոսներ, որ ամեն տեղ են, ամեն ժողովրդի մէջ, ամեն դարում: Մի տեղ աւելի, մի այլ տեղ պակաս:

Մի վայալինգ, մի Լասսալ, մի Լիբկնեխտ, մի Բեքէլ

մեծ հոգիներ են, անշուշտ. մեծ՝ թէկուզ հէնց միայն իրենց իդէալների անաղարտութեամբ, դրանց աննկուն, մոլեռանդ հետապնդումով և փոթորկոտ հոգիներ: Հետևանք են դրանք իրենց ժամանակի մեծ շարժումներին, թէ՞ այդ շարժումները իրենց մեծութեան մի խոշոր մասը պարտական լինելով նման նախորդներին, աւելի ևս մեծանում են դրանց անմիջական մասնակցութեամբ:

Բաբեօֆ, Պրուդոն, Լուի Բլան, Ժօրէս, սրանք ևս խոշոր են ոմանք իրենց հոյակապ յղացումներով, ուրիշներ իրենց կամքով, մարտական խառնաձրով:

Ո՞վ կարող է լուսաբանել նոյնիսկ չափազանց անհատական, ուստի և նւազ անհասարակաշտ գերմանացիների խոշոր սօցիալիզմի շարժումը՝ առանց ծանրանալու Լասսալների, Բեքէլների, Լիբկնեխտների վրայ: Ծայրայեղ դօգմայնութիւնն իսկ՝ ինքզինքը թերի է ցոյց տուել այդ լուսաբանութեան մէջ:

Ո՞վ կարող է առանց դօգմային մտածողութեանը զոհւելու, բացատրել անհատապաշտ և նւազ անհատական ֆրանսիացիների սօցիալիստական շարժման ուժն ու ծաւալը, առաքինութիւններն ու սխալանքները՝ անհատի հմայքից անջատ ու անկախ:

Վիճելի հարցեր են. մասամբ և վիճառ:

Մի բան պարզ է. Պ. Լավրովը մէկն է այն դէմքերից, որոնք իրենց անհատական ամբողջ թափով, պատմահասարակական գործելով ու հեղինակութեամբ «մեծ ժամանակների» արքայադստիկ երեացող տեսութիւնը առնւազը պատմութեան սրբագրական սեղանի առջև են հրաւիրում: Առանց խոշոր զդրողների ու շշուկների, իր լուիկ հմայքով ապրած ու գործած մարդը ապրում է հասարակութեան լաւագոյնների խորքերում, լուծւում է այդ գիտակցութեան մէջ՝ եւ յաճախ չափազանց դժւար է նոյնիսկ մի յայտնի վայրկեանում՝ որոշել, թէ որտեղ է վերջանում անհատականը և որտեղից սկզբնւում հասարակականը, խմբականը, մասսայինը:

Լավրովի զարգացման պատմութիւնը իր գործնական հաւանածի մէջ ռուսական իրականութեան պատմութիւնն է. իսկ տեսական աշխարհում՝ մասամբ նաև եւրոպական մտքի զարգացման պատմութիւնը:

Նա ռուսական առաջին, գիտական փիլիսոփան է: Առաջինը գոնէ, որ Արևմուտքում կանտօն և Կոնտան փիլիսոփայութեան ազդեցութեան տակ սկզբնւում հակաստեղծաբանական և հակաբնական հոսանքը ճշգրտորէն ըմբռնեց, փիլիսոփայական նոր ուղղութեանը քննադատօրէն հետևեց, մէկ կամ միւս կէտում ինքնուրոյնաբար շեղելով թէ՛ մէկից և թէ՛ միւսից:

Նա ռուսական սուբեկտիվ (ենթափայապաշտ) հասարակագիտութեան — կամ ինչպէս Արևմուտքում կարձ աւելում է — «ռուսական սօցիոլոգիայի» ականաւոր հիմնադիրներից է. և Միխայիլովսկու, Չերնիշևսկու հետ

Հասարակագիտական այդ դպրոցի տաղանդաւոր հիմնաւորողն ու զարգացնողը:

Նա միաժամանակ և մարդաբան է, խոշոր էրուդիցիայով. համարեա միակը, որ իր մարդաբանական ընդարձակ ծանօթութիւնը այնքան միաձուլ կերպով շաղկապել է իր ընկերվարական հայեացքներին հետ:

Նա ռուսական պոզիտիվ (դրամաշտ) բարոյագետն է. ամենակորովին՝ արդի դասակարգային կռիւն բարոյագիտական հիմնաւորումն տալու փորձը ձեռնարկողներից և առաջիններիցը:

Նա Զերնիշեկուհի հետ հասարակական մի ամբողջ շարժման պարագլուխն է, զեկաւարը, գրեթէ ստեղծողը:

Նա այդ շարժման միջազգային ներկայացուցիչն է 1871-ի Փրանսիայում:

Նա, վերջապէս... Լափրովը է: Ընունն իսկ շաա բան է ասում մեր սրտին և մեր ուղեղին. «Հաննիբալեան երգման» մեծահռչակ օրերին, տեմպերամենտով լի երիտասարդ «ժերուկը» և «Հաննիբալեան երգազանցութեան» վատաբախտ օրերին բջերի հետ իր դրօշակին հաւատարիմ մնացած ծերուկ երիտասարդը:

Բոլորը չեն սրանք. բայց գիտաւորներն են:

Նիւթ առնել այս ամենը այն դէպքում, երբ ամեր նպատակ ենք դրել տալ ընթերցողին մի ներածութիւն դէպի Լափրովը՝ որպէս ամբողջական և գրանիտեայ անհատականութիւն, կը նշանակէր թեքել մեր նպատակից. կը նշանակէր անել անարդարացին՝ ունիվերսալ (հանրագէտ) մտածողի վերաբերմամբ. աւելի ևս, որ ամեր պիտի սահմանափակէինք մի բանի տասնեակ էջերով:

Միւս կողմից. պոկել Լափրովի անհատականութեան մի մասը և ուշադրութեան առնել՝ սոսկ այդ բաժանել միջանցից Լափրով-փիլիսոփան, Լափրով-հասարակագէտը և բարոյագէտը, Լափրով-մարդը, կը նշանակէր ոչ միայն հակառակ անարդարութեան մէջն ընկնել, այլ և Լափրովին հասկանալու, ճանաչելու խնդիրը սկզբից և եթ փխրուն հողի վրայ դնել:

Լափրովը ամբողջական մարդն է. ամբողջական, երբ նա իրաւացի է, բայց ամբողջական նաև, երբ նա առերևոյթ սխալանքի մէջ է: Որովհետեւ նա սկզբունքի, դաւանանքի մարդն է: Ամբի, մտքի և գաղափարի մարդը. որոնցից մէկը — վերջինը — հեռանկարներն է ուրւագծում նրա առջև. միւսը — միտքը — բովանդակութիւն գնում դրանց մէջ. երրորդը թափով մղում դէպի իրագործում:

Der Wille zur Macht.

Լափրովը՝ դրական, հակառիչէական մաքով այս արտայայտութեան իրականացումն է:

Նրա համար չկայ թէօրիա և պրակտիկա ջոկ-ջոկ. տեսութիւն և գործնականութիւն իրարից անջատ: Նա ինքը ամբողջովին թէօրիայի և պրակտիկայի փացումն է, դրանց խտացումը, իրար մէջ լուծումը, սինթեզը:

Անկարելի է մարդաբան, հասարակագէտ, փիլիսոփա, բարոյագէտ կամ սոցիալիստ Լափրովը իրարից պոկել, առանց գրանիտեայ կերտածի ամբողջականութեան մէջ խոշոր ճեղքածներ առաջացնելու:

Մարդաբան Լափրովը հետախուզում է հասարակութեան և անհատների կեանքում ներդոյ հոգեբանական մօթնտների հիմունքները և ծագման կորգով դրանց իրենց բնախօսական գործօններին վերածուծ: Նա աչքի առաջն է բաշում Ֆիլիքական և Ֆիլիօլօգիական պրօգէսներն առհասարակ:

Հասարակագէտ Լափրովը մարդաբան Լափրովին ձեռք ձեռքի՝ բնախօսական հողի վրայ առաջացած հասարակատեսական պահանջների, այդ պահանջներից ծագած հասարակական կերպաւորումների և ընդհանուր հասարակական կազմի կնճիւններն է բաց անում, ընկերային համարաշխութեան զարգացման ձևերի պայմաններն է քննում, մէկ կամ միւս մութ անկեան վրայ գիտական հետազօտութեան պայծառ լոյսը թողնելով:

Փիլիսոփա-Լափրովը մերթ մարդաբանական և հասարակական հետազօտութիւնների տւած հեռանքներից ընդհանուր հիմունքներ է դուրս բերում, մակարդակը ընդլայնում, մերթ նախօրօք կազմած փիլիսոփայական սկզբունքների և ընդհանրացումների համաժամ մարդաբանական և հասարակագիտական անմատչելի դաշտերը գիտական հետազօտութեանը մատչելի դարձնում:

Բարոյագէտ Լափրովը համաձայնեցնում է պատմա-փորձնական իրողութիւնները և փիլիսոփայական մտայնացումները (*Begriff*) գործնական և նպատակայարմար հասարակակենցաղի ու անհատական կեանքի պահանջների հետ: Պատճառների և հետեանքների տարիւրային, բնագէտական պահանջի տեղ՝ նա առաջագրում է նպատակների և միջոցների բարոյագիտական հստեղծագործող պահանջը:

Վերջապէս, սօցիալիստ Լափրովը գիտական այդ ընդարձակ զինարաններից վարպետութեւն դուրս փորզած գէնքերն է սեղմում աշխատաւորների ջլուտ բազուկների մէջ, պատմական կռւի յաղթանակի խրախուսանքով նրանց յեղափոխական կորովը հրահրելով:

Ստացւում է մի ուշագրաւ մտախառնեցւածք, որտեղ գիտական հետազօտութեան մի բնագաւառը երկու կամ աւելի օղակներով կապւած է միւսի հետ. որտեղ ոչ մէկը սոսկ պատճառէ՝ կամ հետեանք է, այլ մէկը և միւսը միաժամանակ. որտեղ տարբեր մասերը անբաժանելի կապերով ընդգրկում են իրար և առաջ բերում կառուցւածքի ճարտարաբանստ ամբողջականութիւնը:

Բարեբախտաբար, կայ մի բուռնականաչափ սեղմւած կէտ, ուր Լափրովը թոյլ է տալիս իրեն ճանաչել իր ամբողջականութեան մէջ — գոնէ հիմնական գծերով: Դա Լափրովի պատմափիլիսոփայութիւնն է:

Պատմափիլիսոփայութիւնը մի դոգմատիկ և խորհրդապաշտ մտածողի համար յաճախ այլ բան չէ, բան իրականութիւնից կտրւած, եթերի մէջ սաւառնող ինչ որ բացարձակ իդէալների, ինչ որ խորհրդաւոր յայտնագործութիւնների մի ժամադրաւորութեան այդպիսինի համար պատմափիլիսոփայութեան մէջ պրակտիկան ոչ միայն ստորագրւած է թէօրիային, այլ նոյնիսկ յաճախ պակասում է այդ պրակտիկան:

Բէալիստ (իրապաշտ) Լավրովի համար, սակայն, պատմափիլիսոփայութիւնը ներկայացնում է այն կիզակենսորոնը, որտեղ ձուլւում են իրար հետ թէօրիայից և պրակտիկայից եկող ճառագայթները և երկու շրջանների այդ ճառագայթների նպատակարար զուգադիպութիւնից առաջացած նոր խորձերը կրկին սփռում չորս կողմի Եւ միամիտ ու մոլորութեան մէջ կը լինէ նա, ով կը ջանայ ամեն մէկը այդ ճառագայթներից բաժանել միւսից և մատնանշել. «հա՛, թէօրիա՛ն, ա՛հ, պրակտիկա՛ն»:

Եթէ խօսելու լինինք Լավրովի լեզուով, նրա պատմափիլիսոփայութիւնը «ընթերցողին է դիմում ո՛չ միայն անցեալին վերաբերող խօսքերով, այլ և ներկային»։ Այլ և ապագային — կ'աւելացնենք մենք:

Ամեն պատմափիլիսոփայութիւն անհրաժեշտաբար այդպիսին չէ: Բայց Լավրովին իր տրամաբանական ամբողջ կառուցւածքով, իր բարոյահասարակական բովանդակ լոգիկայով այդպիսին է:

Իւ ամեն գիտնական ու ճշմարիտ պատմափիլիսոփայութիւն այդպիսին պէտք է լինի:

Պատմութեան փիլիսոփայական ըմբռնումը ըստ Լավրովի, պէտք է լինի ոչ միայն իրական հողի վրայ առարկայականութեան հնարաւոր սահմաններում պատմական անձնաւորութիւնների և դէպքերի ենթակայական գնահատումը, այլ և «ժամանակակից անձնաւորութիւններին պատմութեան այդ միակ-իրական և զարգացած մղիչներին՝ ցանկալի և հնարաւոր գործունէութիւնը ցոյց տալու» ուղին:

Ահա թէ ինչու մտադրւելով այստեղ ուրազօգնութեամբ Լավրովի պատմափիլիսոփայական սիստեմը իր հիմնական կէտերով — հնարաւորին չափ՝ մտածողի սեփական արտայայտութիւններով, թէ և ոչ միշտ բառացի — մեզ թւում է, որ այդպիսով կատարած կը լինենք դէպի մեծ ուսուցիչը ունեցած մեր պարտականութեան առաջին, թէկուզ շատ փոքրիկ մասը:

Այստեղ է, որ ներածութիւն կը ծանաչենք նաև պատմահասարակական հոյակապ դէմքը, նրա ուժեղ անհատականութիւնը:

Լավրովի պատմափիլիսոփայութիւնը ամենավստահելի ներածութիւնն է դէպի Լավրով-անհատականութիւնը, դէպի ամբողջական մարդը:

Մ Ն Ա Ր

ՍՕՑԻԱԼԱԿԱՆ ՏԵՍՈՒԹԻՒՆ

«Ս Ե Պ Ա Ր Ա Ց Ի Չ Մ Ը»

ԱԾԽԱՑԱԻՈՐԱԿԱՆ ԹԱՐԺՄԱՆ ՄԷՋ

(ՆԱՄԱԿ ՎԻԵՆԱՅԻՑ)

II

Այո, ազգային յաւիտենական կնճիռն է, որ բորբոքում է — սինդիկալիզմի հողի վրայ — Աւստրիայի չեխ ու գերման սոցիալիստների միջև: Ազգայնական համալսութեան ուժեղ բնազդն է, որ խօսում է չեխ ընկերվարականների մէջ: Մեղադրել նրանց՝ թէ գիտակցաբար դաւաճանում են ինտերնացիոնալին, ամբաստանել նրանց թթու, մոլեռանդ ազգամոլութեան, չփնդիմի մէջ — ինչպէս արեցին ոմանք — անհնարին է: Համոզւած սոցիալիստներ են այսպէս անւանւած չեխ «անջատականները», բայց և պահանջում են ինքնօրինութիւն, ավտոնոմիա՝ նաև տնտեսական, արհեստակցական գործունէութեան ասպարէզում:

Ինչպէս ասացինք, խնդիրը դրւած էր Կոպենհագի Համագումարի առջև և երկար, աղմկայոյզ վիճաբանութեան մէջ արտայայտւեցին թեր և դէմ կարծիքներ:

Մօտ յիսուն հազար չեխ բանւորներ յանկարծ անջատւում են Վիեննայի համաաւստրիական կենտրոնից և հիմնում են արհեստակցական միութեան նոր ու զուտ ազգային կենտրոն, իրենց մայրաքաղաք Պրագայի մէջ: Ինչպէս է վերաբերում Սոցիալիստական Ինտերնացիոնալը այդ խոշոր անցքին:

Միանգամայն բացասաբար դրեթէ միաձայն — ֆինլանդիայի 5 ձայնի և Թիւրքահայաստանի պատգամաւորների ձեռնպահութեամբ — Կոպենհագում գումարւած ինտերնացիոնալը յայտարարեց, որ չեխերը սխալ ճամբով վրայ են, որ ապակենտրոնացումը տնտեսական հողի վրայ կորստաբեր է և որ նրանց բայլը յղի է փասակար հետեւանքներով ամբողջ միջազգային աշխատաւորական շարժման համար:

Մի քանիսը Կոպենհագի Կոնգրէսի անդամներից առաջարկում էին ծայրայեղ ու վիրաւորական բանաձև՝ չեխ «անջատականների» դէմ. առաջարկում էին դատապարտել նրանց, որպէս դաւաճանների: Այդ մտքով էր խօսում ի միջի այլոց Լէգիէն, գերմանական սոցիալ-դեմոկրատիայից: Կոնգրէսը սակայն — դարձեալ գրեթէ միաձայն — յետ մղեց այդ տեսակ առաջարկները, հասկացրեց, որ չեխերը գործում են bonne foi-ով, որ նրանք անկեղծօրէն համոզւած են իրենց տակաւի օգտակարութեան մէջ, որ նրանք չեն տարւած հակագերմանական արամադրութիւններով և այլն:

Ահա այն գանգատների և մեղադրանքների տարափը, որ թափեցին չեխ «անջատականների» վրայ Կոպեն-

հագի Համագումարում *)։ Նրանք գալիս էին գլխաւորապէս գերմանաւստրիական սոցիալիստներէրից։

«Վերջին տարիներս—ասում է Հիւբեր—չեմ կուսակցութիւնը ամեն բան արաւ, ինչ որ կարող էր, որպէս զի քայքայէ և ցրէ սինդիկատները (արհեստակցական միութիւնները) և բաժանէ նրանց ութ ազգային խմբակցութիւնների միջև, որոնք կազմում են Աւստրիան... Կարելի է յիշել այս ու այն գործարարը, ուր կարելի է համախմբած գտնել մեր երկրի բոլոր ութ ազգութիւնները։ Արդ, եթէ մենք կամենում ենք ձեռք բերել տնտեսական իրաւունքներ, եթէ ուզում ենք կերպարանափոխել աշխատանքի ու օրավարձի պայմանները, անհրաժեշտ է ստեղծել մէկ միացեալ արհեստակցական կազմակերպութիւն, ուղղւած ընդդէմ բանւոր դասակարգի անմիջական շահագործողներին և իրենց կապիտալիզմի դէմ անհնարին և դառնում, եթէ բանւորական կազմակերպութիւնները մնան բաժանւած և եթէ ձեռնարկող կապիտալիստները զօրաւորապէս կազմակերպւած լինին մէկ միացեալ խմբակցութեան մէջ։ Չեմ կուսակցութիւնը ստեղծել է մի շարքում չեմ աշխատաւորների մէջ անջատական նացիոնալիզմի ոգով, — մի շարքում, որ վատնաւոր է ոչ միայն արհեստակցական, այլ և առհասարակ սոցիալիստական շարժման համար... Նրանք աչքից թողել են սոցիալիզմի մեծ նպատակը։ Մենք յուսով ենք, որ նրանք կը վերադառնան մարքսիստական հին ճշմարտութեան։ «Կրօնատարները բոլոր երկրներին—միացէ՛ք»։

«Ամեն մի արհեստակցական աշխատանքի առաջին սկզբունքն է՝ միացնել աշխատաւորներին և ոչ բաժանել—յայտարարում էր մի ուրիշ աւստրիացի պատգամաւոր Բէէր... Արհեստակցական միութիւնը **) պէտք է հիմնւի ոչ թէ երկիրների, այլ «պետութիւնների» վրայ։ Այդպիսով մեծ ծառայութիւն կը մատուցանէիք աւստրական շարժման և միջազգային սոցիալիզմին»։

«Մեր չեմ ընկերները, ասաց Լէգիէն, դէմ են գնացել ինտերնացիոնալի սկզբունքներին, կազմալուծելով սինդիկատները... և սահմանելով անջատական (ազգային) կազմակերպութիւններ...»

«Պէտք է դատապարտել չեմ անջատականներին — եզրակացնում է Լէգիէն... Եթէ թոյլ տրւէր սինդիկատները հիմնել ազգային գետնի վրայ, շուտով չէր գտնւի մի երկիր, ուր սինդիկային կազմակերպութիւնը բաժան-բաժան չը լինի։ Մենք կունենայինք այն ժամանակ Գերմանիայում լեհական, դանիական, ֆրանսիա-

կան, գուցէ նոյնիսկ հոլանտական սինդիկատներ (արհեստակց. միութիւններ)...

«Սինդիկային ինտերնացիոնալը հիմնւած է հետեւեալ սկզբունքի վրայ. քանի որ շարժումը և ղեկավարութիւնը միևնոյնն են, բոլոր աշխատաւորները, առանց ազգութեան ու լեզուի խտրութեան, պէտք է միանան մէկ կազմակերպութեան մէջ... Մենք գերմանացիներս, հրաաւարկում ենք իտալերէն լեզուով մի թերթ այն հազարաւոր իտալացի պանդուխտների համար, որ գալիս են մեր երկրում աշխատելու և նոյնիսկ տալիս ենք նրանց յատուկ իտալացի պրօպագանդիստներու Յակոպին նրանք չեն կարող կազմել մի առանձին կազմակերպութիւն։ Նրանք պատկանում են մեր կենտրոնական գերմանական կազմակերպութեանը... Առաջիկայ Համագումարը այլ ևս չը պիտի զբաղւի այս խնդրով, այլ միայն կը քննի այն հարցը՝ թէ արդեօք չեմ անջատականները պատկանում են ինտերնացիոնալին»...

Լեհաստանի պատգամաւոր Պարսկի.

«Չեմ երբեք պատճառաբանում են, թէ Աւստրիայում Սոցիալ-դեմոկրատիան կազմակերպւած է ազգայնօրէն, ուստի արհեստակցական միութիւններն ևս պէտք է կազմակերպւին ազգայնօրէն... Սինդիկային միութիւնը պէտք է որ, ընդհակառակը, օգնէ մեզ՝ յաղթահարելու քաղաքական ֆէդերալիզմը (ապակենտրոնացում)։ Զգոյշ կացէ՛ք, չեմ ընկերներ, եթէ շատ հեռու մղէք ձեր ֆէդերալիստական ոգին, Յ տարի չի անցնի և հակառակ լեհերի բարի կամեցողութեան, մենք կունենանք մի լեհ քաղաքական արհեստակցական կենտրոն և շուտով 10 կամ 12 ուրիշ այլևայլ արհեստ. կենտրոններ... Նրանք, որոնք բաժանում են սինդիկատները կապիտալիզմի հանդէպ, ոճիր են գործում... Հնարաւոր է ամենամեծ չափով միութիւն ձեռք բերել և կենտրոնացնել սինդիկատները։ Ինքն ըստ ինքեան հասկանալի է, որ բոլոր աշխատաւորների կուլտուրական պահանջները և լեզւական շահերը պէտք է ի նկատի առնւին»...

Գ. Բ. Օ. Ղ. Ի. Խ (Շվեյցարիա).

«Դատապարտելու խնդիր չը կայ այստեղ. չեմ երբեք շիտակ են ու անկեղծ, բայց Պոնգրէսը իրաւունք ու պարտաւորութիւն ունի հաստատելու, որ նրանք սխալւած են և որ ճշմարտութիւնը կենտրոնացման մէջ է»։

Վ. Ի. Կ. Ե. Բ. Ղ. Ի. Խ (Աւստրիա).

«Մենք պիտի ջանանք պահպանել Աւստրիոյ բոլոր սոցիալիստ կուսակցութիւնների միջազգային կենտրոնացումը, թէև նա ուժեղ սպառնալիքի տակ է գտնւում ներկայումս... Չեմ ընկերները յայտնում են, որ սինդիկատները պէտք է բաժանւած մնան, քանի որ աւստրիական Սոցիալ-դեմոկրատիան էլ բաժանւած է ըստ ազգերի։ Բայց քաղաքական կուսակցութիւնների բաժանումը կատարւել է ընդհանուր համաձայնութեամբ և ոչ խզումով։ Չեմ ընկերների գլխաւոր կարիքները միշտ

*) Huitième Congrès Socialiste International Compte Rendu Analytique.

**) Թէ ի՞նչ է արհեստակցական միութիւնների կամ սինդիկատների հոլութիւնն ու պաշտօնը—տես այդ մասին Ե. Թոֆշեանի գրքովը («Արհեստակցական միութիւններ», հրատ. «Յառաջ») և «Հրահանգներ», հրատ. «Գրօշակ»։

ի նկատի են առնել լայն, շատ լայն, գուցե չափազանց լայն չափով (բացականչություն չեխերի կողմից) ... 26-իսերը, լեհերը, իտալացիք և սլովենները ունին աւելի հարուստ սինդիկային մամուլ, քան գերմանացիք (աւստրիական գերմանացիք)։ Բնականաբար միշտ լինում են մի քանի ազգային գանգառներ։ Բայց մի՞թե այդպիսի անհամաձայնություններ չեն առաջանում նաև ազգային միապաղաղ կազմակերպությունների մէջ։ Եթե բոլոր կարիքները միանգամից չեն կարողացել բաւարարութիւն ստանալ, մի՞թե կարելի է ասել, որ Վիեննայի համապետական յանձնաժողովը անտարբեր է գտնել չեխ սինդիկատների վերաբերմամբ ... Դուք չէք ուզում կենտրոնացում Վիեննայում, բայց դուք ուզում եք այդպիսի կենտրոնացում Պրագայի մէջ ... Ի՞նչ թեթեւ տարբերութիւն միայն կա Վիեննայի և Պրագայի կենտրոնացումի մէջ։ Վիեննայի միացում և ուժեղացում է պայքարի համար, այն ինչ՝ Պրագային՝ բաժանում է և թուլացում պայքարի միջոցները ... Մենք չինք ուզում վիրաւորել չեխ ընկերներին, քանի որ երկար տարիներ պայքարել ենք նրանց հետ թե թե և պիտի շարունակենք պայքարել յանուն նոյն դատի ... Եւ ինչպիսիք եմ ինտերնացիոնալին՝ չքացնել մեր արհեստակցային շարժման միջից անհամաձայնութեան ամեն մի կայծ։ Դուք չէք կարող այսօր դատապարտութեան վճիռ արտասանել չեխ ընկերների դէմ, այլ միայն մի կոչ ուղղել նրանց ...

Օ տ տ օ Բ ա ու է ր (Աւստրիա)։

Պես կարծում եմ, որ օտար երկիրների մեր ընկերներից շատերը դեռ չեն ըմբռնել ճշտապէս մեզ առաջադրած պրոբլեմը ... Կացութիւնը բաւական արդէն գէշ կը լինէր, եթէ մենք գործ ունենայինք Աւստրիայում միմիայն տնտեսական սահմանագծումների հետ։ Բայց չեխ ընկերները շատ աւելի հեռու են գնում։ Նրանք ուզում են իրենց ավտոնոմ (ազգային, ինքնօրէն) կազմակերպութիւնների մէջ մտնել ցիր ու ցան չեխ աշխատաւորներին, մինչև իսկ երբ նրանք բնակում են ոչ-չեխ շրջաններում։ Նրանք ուզում են բաժանել սինդիկատները ոչ թէ ըստ երկրային սահմանների, *le rittiroire*-ի, այլ ըստ ազգութեան։ Եթէ օրինակ մի գործարանի մէջ աշխատում են 200 գերմանացի և 3 չեխ, այդ երեք չեխ ընկերները պէտք է գրեն Պրագայի կենտրոնի վրայ (ուժգին բողոք չեխ պատգամաւորների կողմից) ... Միջազգային Սոցիալիստական Համագումարը պէտք է յայտարարէ, որ Աւստրիայի մէջ, ինչպէս և բոլոր բազմալեզու երկիրներում, մենք պէտք է գործադրենք մէկ միայնակ միջազգային մեթոդ սինդիկային կազմակերպութեան ...

Հ ա յ վ ու գ (Ամեր. Միաց. Նահանգներ)։

Պենք ևս անհրաժեշտ ենք համարում սինդիկային կազմակերպութեան միութիւնը։ Ինտերնացիոնալիզմի

մեքենան չի ճանաչում ազգութիւն։ Ամերիկեան մէկ ածխահանքի աւազանում մենք գտնում ենք յաճախ 32 զանազան ազգութիւններ։ Այդ պատճառով մենք, ամերիկացի սոցիալիստներս, նոյնպէս կողմակից ենք սինդիկային մէկ միացեալ (կենտրոնական) կազմակերպութեան։ Բայց, տարաբախտաբար, մեր երկրում ևս սինդիկային շարժման միաւորումը չը պիտի կառուանայ շուտով կատարել։ Լեզուական դժւարութիւնները, որոնց դուք հանդիպում եք Աւստրիայում, չնչին բան են հանդէպ համերաշխութեան այն պակասութեան, որ յատկանշում է կացութիւնը Միացեալ Նահանգներում ...

Եւ դեռ երկար շարունակեց վիճաբանութիւնը չեխական «սեպարատիզմի» շուրջը։ Մի այլ պատգամաւոր նկատում էր, որ «մէկ ճակատամարտի մէջ մի քանի ազգային բանակներ կարող են կռւի մտնել, բայց անհեթեթ բան կը լինէր միեւնոյն բանակի համար հրամանատար նշանակել վեց զօրավարներ ...

Մի ուրիշը։

Պիպպիտայիզմի դէմ կռւելու համար, մենք պէտք ունինք ոչ միայն կազմակերպութեան միութեան, այլ մեզ անհրաժեշտ է նաև ֆինանսական, զրամական միջոցների միութիւն, իսկ այդ ձեռք կը բերւի միմիայն կենտրոնացումով ...

* * *

Այժմ լսենք չեխ «անջատականների» ինքնապաշտպանութիւնն ու արդարացումը կռւի տենդի մէջ, այնքան ծանր դիտողութիւնների ու ամբաստանութիւնների հանդէպ՝ նրանք ևս երբեք չապէս դիմում են ծայրայեղութեան և աւելի են հակառակորդներին այնպիսի հակահարաւաններ, որոնք չէին լինի պաղ, օբեկտիվ վիճաբանութիւնների ընթացքում։

«Սեպարատիզմի» կամ սինդիկատների ազգայնացման գլխաւոր ներկայացուցիչն է Անտոն Նեմեց, չեխ սոցիալիստների ամենաականաւոր առաջնորդը, որ մի քանի անգամ խօսք առաւ այդ չարատանջ խնդրի առթիւ, նոյն կօպենհագի Համագումարում։ Ականջ դնենք Նեմեցին։

Պե՛հ մեղադրում են, թէ իբր մենք կամենում ենք անջատական ոգով թուլացնել արհեստակցական շարժումը և ջլատել կազմակերպութեան միութեանը։ Այդ ձեղադրանքը ճիշտ չէ։ Աւստրիայի մէջ շատ ազգեր կան և կազմակերպութեան զարգացումը այնպէս էր, որ Գուտակցութիւնը ժամանակով ստիպւած եղաւ հաշի առնել ազգային խմբակցութիւնները։ Կուսակցութիւնը (այսինքն տմբողջ Աւստրիայի Սոցիալիստական Գուսակցութիւնը) բաժանւած է ազգային ավտոնոմ, ինքնօրէն ճիւղերի ... Աւստրիական (Վիեննայի կենտրոնական) Սինդիկային Յանձնաժողովը երբեք չի կամեցել ի նկատի

առնել չեիս սօցիալ-դեմոկրատիայի *desiderata*-ները, իդէալը և այդ պատճառով մենք հիմեցինք Պրագայում (Բոհեմիայի կամ չեխերի հայրենիքում) 1896—97-ին մէկ չեխ սինդիկային Յանձնաժողով, որը տարիներ շարունակ աշխատել է համարաշխ Վիեննայի սինդիկային Յանձնաժողովի հետ: 1900-ին, օրագրարն աւելացնելու համար մղած կռիւ մէջ՝ Վիեննայի այդ Յանձնաժողովը խոստովանեց, որ չեխ սինդիկային Յանձնաժողովը լայնօրէն կատարել է իր պարտաւորութիւնը: Ամասերաւմում, փջազգային արհեստակցական Խորհրդաժողովին իրաւունք չտւին չեխ Յանձնաժողովին իր ներկայացուցչութիւնն ունենալու, և Աւստրիայում ամեն ճիգ թափեցին՝ ուժեղ կենտրոնացում ստեղծելու Վիեննայի մէջ: Մենք փորձեցինք պահպանել չեխ սօցիալ-դեմոկրատիայի ազդեցութիւնը սինդիկաների վրայ, բայց մեր բոլոր խնդիրները մերժեցին: Եւ ահա այդ պատճառով կազմակերպութիւնները (չեխական), որ չէին կարող զարգանալ այդ զօրաւոր կենտրոնացման ուժի մօտ, խզեցին ամեն յարաբերութիւն Վիեննայի սինդիկային Յանձնաժողովի հետ: Այն ժամանակ փորձեցին դուրս վտարել այդ կազմակերպութիւնները սինդիկային շարժումից և կուսակցութիւնից, նկարագրեցին նրանց անդամներին, որպէս վատ արհեստակիցներ և վատ սօցիալ-դեմոկրատներ, որովհետեւ նրանք չէին ուզում հպատակել Վիեննայի սինդիկային Յանձնաժողովի ձևակերպած սկզբունքներին: Հնաւաւոր է արգելք, որ փոքր քաղաքական կուսակցութիւն, որպիսին չեխականն է, կարողանայ յարաւել, բաժանւած երկու մասերի — փոքր քաղաքական շարժում, փոքր քաղաքական շարժում, սինդիկային: Այդ է, որ մենք չէինք կամայանք շտուգաբարտուած: Մենք այնտեղ բնեցեցինք կուսակցութեան և սինդիկաների յարաբերութիւնները և հռչակեցինք, որ բանի աւելի փառած լինի կուսակցութեան և սինդիկայի գործունեութիւնը, այնքան աւելի նա արդիւնաւոր կը լինի իր հեռանկարներով: Պէտք չէ, որ անհնարին գարնէք այդ սկզբունքի գործադրութիւնը: Պէտք է, որ ազատ թողնեն մեզ՝ ղեկավարելու մեր կուսակցութիւնը և մեր սինդիկաները, առանց չափազանցուած կենտրոնացման: Այդ պայմաններում մենք փշտ պատրաստ ենք կուսելու համարաշխ գերմանացի ընկերների հետ: Եւ մենք երբեք էլ դիտաւորութիւն չենք ունեցել որեւէ բան նրանց դէմ ձեռնարկելու: Անկարելի է յիշել գործադուլի կամ սինդիկային պրօպագանդի որեւէ դեպք, ուր մենք լիովին կատարած չէինք մեր պարտաւորութիւնը գերմանացի ընկերների վերաբերմամբ: Վերջապէս չեխ աշխատաւորների մեծամասնութիւնը այլ ևս չի պատկանում Վիեննայի (կենտրոնական, համապետական) սինդիկային Յանձնաժողովին, այլ պատկանում է Պրագայի կենտրոնին: Եթէ դուք ուզում էք բացարձակ կիրաւութիւն տալ միութեան

սկզբունքին, ինչո՞ւ չէք անում այդ Բելգիայում, ուր սօցիալիստ աշխատաւորների փոքրամասնութիւնը փայն պատկանում է կենտրոնական սինդիկային կազմակերպութեան: Կամայէս Պրանսիայում, Իտալիայում, Անգլիայում արհեստակցական կազմակերպութիւնը այն պատճառ կենտրոնացած չէ, ինչպէս մեզ մօտ: Եւ սա՞ն է այդ կենտրոնացումը շատ աւելի դիւրին կը լինէր այնտեղ, բան մեզ մօտ:

Պէտք է ի նկատի առնել մեր կացութիւնը: Բաղադրական կազմակերպութիւնը (այսինքն իսկական չեխ կուսակցութիւնը) դրամական ֆօնդ չունի... Գերման ընկերները պէտք է հաշի առնեն չեխ սօցիալ-դեմոկրատիայի յուսահատ վիճակը: Պրօլետարիատի կուսակցական կապիտալիզմի դէմ կարող է ղեկավարել միայն մի այնպիսի կազմակերպութեան ձեռքով, որը թող կը տայ շարժման բոլոր ճիւղերին զարգանալու ազատութիւն: Վիեննայի սինդիկային Յանձնաժողովը անունով է փայն փջազգային, բայց նա շարունակական յարաբերութիւն է պահպանում գերման կուսակցութեան հետ... Պէտք է, որ այդ կացութիւնը փոխւի վաղ թէ ուշ: Պէտք է գտնել սինդիկային կազմակերպութեան մի նոր ձև: Չեխ աշխատաւորների մեծամասնութիւնը ասում է.

— «Գործերը կարգադրւում են Վիեննայում, գուցէ և լաւ են կարգադրւում, բայց — փոքրին Վիեննայում»:

Չի կարելի գրա համար մղադրել չեխերին, քանի որ նրանցից առաջ Բոհեմիայի գերման ընկերները ասում էին.

— «Ամեն բան կարգադրւում է Պրագայում, իսկ ինչ որ Պրագայում է կարգադրւում, մենք նրա համար փոքր սանտիմ էլ չենք տալ: Մենք ունինք մեր Վիեննան և մեր Վիեննան բաւական է մեզ»:

Ահա այսպէս է, որ զարգացել է, բնականաբար, ազգային հակամարտութիւնը: Եւ նրանից խոյս տալ կարելի է փայն մէկ ձևով. պէտք է ստեղծել կազմակերպութեան փոքր սանտիմ ձև, որը համապատասխանէ բոլոր շահագրգռւածների պահանջներին և նպաստաւոր է բոլոր ազգերի իրաւասար զարգացման: Եթէ այդ չանենք, բոլոր ընդունելիք որոշումները ոչինչ բանի պէտք չեն գայ:

Կերկայ պարագայում մի աւելի ուժեղ կազմակերպութիւն չէ, որ պիտի ղեկավարէ ուրիշ աւելի մանրները, այլ երկու կազմակերպութիւններ են հրապարակի վրայ (գերման և չեխ), հաւասարապէս ուժեղ և հաւասարապէս զարգացած, որոնց փջլ պէտք է հաստատել օրգանական յարաբերութիւններ, առանց որ մէկը ստորագրւի միւրիւն... Ի՞նչ է ինտերնացիօնալիզմը, փջազգայնութիւնը: Մի՞թէ նա բացասում է ազգայնութեան: Մի՞թէ դա հակազգայնութիւն է: Չեխերի ինտերնացիօնալիզմը չի կարող այնքան հեռու երթալ,

որ դրժէ իրենց սեփական ազգայնութիւնը: Ինտերնացիօնալիզմը նշանակում է՝ որ երկու կողմերը, իբրեւ իրաւահասարակ մարտնչողներ պատրաստ են մասնակցելու ընդհանուր կռիւն՝ ազատագրելու համար աշխատաւորութիւնը տնտեսական գերութիւնից և բազաբան կան ստրկացումից:

ՊԱՂԳԵՍ ԵՆՔ ՄԵՆՔ ԸՄԲՈՆՈՒՄ ԻՆՏԵՐՆԱԳԻՕՆԱԼԻԶՄԸ: Ընկերներ, լաւ պատկերացրէք ձեզ կացութիւնը: Ընկեր ՍԵՐԵՐԸ ասաց այստեղ բացայայտ կերպով, որ Վիէննայի համապետական Յանձնաժողովը (Վենարօնը) գերմանական մի հիմնարկութիւն չէ, այլ միջազգային: Իրաւ է, որ նա ունի, իբրեւ կցորդ, ուրիշ ազգեր ևս, բայց նա ունի տարամբօրէն գերմանական բնաւորութիւն, գէթ մի յայտնի չափով և չեխերի համար անհնարին է աւելի երկար հանդուրժելու այդ մարմնի տարամբօտրապետութիւնը... Բայց բոլոր մեծ բազաբան կամ սինդիկատին պայքարների մէջ չեխերը տալիս են իրենց գերմանացի ընկերներին ամենալաւ համբաւելիութեան հաւաստիքներ... Սկզբունքի խնդիր չը կայ այստեղ, այլ զուտ գործնական մի հարց է, որ վերաբերում է կազմակերպութեան լաւագոյն ձևին: Եթէ այդ պատճառով սպառնան հեռացնել չեխերին ինտերնացիօնալից, նրանք ստիպւած են պաշտպանել իրենց՝ ամենակորովի կերպով... Մենք միայն հաւաստութիւն ենք պահանջում: Երբ երեք հոգի ապրում են միևնոյն սենեակում և չեն կարող համաձայնել, նրանց անջատում են միջնացանկերով... Մենք պահանջում ենք, որ ինտերնացիօնալը խնդրին տեղեկանայ օր'եկտիվ կերպով, անաշտօրէն... Չեխերը ուզում են լինել գերմանացիների հետ, որպէս հաւասարը հաւասարի հանգէպ: Երբ մենք կազմակերպեցինք մեր կուսակցութիւնը (բազաբան մարմինը) Ֆէդերատիվ, դաշնակցական ձևով, մեզ այն ժամանակ ևս մեղադրեցին չովինիզմի մէջ: Եւ սակայն, առանց այդ բաժանումի *) մենք չէինք ունենայ 1905-ի շարժումը և չէինք նաեւ ընդհանուր ընտրողական իրաւունքը: Զատազատ ընթանալ և մէկտեղ կաւել—այդպէս է եղել մեր նշանաբանը: Մենք չենք էլ ուզում որսալ աշխատաւորներին ամենայնոյն համայնքների մէջ մինչև վերջին մարդը, բայց մենք ուզում ենք ստեղծել կենտրոններ, ըստ այլազան լեզուների: Մի բիչ բարի կամեցողութեամբ՝ մենք կը գտնենք մի ձև, որ համապատասխան կը լինի բոլոր դաշնակից ազգութիւնների շահերին, մի ձև, որ պիտի աճեցնէ աւստրիական աշխատաւորական շարժման ներթափանցման ուժը...

ՊԱՂԳԵՍ, ԵՐԲ ՖԻՆԼԱՆԴԻԱՆ ԿՈՐԵՐԻԼ Է ԻՐ ԻՆՏԵՐՆԱԳԻՕՆԱԼ

*) Ինչպէս ասացինք «Դրօշակ»-ի անցեալ համարի մէջ աւստրիական ազգերի սոցիալիստ կուսակցութիւնները (ոչ սինդիկատիկ, այլ բազաբան) կազմակերպւած են իւրաքանչիւր ինքնավար ձևով, իր ազգային սահմաններում և բոլորը միացած դաշնակցական կապերով, կազմում են համաւստրիական Սոց. Կուսակցութիւնը:

թիւնը, դուք տրամաբանօրէն պէտք է ստիպէք ֆինլանդացի սոցիալիստներին ևս՝ միանալ ռուսական սինդիկատիկ շարժման... Փորձիկ ազգերը պէտք է գտնեն արդարութիւն ինտերնացիօնալի ծոցում»:

ՏՈՒՍԱՐ (մի այլ չեխ անջատական):

ՊԲԱՐԱՐԺԱԿ ԱՆՀԵԹԵԹՈՒԹԻՒՆ Է ՄԵՂԱԳՐԵԼ ՄԵՂ ՆԱԳԻՕՆԱԼԻԶՄԻ ՄԵՋ: Իբրեւ աշխատաւորներ, մենք երբեք չենք մեղանչել մեր միջազգային պարտաւորութիւնների դէմ: Բայց մեր բոլոր խնդիրները՝ ի նկատի առնելու մեր չեխական օրինաւոր պահանջները՝ վարագարար մերժել են Վիէննայի համապետական Յանձնաժողովի կողմից: Չը նայեա՞ծ դրան՝ մենք դարձեալ պաշտպանում ենք պրօլետարական կռիւ միութիւնը: Բայց ըստ մեզ անհրաժեշտ չէ, որ ամեն բան կատարելի Վիէննայի կենտրոնական Յանձնաժողովի հրամանով: Մենք չեխերս պակաս ուժեղ չենք, քան Աւստրիայի գերման սոցիալ-դեմօկրատիան: Աշխատաւորների թւով՝ մենք, ընդհանուրապէս, աւելի ուժեղ ենք: Մենք ունինք 24 պատգամաւոր Ռայխսրատի (պարլամենտի) մէջ: Ունինք աւելի հարուստ և ուժեղ մամուլ, քան Աւստրիայի գերման սոցիալ-ները: Ուր կը տեսնէք աշխարհի երեսին, որ մի ուժեղ բազաբան կուսակցութիւն կառավարել տայ իր դրամական հասոյթները մի ուրիշ կուսակցութեան պատկանող ընկերների ձեռքով: Մենք պահանջում ենք և իրաւունք ունինք պահանջելու, որ մեզ իրաւունք տան տնօրինելու մեր դրամագլուխները: Մենք ուզում ենք ունենալ անկախ, ավտօնօմ մարմին (սինդիկատին, արհեստակցական), որպէս զի կարողանանք լաւագոյն ձևով կազմակերպել չեխ աշխատաւորներին և աւելի լաւ պատրաստել նրանց դասակարգային կռիւ համար... Սպառնալիքները և ծանր խօսքերը չեն կարող վախեցնել մեզ:

Ի՞նչ է մեր եզրակացութիւնը, այժմ, երբ լիակատար ձևով ի ցոյց դրինք այդ նոր հոսանքի թեր ու դէմ ձայները:

Դժուարանում ենք ձևակերպել որոշ կարծիք: Թւում է, թէ սա այն փափակ և կնճռոտ խնդիրներից է, որոնք չեն կարող բաւարար լուծումն ստանալ ինտերնացիօնալի մի հաւաքական բէտարկութեամբ և որ ի վերջոյ պիտի թողնուի ամեն մի երկրի սոցիալիստներին՝ ազատօրէն տնօրինելու իրենց ընթացքը, ինչպէս սոցիալիզմի ըստ ուրիշ խնդիրներում: Անտարակոյս, անջատականութիւնը—կամ գործած ենք աւելի լաւ բառ—ազգային ինքնօրինութիւնը (ավտօնօմիան) արհեստակցական կազմակերպութեան մէջ ունի իր խոշոր անպատեհութիւնը, նա կարող է, յիշուել, երբեմն կտրատել, թուլացնել աշխատաւորական ընդհանուր շարժումը կապիտալի դէմ:

(այդպէս, օրինակ, արեւմտեան քաղաքակիրթ երկրների մէջ), բայց մ է կ Վ Ե Ն Ս Ր Օ Ն Ի միասնեան ղեկավարութիւնն ևս իր ոչ նւազ անհանգստացուցիչ անպատեհութիւններն ունի, ինչպէս այդ մասամբ ցոյց է տալիս չեխական օրինակը, ինչպէս, մանաւանդ, ներշնչում է մեզ՝ մեր բազմացեղ, բազմալեզու Բարեկոնքների — Ռուսաստանի, Թիւրքիայի — կացութիւնը:

Արդարեւ, հնարաւոր է արդեօք Ֆինլանդացի սօցիալիստներին կայծ, միացնել համառուական արհեստակցական մի կենտրոնի հետ, դնել նրա ղեկավարութեան տակ: Ոչ, ի հարկէ. և Ֆինլանդացիք արտայայտեցին այդ ոչ-ը իրենց ձեռնպահութեամբ Վոպենհագի Համագումարում: Հնարաւոր է անհասարակ Պետերբուրգ նստող մի կենտրոնական մարմնի միջոցով վարել համայն Ռուսաստանի աշխատաւորական, արհեստակցական շարժումը...

Դրական պատասխան չենք կարող տալ՝ հակառակ Պլեխանովների և բոլոր ուրիշ ս. գ. ների լաւատես պահանջին:

Հնարաւոր է, մանաւանդ, կիրառել Ինտերնացիոնալի վճիռը — սինգիկային կազմակերպութեան միացման մասին — Թիւրքիայում: Հնարաւոր է մի կենտրոնական դրամարկդի ու Բիւրօի միջոցով տնօրինել և ղեկավարել արհեստակցական շարժման ճակատագիրը հայ, թիւրք, բիւրգ, յոյն, բուլգար, հրէա և այլ աշխատաւորների մէջ...

Եւր վերջին Ընդհանուր Ժողովի մէջ ևս կային սակաւթիւ ընկերներ, որ հնարաւոր էին ընդունում այդ միութիւնն ու կենտրոնացումը: Սակայն, Ընդհանուր Ժողովը, յարգելով հանգերձ մեր երիտասարդ ընկերների գաղափարային և օպտիմիստ յափշտակութիւնը, գիտակցելով, սակայն, թէ որքան տակաւին բէն ու աւանդական թշնամութիւն է ամբարւած ազգերի նոյնիսկ աշխատաւոր հատւածների մէջ, թէ որքան վտանգաւոր ու ապարդիւն է մինչև իսկ սահմանել արհեստակցական կազմակերպութիւններ միջկուսակցային գետնի վրայ (հայ ազգային շրջանակներում), ուր նոյնպէս, պէտք է անպակաս լինին հակամարտութիւններն ու գոտութիւնները — Ընդհանուր Ժողովը ընդունեց հետեւեալ որոշումը.

Նկատելով՝

Որ պրպագանդը՝ թէ բանաւոր թէ գրաւոր, պէտք է որ կատարւի հնարաւոր եղածին չափ ուժերու խնայող տնտեսութեամբ, իսկ այդ տնտեսութեան ամենէն բարձր աստիճանին կարելի է հասնել ազգային միջավայրի մէջ, ուր կը տիրէ համանախնդրութիւն մը լեզւի, հողերանութեան և զարգացման աստիճաններու:

Որ հայերուն բնակած բազմացեղ և բազմալեզու միջավայրերուն մէջ տակաւին կը տիրեն ազգային խոր հակամարտութիւններ և փոխադարձ անվստահութիւններ — երևայթ մը, որ կազմակերպութիւններու ներսը կըստեղծէ անխուսափելի

ընդհարումներ՝ փոքրամասնութիւններու և մեծամասնութիւններու միջև, կազմալուծելով վարչական մարմինները նորածիլ միութիւններուն:

Որ նման բաղխումներ անվրէպ տեղի պիտի ունենան այն պարագային, երբ հայ աշխատաւորութեան մէջ ևս առաջ գան կուսակցական բաժանումներ:

Որ հայ աշխատաւորութեան շահերը կրնան իրապէս բարգաւաճիլ այն պարագային միայն՝ երբ դրացի Ժողովուրդներու մէջ ևս կազմակերպւած կ'ըլլան աշխատաւորական տարրերը ու երբ միջազգային բովանդակ աշխատաւորութիւնը իր համերաշխ ճիգերը կ'ուղղէ ընդհանուր թշնամիներուն՝ աւատականութեան և կապիտալիզմին դէմ:

Որ հայ ընկերվարական մտաւորականութիւնը, իբր աւելի գիտակից և պատրաստած տարր մը Թիւրքիայի մէջ, պարտի իր ուժերուն ներսը չափով ղեկավար հանդիսանալ բնական կից ազգերու աշխատաւորութեան:

Կ'որոշէ:

1) Աշխատաւորական կազմակերպութիւնները դնել ազգային և կուսակցական գետնի վրայ, իսկ ուր անոնք չեն գտնուիր, առժամայէն կամ զմիշտ միջազգային՝ ամկուսակցական տեսակէտի վրայ: Բոլոր աշխատաւորական կազմակերպութիւնները անպայման պարտին համերաշխութիւն և միջազգայնաբար գործել տնտեսական ձեռնարկներու մէջ (գործադուլ, պայքար կայլոմ):

Պ Ա Տ Մ Ա Կ Ա Ն

Ա Ն Ց Ե Ա Լ Ի Ա Ր Շ Ի Վ Ն Ե Ր ՈՒ Մ

(ՀԱՅԱՍՏԱՆԻ ՇԱՐՏՄԱՆ ՆԱԽԱՍՏՄՈՒԹԻՒՆԸ)

*Per me si va nella citta dolente
Per me si va nell'eterno dolore
Per me si va tra la perduta gente
Lasciate ogni speranza, voi ch'entrate *).*

Dante

«Բազմահոյլ դարեր սուր և հուր կը բերեն ի Հայաստան. հզօր ազգեր կը խուժեն, բանակներ կ'որոտան, կը գողան, արեամբ կը ներկեն, աւերակով կը լեցնեն զայն: Բայց նա միշտ անմեռ կը մնայ, նա միշտ կը վերականգնի, նա միշտ կը լըսկաւ, որ օր մը իր դերը լեցընէ աշխարհի մէջ, այն դերը, որ իրեն ճակատագրեալ է: Վերին Ասիոյ սէզ բարձրաւանդակին տէր և Եփրատայ արգասաբեր հովտին բնական ժառանգ՝ հայը գեռ ևս ստանձնած, կատարած չէ այն դերը, զոր կըսպասեն իրմէն քաղաքագիտութիւն և քաղաքակրթութիւն»:

(Խորէն Նարեկ Լուսինեան, Բերլինի վեհաժողովի առթիւ Ազգային Ժողովի մէջ արտասանած իր նախաձեռնում, 1878 թ. 10 նոյեմբեր):

Իջնենք Դանտէի դժոխքը — և չ'ողբանք, չ'անիծենք, այլ ձգտենք հասկանալ: Մօտենանք իրերին՝ պաղարիւն և վեհանձն առարկայականութեամբ, ինչպէս որ

*) Այստեղից կ'ընթանան դէպի ցաւոտ մայր-քաղաք, Այստեղից կ'ընթանան դէպի վիշտ յաւերժական, Այստեղից կը քայլեն դէպի կորսւած մարդիկներ, Թողէ՛ք այստեղ ամեն յոյս, դուք բոլոր անցորդները (Դանտէի խօսքեր՝ դոմիս իցենիս)

կը վայելէ մեծ, հպարտ սգաւորներին, վշտաւանջ, բայց և զգաստ, գիտակից ազգերին: Սօսեանք՝ գիտակցելով, որ համաշխարհային պատմութեան մի արարւածն ենք ապրել մեր վտիտ ուսերի վրայ—թէկուզ և ամենաախուր, ամենաահեղ արարւածը—մի պատմութեան, որ նոյնպէս իր երկաթե օրէնքներն ունի, որ նոյնպէս թաւալուում է պաղ, անողորմ, քարասիրտ տրամաբանութեամբ, ինչպէս ամբողջ շնչաւոր և անշունչ տիեզերքը:

Եւ երբ մենք մօտենում ենք այդ արիւնոտ ֆաօսին—որ կոչւում է հայկական պատմութիւն—երբ սկսում ենք փորփորել հայրենի և օտար գրականութեան արշիվները, երբ թէկուզ հարեանցօրէն գիտում ենք այդ պատմութեան պղտոր, արտասուխառն հոսանքը, թըշնամի հօրդանների խօսկան գահաժիծումները, լքումի և օրհասի վիթխարի գալարումները, երբ զարհուրած անցքերի գաթանութիւնից, ընթերցողը փ վայրկեան կանգ է առնում և փորձում է հաշիւ տալ ինքնիրեն այդ հսկայ, անօրինակ դրամայի վերաբերմամբ,—մի հարց, անխուսափելի և աննշալի, ցցում է նրա խռովեալ գիտակցութեան մէջ.

«Ինչպէ՞ս կարողացանք ապրել...»

Ինչպէ՞ս այդ վտիտ, անզէն ժողովուրդը, որ բնաւ չէր կոչւած գոյութեան մարտի համար, որ վաղուց ի վեր, իբրեւ ճշմարիտ խաչակիր - քրիստոնեայ, մարդել էր լոկ համակերպութեան ու կրաւորականութեան հաւատամքի մէջ—ինչպէ՞ս նա կարողացաւ, այնուամենայնիւ, ապրել ու յարատեւել այն աւերիչ ուրա-գանների միջոցին՝ բարբարոս արշաւանքների, բռնի կրօնափոխութեանց, մասսային բնաջնջման, բռնակալական անդադրում սարսափների մէջ, ինչպէ՞ս նա կարողացաւ ճողպրել այդ անօրինակ նահատակութեան անդունդներից, ծածանեցնելով մշտապէս—չարճարանքի իր անեզր ովկիանի մէջ—ոչ միայն իր գոյութեան, այլ և համեստ, թանկարժէք բաղաժարութեան դրօշը. ինչպէ՞ս էր, որ այդ դարաւոր և անլուր տագնապններից դուրս լողալով, նա կարողացաւ—վերջին 20 տարւայ ընթացքում, թէև արդէն յօշոտւած, անգամաւոր — ապրել մի այլ ճգնաժամ, ամենամեծը, ամենահարկուն, որ իր եզակի դժոխայնութեամբ կը գերազանցէ «Աօտաւածային Զաւեշտի» *) սասանեցուցիչ յղացումն անգամ, ապրեց՝ և այսօր յոյսերի ու գրաւականների նոր պաշարով բեռնաւորւած, ճակատը միշտ հողմերին, գնում է թառելու քաղաքակրթութեան սանդուխի պատաւոր աստիճանների վրայ, գնում է բազմալու լուսաւոր ժողովուրդների արեօպագում, իբրեւ օսմանեան, ռուսական, արևելեան պետականութեան մի ազգեցիկ գործօն, գնում է կատարելու այն դերը, որ 34 տարի առաջ, պատմական անմոռանալի թաւկանին,

ծանուցանում էր տարտամ կերպով բերլինեան Վեհա-ժողովի հայկական պատգամաւորութեան մի անդամ:

Գրեթէ առեղծւած...

Փորձենք լուսաւորել գէթ մի քանի խորշերը այդ զարմանալի և զարհուրելի առեղծւածի փորձենք առաջագրել ոչ միայն հայկական այդ դարաւոր նահատակութեան հակիրճ ուրաւագիծը իր եական պատճառների օւ հետեանքների թափօրով, այլ և ըմբոստմտք ու գործի հազարէպ և հրապուրիչ ցոլքերը, մասնաւորապէս վերջին դարում, ի դէմս հայկական վեհա-փառ պէտգների՝ Նիշանների ու Խրիմեանների, Ռուսիեանների ու Պալեանների, Նալբանդեանների ու Բաթթիների, որոնք մի հզօր և մարտաշունչ հայրենասիրութեամբ տոգորւած, ձգտեցին խորաակել քրիստոնէական աղէտաբեր համակերպութեան գօգմը, փարատել ագիտութեան և բռնութեան ձմեռը ազատատենչ գարունի հմայիչ գեղգեղներով, ձգտեցին առաջ մղել հայրենի ժողովուրդը Արևմուտքից շողանդող կոչերի ուղեկցութեամբ, և իրենց անդուլ ճիգերով—մերթ խաղաղ, օրինական, մերթ գոռ և ապրստամբ—պատրաստեցին ըմբոստացման այն անհրաժեշտ փոթորիկը, որին մենք ականատես եղանք վերջին բառորդ դարի ընթացքում, Թիւրքաց Հայաստանի մէջ, որին դեռ ականատես ենք Հայրենիքի երկու միւս հատածներում, Արմիւս և Պարսկաստան:

Առեղծւած—այո՛ւ Հայ ճակատագիրը ըմբռնելու համար անհրաժեշտ է մտքի մեծ ու հուժկու ճիգ. հայ իրականութեան արիւնջայ խորշերը թափանցելու և պաղօրէն, առարկայօրէն ցուցադրելու համար՝ անհրաժեշտ է նաև կամքի ու նիարդերի ծայրագոյն լարումն և մի տեսակ անզգածութեան, հանդարտ, փիլիսոփայական ինքնատիրապետման խոշոր դօզ — մարդկայնօրէն գրեթէ անհնարին...

Առեղծւածային էութիւնների մէջ՝ միշտ մի յայտնի ուժ է թաքնւած—ասում է փիլիսոփայական տարրական իմաստութիւնը Գիտակցե՛նք այդ ուժը—և թո՛ղ նա հայ-ժողովրդական սերունդների մէջ նոր կորով ներշնչէ, սաեղծագործ, հայրենաշէն նոր եռանդ՝ ոչ միայն պրպրտելու, ուշիուշով ուսումնասիրելու հայրենի պատմութեան արիւնազանգ արշիվները — մտքի և հոգու լիակատար անդորրութեամբ—այլ և հզօր ու գիտակից ներազդակ լինելու այդ պատմութեան խորհրդաւոր յեղյեղումների...

I

ԿՐԾՆԱԿԱՆ ՀԱԿԱՄԱՐՑՈՒԹՅՈՒՆ

Նահատակութիւնը սկսում է կրօնի նշանակի տակ: Նրա հակազդակ—ըմբոստացումը՝ նմանապէս Ո՛րն է, որին յաջորդում, ո՛րն է պատճառ,

*) La Divina Commedia.

որը հետևանքս Դիւրին չէ պատասխանել: Մի բան միայն բացայայտ է. — անհատական նահատակութիւններն երկայնաձիգ շարանը, որ կարմրագոյն ժապաւէնով ձգւում է հայկական տարեգրութիւնների միջից, հիւսւած է ըմբոստացման անհաշիւ ու մոլեռանդ, բայց և վսեմ, խօշակաւ արտայայտութիւնների հետ. ըմբոստացում՝ յանուն կրօնի ու եկեղեցու, յանուն խղճի ազատութեան:

Կրօնի, խղճի ազատութեան պատերազմը նախորդել է ամենուրեք արեւմտեան աշխարհի մէջ՝ բոլոր միւս ազատութիւնների պատերազմներին: Կրօնական պայքարի ձեւը, իբրեւ տիրող և ծաւալուն, զանգւածային մի երեւոյթ, կարելի է ասել, առաջին է, սկզբնականը՝ քաղաքակիրթ մարդկութեան մրկածուփ կրկէսներում: Մարդկութիւնը նախ և առաջ խորտակել է խղճի վրայ ծանրացած կապանքները, ապա նա փշրել է քաղաքական-բռնապետական շղթաները, ապա և դիմել է ամենածանր, ամենակնճուռ պրօբլէմին — տնտեսական ազատութեան և հասարակութեան պատերազմին:

Հետու ասիական լեռնադաշտում թառած փոքրիկ հայ ազգը բացառութիւն չկազմեց համաշխարհային օրէնքից. նա էլ ապրեց — մանրանկար ծաւալով, բայց աւելի արհաւիրոտ ու արիւնոտ ելեէջներով — քաղաքակիրթ մարդկութեան բազմերանգ ճակատագիրը. նա էլ անցաւ պրօբլէմների ու պայքարների նոյն էական հանգրւանները, և նախ քան ծածանցեց քաղաքական ազատութեան դրօշակը իր անհամբուր լեռների մէջ, նախ քան փարել ժողովրդապետութեան ու «աշխարհիկ» յեղափոխութեան համամարդկային աւետարանին՝ նա պայքարեց երկար դարեր յանուն պաշտած իր հաւատի ու եկեղեցու, սրբազնագոյն հռչակած աւանդների, տեց անթիւ ողջակէզներ, տեսաւ անթիւ նահատակութեան խաչեր ու գերաններ, հեծկտաց, արտասւեց իր «սրբերի», «ղինւորների» *) շիրիմներին, և իր արեան թանկագին գողորշիների հետ դէպի երկինք առաքեց — ամբողջ դարեր շարունակ — իր լուիկ, կրաւորական «ըմբոստացման» սրտածմիկ աղօթքները...

Կրօնը, այո, նախնական սրբութիւնն է, նա մարդկային համայնքների առաջնագոյն իրողութիւններից է: Ազգը, Հայրենիքը, Հայրենասիրութիւնը — յեռագայ, աւելի անագան գոյացումներ են... Հայրենիքը կարելի էր ոտնահարել, ազգութիւնը կարելի էր յօշոտել, ցիրցան անել, տնտեսապէս ստրկացնել, հարստահարել և տանջել, մարդկանց կեանքն իսկ տրորել, ոչնչացնել — հայ մարդը, այնուամենայնիւ, կը տոկար, կը համբերէր: Բայց կար մի բան, որ նրա աչքում գերագոյն, ան-

բռնաբարելի սրբութիւն էր — իր հաւատը. և նրա համար, յանուն նրա՝ կ'ապստամբէին ու արիւնով իսկ կը բողոքէին ազգի ընտիր, զգայուն, գաղափարական տարրերը... Եթէ կարելի է «գաղափարական» յորջորջումը առլ այդ կոյր, մոլեռանդ, տարերային ընդգլուներին:

«Թէեւ ագէտ և վատ տեղեակ իրենց կրօնին՝ այնուամենայնիւ, երբ պէտք է մեռնել հաւատի համար, նրանք (հայերը) գնում են զւարթ և բաջաբար դէպի չարչարանք»... — այսպէս է վկայում Յովսէփ Կ, հռչակաւոր Ֆրանսիացի ճանապարհորդը, որ 17-րդ դարում փից անգամ պտոյտ է արել մահմեդական Արեւելքի մէջ, տեղն ու տեղը ծանօթանալով նաև հայոց կացութեան ու բարքերի հետ:

Ինչքան սրտագրաւ էջեր ունի այդ զարմանալի, արկածախնդիր ուղևորի մեծահասարակ աշխատութիւնը *):

Ահա նա Յիզրանակերտում Հայկական մարտիրոսութեան ցնցող իրողութիւնները շանթում են նրա հարուստ, Ֆրանսիական երեւակայութիւնը, և նա յուզիչ գոյներով նկարագրում է՝ այնտեղ, Յիզրանակերտում, կատարած (1651 թ.) արեւելեան բարբարոսութեան մի տեսարանը: Պատմեց այն՝ հեղինակի խօսքերով — և կը տեսնենք մէկ-երկու սոսկումնալի դէպքերի մէջ ցուլացող մեր վաղեմի իրականութիւնը:

Հարստիք էր, ասում է Տավերնիէ, մի իւրեք երիտասարդի և իր ցեղակից մի աղջկար: Տղայի մայրը հրաւիրում է ի միջի այլոց իր մտերիմ ընկերակից մի ունեւոր հայ տիկնոջ, որ ունէր մի մատաղահաս արու զաւակ: Այդ վերջինը ցանկանում է ուղեկցել իր մայրիկին, նոյնպէս լինել հարսանիքում: Բայց իւրեքական օրէնքը կար, որ արգելում էր վեց տարեկանից բարձր քրիստոնեայ մանուկներին՝ խառնելու թիւրք կանանց ու աղջկանց հետ: Տղայի խնդրքը այդ պատճառով մերժում է: Բայց նա գարծնալ շարունակում է աղերսել: Միջամտում է հօրաքոյրը և տանում են տղային թիւրքական հարսանիքը, բայց ծպտեալ, զգեստաւորւած, որպէս աղջիկ: Սկսում է պարի Եւ այդ պարի միջոցին հայ տղան իր անսովոր շարժումներով մատնում է անմիջապէս իր սեռը: Մի պառաւ թրքուհի զարկում է ահագանդը... Շփոթութիւն, իրարանցում և ցատկոտ աղաղակներ:

«Սա գիտութեամբ է կատարւած, սրանք ուզում են ծագրել մեր օրէնքը և հաւատը»... ունում է խուժանք և պահանջում վրէժ, պատիժ: Տղայի հայրը միջամտում է, խոստանում իր հարստութեան կէսը. ապարդիւն: Եւ կատարւում է մի ճշմարիտ Գողգոթայ, սկսում են անլուր չարանքներ: Կանգնեցնում են հայ տղային քաղաքի մեծ հրապարակում, մերկացնում են և կաշին սկսում են քերթել... Մոլլան, քաղաքի այլ իսլամ կղերականները համախմբւում են և պահանջում, որ տղան գրկէ մահմեդական հաւատը: Մերժում... Սոսկալի տանջանքների մէջ զոհը մեռնում է, և ապա փաշան վրայ է հասնում ու կտրել տալիս գլուխը:

Մի այլ օրինակ, ոչ պակաս հիացուցիչ — ասում է Տա-

*) Tavernier: Les six voyages en Turquie, en Perse et aux Indes, pendant 40 ans.

*) Այդպէս է որակում հայ ժողովուրդը իր սրբերին, գէթ մեզ մտ, Անդրկովկասում «Ձինւոր» կամ «ղինւոր» ասել է մարտնչող և միանգամայն նահատակ յանուն կրօնի ու եկեղեցու:

վերնի է հաստատված թան թատերաբեմը Վանն է և Հայ և թիւրք մանուկները, դպրոցներից դուրս գալով, երբեմն սովորութիւն ունին իրարու վրայ քարեր նետելու: Մի օր այնպէս եղաւ, որ կուէի միջոցին մի հայ մանուկ գետին զլուրեց մի թիւրքի և մեռցրեց: Անմիջապէս վրայ թափեցին մի թեւարիֆը և խուժանը: պահանջեցին, որ սպանողը փոխէ հաւատը, դառնայ իսլամ՝ իր ոճիւրը քաւելու համար: Եւ մերժումի հանդիպելով՝ որոշեցին մահով պատժել: Տարան մանկան իր կատարած սպանութեան տեղը: Առաջին հարուածը հասցրին սպանածի ծնոցները, ապա տեղաց քարերի տարափը խուժանի կողմից: Մանուկը մեռաւ:

Առաքել վպ. Դավրիժեցու պատմութեան մէջ գտնում ենք նոյն դէպքերը, փոքր ինչ տարբեր նկարագրութեամբ: Այդտեղ սրբերի շարքում գտնում ենք Խաչատուր Յիգորանակերտցի անունով բանաստեղծի երիտասարդին (նահատակած 1652-ին), որ թերեւս նոյն Տավերնիէի յիշատակածն է, միայն տարբեր պատճառների ցուցագրութեամբ:

Դատը և քապիժը այսպէս են պատմած.

... Եւ ժողովեցան բազում մահմեդականք... և յափըշտակեցին զխաչատուրն և տարան առ դատաւարն: Եւ դատէին ի մահ զխաչատուր... Եւ Մուֆթին ետ ֆաթվայ.

«Պէտք է զնա քերթել»:

Եւ ապա առեալ զխաչատուրն՝ տարան առ փաշայն: Իսկ փաշայն... ասաց. «տամ քեզ բազում գանձ և զպատեական ստացւածս... և կին գեղեցիկ, եթէ ուրանաս զքրիստոնէական հաւատն և ընդունիս զհաւատն Մահմեդի»: Եւ Խաչատուր ոչ ուրացաւ: Յայնժամ եկեալ դահճայն՝ իրրեզգազան արիւնախանձ, պատեցան շուրջ զնովաւ և մերկացուցին զնա և կապեցին ձեռս ի յետս և առեալ տանէին ի տեղի սպանման... Եւ ժողովեցան ի վերայ նորա բազմութիւնք մահմեդականաց, իբրեւ զաւագ ծովու անթելի և իբրեւ զգազան կատաղի կրճտէին զատամունս իւրեանց ի վերայ նորա, հարկանէին, Լուփահարէին և ընդ քարշտ տանէին... Եւ ապա գազան դահիճքն պատառեցին զմորթ մարմնոյ նորա յաջոյ ուսէն մինչև զմխոյ ուսն և բերթեցին զկաշին թիկանցն և իջուցին մինչև զքամակն և շրջեցին զկաշին ի վերայ միջացն. այլ և յառաջուտ կողմանէ բերթեցին զմորթ լանջացն՝ մինչ ի ներքոյ ստեանցն և շրջեցին զմորթն ի վերայ փորին: Եւ ապա քարեալ շրջեցուցանէին ի մէջ քաղաքին... և ամենայն տեսողած մարմինք սոսկացեալ սարսուէին:

Եւ ապա... ասացին դահիճքն ցխաչատուր. «Որովհետեւ յամառիս և ոչ լսեա մեզ, արդ՝ տարածեա զձեռս քո ի վերայ վիմիդ՝ զի խորտակեցուք»: Եւ նա յօժար կամօք իւրումն տարածեաց զձեռան ի վերայ վիմին և դահիճքն հարին կացնաւ և խորտակեցին զբազուկսն երկոցունց ձեռացն: Ապա խնդրեցին զստան և նա տարածեաց զերկոսին ոտան և դահիճքն խորտակեցին զուրբս երկոցունց ոտացն...

Եւ յետ աւանդելոյ հոգւոյն սրբոյ, փառաւորեաց զնա Յէրն Քրիստոս, զի լոյս պայծառ էջ յերկնից ի վերայ նորա...

Վանի դէպքը (1655 թ.) Առաքել Դավրիժեցու պատմութեան մէջ այսպէս է նկարագրւած.

Այլ ոմն՝ որուն անունն էր Սիրուն և էր սա յաշխարհէն Վասպուրականի... Յաւուրս գարնայնոյ գնացեալ ի Ղլաթ, էառ կեռաս, երարձ ձիոյն և երբ ի Վան քաղաքի եւ եկին

ժողովեցան ի վերայ նորա մանկունք մահմեդականաց և իւրաքանչիւր ոք ընթացեալ յափշտակել կեռաս ի բեռանէ անտի, իսկ Սիրուն ոչ թողոյր յափշտակել, այլ հալածէր զմանկունսն: Եւ ոմն ի մահմեդականաց մանկանոյն առեալ բռնաքար և եհար զՍիրուն քարիւն. իսկ Սիրուն առեալ զքարն ձգեաց առ ձգողն, և զիպեցաւ քարն ի գլուխ տղային և վիրաւորեաց և... սատակեցաւ տղայն ի պատճառէ վիրայն:

Եւ սուխտէք քաղաքին գումարեալք ի միասին, երկու և երեք հարիւր սուխտայք գրոհ առեալ ժողովեցան ի վերայ անպարտ երիտասարդ Սիրունին, ամենեքեան մերկացուցեալ զսուրս իւրեանց, թուր և խանձալ, մեծաբան խորխուռնօք ահապուցանէին զնա՝ թէ «Դարձի՛ր ի հաւատս Մահմեդի և տաճկացի, ապա թէ ոչ սրտնդ խող և քարկոծ լեալ մեռանիս ի ձեռաց մերոց»: Իսկ Սիրունն ոչ հաւանէր. «Զլոյս հաւատս իմ ոչ թողում»...

Եւ... մարգագէ՛մ գազանք սուխտայքն յաւուրս քսան կապեալ զձեռս ի յետս, գլուխ ի բաց շրջեցուցանէին ի մէջ քաղաքին Վանայ և... ի գլխոյ մինարէին կանչեն ի ժամ աղօթիցն իւրեանց, ասելով թէ «Խանգարեալ խափանեցաւ և յերկիր սուզաւ հաւատս մահմեդական, զի անհաւատ հայ զմուսուլման սպանեալ է»:

Եւ... բերեալ հասուցին ի նախնայնոցի շուկայն և անդէն ի սուխտայիցն ոմն չարագոյն, որ ի ձեռին իւրում ունէր մերկ զխանձալն, ուժգին բաղմամբ եհար ի թուրակուշտ Սիրունին, և նա անկաւ ի վերայ երեսացն. և այլ ոմն սուխտայ առեալ ծանր վէճ մի՝ եզարկ ի վերայ գլխոյ Սիրունին և շարդեաց զգլուխն և ի բաց ցնտեցաւ ուղեղ գլխոյն... Եւ ապա եդին պարան յոտան և քաշեցին տարան արտաքոյ քաղաքին... և անդէն զմեռեալ մարմինն քարկոծեցին, այնքան՝ մինչ որ ծածկեցաւ ի քարանցն և ապա թողեալ ի բաց գնացին արիւնարբու գազան սուխտէքն:

Լեգենդականը, հիպերբօլիկը, չափազանցութիւնը, անտարակոյս, իրենց որոշ բաժինն ունին այդ արտառուչ պատմութիւնների մէջ, բայց և, անշուշտ, պատմական եղելութիւններ են այդ դէպքերը, ցնցող ու արտասուշարժ՝ անգամ իրենց մերկ պարզութեան մէջ:

Ժողովրդական երեւակայութիւնը ամենուրեք աւելի ևս գեղեցկացնում, զարդարում է այդ դէպքերի հերոսներին արտասովոր յատկանիշներով, առիւս է նրանց հրաշքի բնոյթ և «սուրբերը», նահատակները դառնում են մի մի գերմարդ:

Ժողովուրդը պաշտում է նրանց, իր հաւատի «զինաւորներին», երգում է նրանց անունով, առասպելներ և երգեր է հիւսում նրանց շուրջը... Ժողովուրդը պաշտում է նրանց մօտաւորապէս նոյն եղանակով, ինչպէս այսօր մի Գեորգ Չավուշ պաշտամունքի առարկայ է Ցարօնի հայութեան շատ զգայուն ու բարեպաշտ սրտերի համար: Ահա մի երգ, ոտանաւոր, որ յօրինւել է 1784-ին նահատակւած Թուխման Տիգրանակերտցու, որ մահմեդական կրօնը արհամարհած լինելու համար պատժւել էր կախաղանով.

Մանուկ անուն ոմն Թուխման,
Որ էր երկրէս նա Տիգրանեան,

Առևր միում յանկարծական
Փայլեաց իբր ասող առաւօտեան:

Կացեալ ընդդէմ բռնաւորաց,
Մեծամեծաց, դատաւորաց,
Զօրէնս նոցա արհամարհեաց,
Դաւանելով զՔրիստոս Աստուծ:

Յայնժամ ցառեալ բռնաւորին
Եւ ետ հրաման մահու նորին.
Առեալ և դուռ ժամու բերին
Զնա անդէն գլխատեցին:

Արիական քաջ նահատակ,
Հեղեր զարիւնս իբր վտակ,
Սիրով արբեր զմահու բաժակ
Ի հանդէս քո հրճէին հրեշտակք:

Այլ երգ *), հիւսւած ի յիշատակ մի երիտասարդ
Հայ նահատակի.

Եւ յարձակին փոյթ ընդ փոյթ
Դահիճք վառեալ ի զէնս ահեղ
Իբրև ի դաշտ մարտի դռայթ
Տալով յանգէն մարմինն անմեղ
Անգէն... ոչ, Լոյս չէր անգէն,
Սուր և ասպար ունի նա խաչ
Յոր պատապար հոգեղէն
Ի մեծամարտ մատչէր յառաջ,
Զայս մի տալով պատասխան.
«Ես Քրիստոսի եմ զօրական...»

Կախաղանները, յաւարտութեան խորոյնները՝
բարձրացել են Թիւրքիոյ մէջ՝ նաև 19-րդ դարում, միշտ
դարձեալ իբրև ծնունդ նոյն կրօնական հակամարտու-
թեան: 1843 թվականում ենք. Յովակիմ Սամաթիացի
անունով մի հայ, մահմեդականութիւն ընդունած լինե-
լով, մի բանի տարի յետոյ զղլում է և խոստովանում
մի քահանայի Բայց մատնութեամբ բանտարկւում է և
ենթարկւում չարչարանքի: Ծնողները անգլիական դես-
պանի, լորդ Քանինկի, միջամտութիւնն են աղերսում:
Դեսպանը միջամտում է, մեծ վեցիւրը մինիստրական
խորհրդի մէջ կարգում է նրա դիմումը, սակայն դես-
պանը (Էէյն Ուլ իսլամը) և մի բանի մոլեռանդ նա-
խարարներ արհամարում են դեսպանի խնդիրը և
գլխատել տալիս հային «ի Պալլոգ բազար, դուռն Կոնս-
տանդնուպոլսոյ» **):

Անգլ. դեսպանը զայրացած և միևս պետութիւնների
դեսպաններն ևս՝ գրեցին իրենց կառավարութիւններին,
եւ «Թագաւորը եւրոպացւոց համաձայնութեամբ և
խորհրդով միմեանց հետ գրեցին առ օսմանեան կառա-
վարութիւնն, խստիւ պահանջելով զազատութիւն կրօնի
ամենայն ազգաց... Թող տացի ամենայն ումէք պաշտել
զոր կրօն և ինքն կապիցի»:

*) Մանանդեան և Աճառեան, «Հայ նոր վկաներ», եր. 731:

**) Դեպքը նկարագրւած է Աւետիս վարժապետ Պէրպէ-
րեանի «Պատմութիւն հայոց»-ի մէջ, հրատ. 1871-ին:

Բ. Դուռը իբր թէ զիջեց. «Այս մահ և նահատա-
կութիւն Յովակիմայ եղև սկզբնապատճառ ազատու-
թեան կրօնի»:

Այնուհետև իբր թէ բրիտոնեայ ազգերը «Թոյլառու-
թիւն ստացան շինել և նորոգել զեկեղեցիս, առաւել
վայելուչ և պայծառ, բան զառաջինն»:

Եւ նոյնիսկ «եղար զանգակատուն յեկեղեցիս Հայոց
և Յունաց՝ փոխանակ անախորժ ձայնից ժամակոցաց»...

Իսլամական մոլեռանդութեան և բարբարոս չարչա-
րանքի դէպքեր է պատմում նաև Էրզրումի անգլիական
հիւպատոս Ռօբեր Կրզըն (Robert Curzon), իր կարևոր
աշխատութեան մէջ՝ Armenia. A year at Erzeroom,
and on the frontiers of Russia, Turkey and Persia
(հրատ. 1854 թ. Լոնդոնում):

Դեպքը տեղի է ունենում 1843-ի օգոստոսին Պատ-
մեք Կըրընի խօսքերով.

Մեհմեդ անուն մի թիւրք վաճառական բերում է իր
ապրանքը Գենջէ աղայի խանը (պանդուկ) և այնտեղ քնա-
նում: Երկու թիւրք զինւորներ պառկում են քովը: Յաջորդ
առաւօտը ապրանքը չկայ: Մեհմեդը մեղադրում է զինւոր-
ներին: Երկար ուրանալուց յետոյ, սրանք վերադարձնում են
վաճառականից գողցած ապրանքի կէսը և յայտնում են, որ
միևս կէսը գողցել է օդաբաշին, Արթին անուն հայը: Ար-
թինը քաշւում է դատարան: Փաշան հրամայում է «տան-
ջել» նրան, երբ նա յայտնում է, որ բոլորովին անտեղեակ
է գործից:

Գլխին դնում են պղնձէ այրող մի թաս և վիզը չւան են
կապում: Ձգում են չւանը, մինչև որ աչքերը համարեա
դուրս են ցցւում: Ուրտոյթից: Մարդը շարունակում է
ժխտել: Սկսում են ունելիքով դուրս քաշել ատամները,
եղունգները: Ամբողջ 12 օր այդպէս տանջում են այլ և այլ
ձևերով, ապա բանտ նետում:

Օդաբաշին տանջել ու բանտարկել է փաշայի մի կա-
մայական կարգադրութեամբ, ասում է Կրզըն: Գնում են
պալատ վալիի, Բիւսիլի փաշայի մօտ: Նա յայտնում է, որ
մարդը յանցաւոր է, իր սեփական վկայութեամբ իսկ... «Եւ
քանի որ Դուք այդպէս կարեկցութեամբ հոգում էք նրա
վիճակի մասին, ես ազատել կը տամ նրան և կը յանձնեմ
Ձեզ»:

Ես պատասխանեցի. «ուրախ եմ լսել, որ մարդը չի չար-
չարել, որովհետև մեզ մօտ Անգլիայում չարչարանքը հա-
մարում է ոչ-անհրաժեշտ մի անգթութիւն, սակայն Ձեր
պատմածը փոխում է խնդիրը. մարդը, անտարակոյս, յան-
ցաւոր է, և ես կուզեի, որ արդարութիւնն ի գործ գրւէր.
մի՛ յանձնէք ինձ այդ մարդուն, այլ պատժեցէք ըստ օրէնքի,
միայն մի՛ տանջէք: Եւ մեկնեցի: Երեկոյեան, լսելով, որ
օդաբաշի կինը տունն է եկել, ես ասացի ծառայիս, Պաօլօ
Կայեպլիին, որ հայուն ազատելու իմ ցանկութիւնը փոխեց,
որ նա տանջանքի չի ենթարկւել և որ նա յիշուի գող է:

Ինչպէ՞ս, բացականչեց Պաօլօ, սաստիկ վրդովւած. գող նա
կարող է լինել, բայց տանջանքի նա, անկասկած, ենթարկւել
է, ես ինքս տեսել եմ սեփական աչքով փաշայական պա-
լատի բակում: Տեսայ այդ խեղճ ողորմելի հային ոչխարի պէս
գետին գլորւած և բոլորովին ապշած սարսափից ու տան-
ջանքից: Ատամները, եղունգները քարշւում էին, երանքները՝
պատռւում ունելիքով, նա կիսամեռ վիճակի մէջ էր... Եւ

ճշում էր իր շրջապատողներին. «Ի՞նչ կարող եմ անել, ես անմեղ եմ, սպանեցեք ինձ, բայց ես չեմ կարող վերադարձնել այն իրերը, որ չեմ վերցրել... Ա՛հ, նա քրիստոնիս է, չէ՞, հայը քրիստոնիս է: Թիւրքերը չտոնջեցին զինուորներին, սրունք յանցաւոր են, բայց այս մարդը տանջւեց, որ ո՞վ հետեւ հայ է»:

Ինձ համար անակնկալ էր այդ—շարունակում է հիւպատոսը. Երէկ փաշան եկաւ նախաճաշի և ես նրան խնդրեցի ի յայտ բերել ճշմարտութիւնը: Փաշան խոստացաւ բերել ինձ օտաբաշխին: Եւ ես ստուգեցի, որ յիրաւի տանջել են... ամեն բան ճշտեց... Մարմնի վրայ երևում էին ունելիքի հետքերը և ուրիշ սպիացած վերքեր: Ակներև ապացոյցներ էին դրանք...:

Մէկուսացած, սպորադիկ դէպքեր չեն սրանք մեր *ancein régime*-ի տակ, նախայեղափոխական վիճակի մէջ, որի «բարիքները» յաճախ են շեշտել և դուատել մեր մի կարգ հակայեղափոխական հրապարակագիրները: Քանի՜ նոյնանման իրողութիւններ են արձանագրւած հայոց տխուր մարտիրոսութեան արշիւններում և քանի՜սը չեն արձանագրւած. Թէ նորագոյն ժամանակներում, երբ քիչ թէ շատ գործադրել է քրիստոնեայ Եւրոպայի բարոյական հսկողութիւնը, թէ մանաւանդ նախնի դարերի մէջ, երբ բնաւ չկար հսկողութիւն, հայ տարրը մշտնջենապէս ենթակայ է եղել մի բացառիկ ռէժիմի, մի բացառիկ օրէնսդրութեան, նա չի վայելել անգամ այն խղճուկ հաւասարութիւնը, որ տիրել է միշտ միևնոյն անծայր բռնապետութեան ենթարկւած ստրուկների մարդկային նախիրների մէջ: Մենք դեռ յետոյ կը բնորոշենք նախայեղափոխական այդ կացութեան անօրինակ սարսափները, հայ մարդու, «հայ-քաղաքացու» կրած բոլոր գերմարդկային տանջանքները, առայժմ մեզ պէտք է ի յայտ բերել այն խորունկ, արտասուելի տարկանոնութիւնները, որ ծնունդ է տւել կրօնների, դաւանանքների անհաշտ հակամարտութիւնը, երկու տարբեր քաղաքակրթական ուղղութիւնների միջև ձգւած խրամատը: «Մահմեդական օրէնքներին ենթարկւած քրիստոնեաների պատմութիւնը — ասում է Ֆօն Համմեր—մի մշտնջենաւոր, անհատնում տեսարան է վայրագութեան ու բռնակալութեան»: Արաբ, թաթար, սելջուկ, օսման և այլն—բոլորն էլ թողել են այդ երկրի մէջ աշխարհաստան գազանութիւնների իրենց հետքերը: Լանկ-Թամուր և Համիդ տարբեր չեն իրենց աւերի ու բնաջնջման մեթոտներով... Եւ Թոմա Մեծուփացու աչքով տեսած ու նկարագրած 1424-ի արեան բաղանիքները տարբեր չեն Դիլլաների ու Լեպպիուսների պատկերացրած հայկական նորագոյն զուլումներից: Այն ժամանակ ևս — թաթարական, լոնդրական հօրդանների օրով—նոյն մասսային խուճապները, նոյն յուսահատ լացն ու փախը, կանանց ու երեխաների սրածուծութիւնը, նոյն խօլական գահավիժումները ժայռերից, նոյն աղէկաւոր հաւաքը, նոյն ծանօթ պատկերները. ջարդ, թալան, աւերած, բռնաբարում և սրբապղծում,

բարբարոսութեան մի վիթխարի, համայնաշինջ հեղեղատ, մի հսկայական զարհուրանք...

Բուում է թէ օսմանեան արքայատոհմի հաստատութեամբ մեր երկրի մէջ թագաւորում է համեմատական անդորրութիւն—մի տեսակ «պրօգրէս», հանդէպ նախկին արհաւիրքի բաօսի: Բուում է թէ օսմանցիների տիրապետութիւնը բերեց այդտեղ մօտաւորապէս նոյն կայուն, յարաբերաբար խաղաղ և հանդուրժելի կացութիւնը, որ տիրել էր արեւմտեան Եւրոպայում Ֆէօդալիզմի արիւնոտ բաօսից յետոյ, բացարձակ միապետութեան յաղթանակով: Փոքր ինչ աւելի ապահովութիւն, փոքր ինչ նւազ ցնցումներ ու կատակլիզմներ, սրածուծութիւններ ու աւերումներ:

Սակայն ոչ մի համեմատութիւն չկայ, ի հարկէ, Ֆրանսիական Արև-Արքայի կառավարութեան (*Le roi-soleil*, Լուդովիկոս XIV-ի մահդիրը) և օսմանեան սուլթանների հաստատած ռէժիմի միջև...

Յարաբերաբար—պրօգրէս, այո, բայց անդունդ կայ յարաբերականի և բացարձակի մէջ: Պրօգրէս էր դա, համեմատած նախկին կացութեան հետ,—այն կացութեան՝ որ յաջորդել էր ազգային քաղաքական անկախութիւնը կորցնելուն: Փոքրագոյն չարիք էր դա—բայց դարձեալ հսկայական:

«Քրիստոնեաների պատմութիւնը մահմեդական օրէնքների տակ—մի անհատնում տեսարան վայրագութեան ու բռնութեան»...

Ճիշտ է ասում Ֆօն Համմեր: Եւ հայոց կրած մարտիրոսութիւնը չունի իր նմանը համաշխարհային տարեգրութեան մէջ: Հեռու ենք աչառոտ նախապաշարումով խտացնելու գոյները և պատմական տխուր յուշերով սուեր ձգելու հայ-մահմեդական յարաբերութիւնների վրայ, որոնք այսօր սկսում են մտնել նոր, յուսալի շրջանի մէջ: Հեռու ենք նաև մահմեդական կրօնին յատկացնելու տիրական միահեծան դեր այդ անօրինակ բազմադարեայ սոսկումների մէջ: Լանկ-Թամուրները չեն խնայել նաև իրենց հաւատակիցներին, չեն խնայել յաճախ և սելջուկները, տաճիկները, բլրդերը:

«Կրօնական հակամարտութիւն» անունը տալով ներկայ գլխին, մենք չենք էլ հակւած իսլամի հանդէպ ներբողելու քրիստոնէութիւնը, իբրև դօգմ և իբրև մօրալ, բարոյախօսութիւն:

Սակայն պատմութիւնն էլ փոխել չի լինի և մենք պէտք է տանք անաչառօրէն մեր տուրքը պատմական ճշմարտութեանը: Եթէ կրօնները ընդհանրապէս—նաև քրիստոսի կրօնը—իրենց տարամերժ բնաւորութեամբ և դարերով արծարծած կոյր, էգօյիստ մոլեռանդութեամբ յաճախ աղէտալի, բթացուցիչ և պառակտիչ դեր են խաղացել մարդկային պատմութեան մէջ, ապա այդ դերը մասնաւորապէս աղէտալի է իսլամ աշխարհում: Եթէ

կրօնական հակամարտութիւնը ընդհանրապէս ահեղ թափով ծանրացել է համաշխարհային պատմական զարգացման վրայ, ապա աւելի ծանր է եղել և չարաշուք՝ նրա թափը իսլամահայտական բրիտանիայ ազգութիւնների ճակատագրի վրայ:

Որքա՞ն բան կայ ասելու այդտեղ: Որքա՞ն հարուստ ու արգասաւոր է հասարակական էւոլիցիայի մէջ, կրօնի ալեւոր մղձաւանջը իր այլազան արտայայտութիւններով ու ազդեցութիւններով: Նա միահեծան տնօրինողը չէ այդ էւոլիցիայի, ինչպէս երբեմն ծանուցում էին ասուածաբան սօցիոլոգները. նա այն հզօր խթան-պատճառը չէ, պատմական վերիփայտումների, ինչպէս ընդունում են դեռ այսօր ևս շատ բարեպաշտ մտածողներ: Նա յաճախ իսպառ նսեմանում է անտեսական պատճառների զօրաւոր ճնշումի տակ, յաճախ իսպառ հալւում է, շոգիանում — իբրեւ «խթան» և «ազդակ» — դասակարգերի խօյական բաղխումների, նրանց նիւթական ախորժակների յորձանքի մէջ:

Սակայն, այդտեղից մինչև «անտեսական մատերիալիզմ» պնդումները՝ դեռ հեռու է: Կրօնը միշտ չի հպատակում նիւթական և նիւթապաշտական մղումներին, դասակարգային անձուկ մտահոգութիւններին. նա գործում է երբեմն նաև իբրեւ ուրոյն, անկախ մի ուժ, որ իր խոշոր աեղն ունի իդէօլոգիական, գաղափարաբանական ուժերի շարքում: Կան վայրկեաններ և շրջաններ, կան ամբողջ ազգերի պատմութիւններ, ուր կրօնական ազդակը հանդիսանում է երկար ժամանակ, իբրեւ հրամանատար բոլոր այլազան գործօնների ու պատճառների վրայ, նսեմացնում է նրանց ուժը, ճնշում է, կաշկանդում անտեսական ազդակների թռիչքն ևս, ձեւաւորում է, մի խօսքով կեանքի այլազան հիւսւածքը իր տարամերժ պատգամներով, պահպանում է իր յարատեւ բռնակալութեան տակ բաղաբականութիւնը, իրաւունքը, օրէնսդրական և դատական հաստատութիւնները, ժողովրդի, զանգաւածների մտածողութիւնն ու կամեցողութիւնը և այլն: Այդպիսի իշխող դեր է ունեցել իսլամը, մահմեդական հաւատամբը մինչայսօրեայ պատմութեան մէջ, այդ դերը նա շարունակում է մասամբ նաև մեր օրերում, Սահմանադրութեան յաղթանակից յետոյ:

Ոչ մի այլ տեղ, գուցէ ոչ մի այլ պատմական ժամանակաշրջանում կրօնական իդէօլոգիայի (idéologie) բռնաւոր տիրապետութիւնը չի շեշտւում այնքան ուժով, այնքան գոռոզ յաւակնութիւններով, ինչպէս այնտեղ, մահմեդական երկիրներում: Այդտեղ ևս, անտարակոյս — ինչպէս կը տեսնենք յետագայում — պետական կնճիռների միջոցին՝ կրօնը երբեմն յետ էնահանջում քաղաքական և անտեսական անհրաժեշտութիւնների առջև, — անհրաժեշտութիւններ, որոնք ստիպում են սուլթաններին և հոգեւոր պետերին՝ փոխել իրենց սրբազնագոյն օրէնքի բառը, փոխել նրա մեկնաբանութիւնը, դիմել անարժան

կազմութիւնի, յարմարեցնել ղուրանի պատգամները նոր կացութեան պայմաններին ու պահանջներին: Սակայն, ընդհանրապէս կրօնական ֆէտիշը իշխում է տիրականօրէն, երկրաւոր հեղինակութիւնները հպատակւում են երկնաւորին, ղուրանը տօն է տալիս ամբողջ պետական պաշտօնավարութեան, նա տոն է տալիս — որ ամենից սարսափելին է — մահմեդական միլիտանտ զանգաւածներին:

Առ ի չգոյէ ուրիշ, աշխարհիկ ուժերի՝ իսլամը այդտեղ, կարելի է ասել, դարբնում է ազգի ամբողջ ներքին կեանքը, նա դարբնում է և միջազգային յարաբերութիւնները, աւելի ճիշտ՝ յարաբերութիւնները իսլամ ցեղերի և նրանց հպատակ ազգերի միջև:

Թողնենք առայժմ «ներքին» անդրադարձումները և քննենք իսլամ կրօնի ազդեցութիւնը միջազգային կամ աւելի ճիշտ՝ տիրող ու հպատակի դարաւոր յարաբերութիւնների վրայ:

Եւրոպացի մի շարք ճանապարհորդներ և գրողներ բազմիցս հռչակել են օսմանեան և ընդհանրապէս մահմեդական համբերողութիւնը (tolérance) քրիստոնիայ հպատակների վերաբերմամբ: Ուրիշները կան նոյն եւրոպական շրջաններում, որ բռնել են տրամագծօրէն հակառակ դիրք: Կարծիքները խորապէս բաժանւում են այդ հարցի մէջ, ինչպէս որ նրանք բաժանւում են և իսլամի ամբողջ կրօնական դօքտրինի ու աշխարհահայեացքի գնահատութեան մէջ:

«Համբերողութեան» պատրանքը ստեղծւել է թերևս գլխաւորապէս շնորհիւ այն հանգամանքի, որ այլացեղ ու այլադաւան տարրերը օսմանեան կայսրութեան մէջ — քրիստոնեայ հայեր, յոյներ, սլաւներ, կիսակոսպաշտ ասորիներ, սատանայապաշտ եգիպտիներ, մովսիսապաշտ հրէաներ, ապա գրուզներ, զղըլաւներ և այլն — պահպանել են դարերի ընթացքում իրենց գոյնն ու դաւանանքը, իրենց լեզուն և հաւատը, որ մուսուլման պետութիւնը չի աշխատել ձուլելու նրանց (թէև կարող էր գուցէ ձուլել), մինչդեռ աւելի բաղաբակիրթ, նոյնիսկ արեւմտեան պետութիւններից ոմանք մեծ եռանդով ու սխտեմով հետապնդել են «այլազգիների» կլլելու և «մարսելու» նպատակին:

Պատրանքը, յիշուի, բաւական ուժեղ է: Թւում է թէ դժւար չէր օսմանեան պետութեան համար՝ մահմեդականութեան գիրկը նետել — մի ամբողջ շարք դարերի ընթացքում — մի բռնուն հայ ժողովրդին: Եւրոպական միջամտութիւնը չ'օգնեց այդ վերջինին՝ անգամ 20-րդ դարում մէջ, սպառազինւած միջազգային դաշնագիրներով, — ո՛ւր մնաց թէ նա օգնութեան գար փոքր Ասիայի մի բռնուն անյայտ «ռայեա»ներին 15-րդ, 16-րդ, 17-րդ

դարերում... Եթէ անողորմ հետեղականութեամբ սկզբից ի վեր հնչէր ծանօթ դելեմը՝ «մահմեդականացում կամ մահ», եթէ սուլթանները փորձէին յարատեւ ճիգերով և խմբական սրածուծիւնների սպառնալիքով կրօնափոխ անել իրենց հպատակ «ռայեա»ներին, թուում է թէ այդ փորձերը չէին վիժի... Հազիւ թէ հայ ժողովուրդը զանգուածօրէն ընտրէր մահը, իսլամացման վտանգի դիմաց... Անշուշտ, բրիտանականների մի ընդհանուր ըմբոստացման հետևանքով — նոյնիսկ բիրտ, անասնական ստրկութեան այն խաւար ժամանակներում — որոշ չտփով մտնում էր սուլթանական հաշիւների մէջ. այնուամենայնիւ, այդ տարտամ հնարաւորութիւնը չէր, որ պիտի կանգնեցնէր խալիֆներին: Եղել են, հարկաւ, ուրիշ կարգի «ըսպանականներ»: Եղել է մասամբ տնտեսական պատճառը, որ քիչ առաջ յիշատակեցինք:

Օսմանեան քաղաքական սիստեմը իր հիմնադրութեան օրերից ի վեր որոշել է, ի տեղի ընթելու կամ բռնի իսլամացնելու նախաձեռն աշխատաւոր բրիտանեայ ազգաբնակչութիւնը, պահպանել յայտնի սահմաններում նրա ուրոյն դէմքը, խնայել նրա հնաւանդ ստացւածքները — լեզուն, կրօնը, ազգայնական առանձնայատկութիւնները — խնայել, մի խօսքով, այդ աշխատող և արտադրող աւարը, իբրեւ մի տեսակ յաւիտենական կթան կով, որ կարող է իր կուլտուրական աշխատանքի ու ձեռնէրեցութեան իր ուժով, երկրագործութեան, առևտրի, ճարտարարւեստի իր բնածին և հնածին ընդունակութիւններով՝ սնուցանել ու պահպանել իշխող տարրը, որ ներկայանում էր, իբրեւ աւելի ստորին տիպ քաղաքակրթութեան, որ վարժել էր դարերից ի վեր գլխաւորապէս ռազմական արեւստի մէջ — թալանի ու սպանութեան, սանձարձակ ասպատակութեան և կռպիտ շահագործման — որ տակաւին չէր դուրս եկել նահապետական, խաշնարած համայնքների շրջանակներից, չէր ընտելացել աշխատանքի աւելի բարձր, արգիւնարար ձեւերի և այդ պատճառով դեռ երկար ժամանակ պիտի քարշ տար մի տեսակ մակաբուծային գոյութիւն, թարգմանելով ու արդարացնելով այն ուշագրաւ, Արեւելքում բաւականաչափ տարածւած երեւոյթը, որ կոչւում է գիտութեան մէջ՝ սօցիալական զանգուածային պարազիտիզմ:

Ապրել բրիտանեայ ժողովուրդների հաշիւն, ստիպել նրանց՝ վճարել գլխահարկ, անխախտ պահպանել նրանց ցեղային կերպարանքը — որից առանձին երկիւղ չունէր տիրապետող, զինուորական տարրը — և միաժամանակ ճնշել ու սխմել նոյն այդ տարրը, թող չտալ որ նա զարգանայ «չափից դուրս», որ նա անցնէ յայտնի սահմաններէն, թող չտալ, որ նրա մէջ բողբոջեն ըմբոստացումի սաղմեր, վտանգաւոր իսլամի տիրապետութեան համար, ահաւասիկ այդ քաղաքական սիստեմի իմաստը և գաղտնիքը... մի գաղտնիք, որ, աւանդ,

հզօրապէս շեշտւում է անգամ այսօր, օսմանեան սահմանադրական ռէժիմի տակ...

Օսման, Մահմեդ II, Սուլէյման, Ահմեդ, Մահմուդ, Աբդիւլ Մեջիդ, Աբդիւլ Ազիզ — ամենքն էլ որոշ չափով հետեղ են եղել այդ սիստեմի, խրախուսելով — մինչև մի յայտնի աստիճան — բրիտանեայ համայնքներին, տալով նրանց առաջաւոր տարրերին — կղերին, ամիրաներին, վաճառականներին — յայտնի դիրք, առանձնաշնորհումներ պետական կեանքի մէջ, յաճախ նոյնիսկ յանձնելով բրիտանեաներին կարեւոր, պատասխանատու պաշտօններ: Կարմիր Գազանը միայն չեղւեց այդ սիստեմի հրամայականներից և հակառակ իր թափանցող իմացականութեան ու գործնական մտակալման, տարւելով բնազդային, անասնական վրէժխնդրութեամբ, նետեց երկիրը աւերածի անդունդի մէջ, չորցնելով արգասաւոր աշխատանքի աղբիւրները, անդամաւորելով տնտեսական կեանքը հսկայական տարածութիւնների վրայ, շղթայազերծելով անօրինակ, լանկ-թամուրեան ուրագաններ...

Կամ գլխահարկ — մի շարք ուրիշ «իլոստրաիւն» տուրքերի հետ — կամ խմբովին իսլամացում... Դիլեմմը այսպէս է դրւել այն ահաւոր օրերի մէջ, երբ դաժան մահիկը ստորագրել էր խաչը ահագին տարածութեան վրայ՝ Բրիտանեաները նախընտրել են տուրքերը — մի շարք ուրիշ նախապայմաններ պահանջների հետ — և սուլթաններն էլ գոհ են մնացել դիլեմմի այդ պիսի լուծմամբ, ևս առաւել, որ իրաւական վարդապետութիւնն ևս իր մի յօդւածով այդպէս էր թելադրում:

Երբ — ասում է Արմինյոն *) — սուլթան Մահմեդ II-ը դրաւեց Կ. Պօլիսը, նա ձեռնարկեց անմիջապէս նախաձեռն երկրի կազմակերպման: Այդ նպատակով նրան մնում էր միայն հետեւել քաղաքականութեան այն կանոնին, որ ներշնչած էին Մարգարէին և իր անմիջական աշակերտներին՝ միջուկային պայմանները, այն միջավայրի՝ ուր սաղմնաւորւել էր իսլամական դօքտրինը. Պէտք էր պահպանել նախորդ բանակի տիրապետութիւնը՝ ցեղով, լեզուով, կրօնով ու բարքերով տարբեր ժողովուրդների վրայ...

1453 թ. մայիսի 29-ին սուլթանը հանգիստաւորապէս մուտք գործեց քաղաքի մէջ և յունիսի 1-ին մեծ շուքով ընդունեց տիեզերական պատրիարք Գեննադիոսին — որ ընտրւած էր իր, սուլթանի հրահանգով մի քանի ուղղափառ քահանաների ու սարկաւագների կողմից — և յանձնեց նրան, բիւզանդական թագաւորների ընդունած մեծարանքներով, զաւազանք, զարդարւած թանկագին քարերով, որ պատուանշանն էր հայրապետական իշխանութեան: Երկու օր յետոյ, Բուլսուպի հոյ եպիսկոպոս Յովակիմ II հրաման ստացաւ գալ հաստատուելու նոր մայրաքաղաքում 200 հայ ընտանիքով: Մօտ 30,000 հայեր միացան քիչ յետոյ այդ կորիզին: Յովակիմը ստացաւ պատրիարքական տիտղոս, վիզիրի աստիճանով ու պատիւներով, Նոյն ժամանակներում, Ապպալի

*) P. Arminjon, *La Protection religieuse dans l'Empire Ottoman*, *La Revue de Paris*, 15 Avril 1903.

անուանով ռաբբին հուշակեց առաջնորդ հրեաների, որ ունէր իր հաւատալիցների վրայ նոյն իշխանութիւնը, ինչ որ երկու պատրիարքները իրենց հօտերի վրայ. այն է՝ կառավարել իրենց կրօնների ռաւայաներին, տուրք գնել նրանց վրայ, օրէնքներ սահմանել և դատել:

Երեք նւաճւած «ազգութիւններ» — յոյներ, հայեր և հրեաներ — առաջնորդներից իւրաքանչիւրը պատասխանատու իր — ի հարկին իր գլխով իսկ — թէ իր համայնքի անդամների տուրքերը վճարելու և թէ նրանց ներքին կարգի ու խաղաղութեան համար: Նոյն պատասխանատուութիւնն ընկնում էր վիճակների առաջնորդների և ծխական քահանաների վրայ: Այդ պատասխանատուութիւնը ունէր և համազօր իշխանութիւն: Գերագույն պատրիարքը, հաւաքիչ գլխահարկի, ունէր իբրեւ օժանդակ, մի մնայուն խորհուրդ, որ միանգամայն ազգային խորհուրդն էր և գերագոյն ատենանձնական կանոնադրութեան խնդիրներում: Նա ունէր սուլթանի մօտ իր ներկայացուցիչ-գործակալը: Նոր չէր այդ կազմակերպութիւնը, լրացւած տեղական լայն ինքնավարութեամբ: Թիւրքերն արդէն Ասիոյ մէջ կիրառել էին, արաբներից ընդսրինակելով: Նրա անմիջական առաւելութիւններն ակնհայտ են. — հպատակութեան մէջ պահել նւաճւած ազգաբնակչութիւնները, նրանց ծոյցից իսկ ընտրւած առաջնորդների միջոցով և առանց ծախքի հաւաքել տուրքը, գլխահարկը: Թիւրք իշխանութիւնները, իրենք բնաւ չխրախուսելով ռայեաների իսլամացումը, ծուռ աչքով էին դիտում կրօնափոխութիւնը, որը եթէ ընդհանրանար, կարող էր յամաքցնել տուրքի աղբիւրը:

Ահաւասիկ «համաբնորոշութեան» պատրանքի տնտեսական աստուղը:

Թոյլատրելով հանդերձ հպատակ ռայեաներին, իբրեւ մի մի կրօնական համայնքներ, պահպանելու իրենց ներքին կազմակերպութիւնը, օրէնքները, բարքերն ու սովորութիւնները, իսլամական դօքտրինը դնում էր նրանց ամենամանարգ, նւաստացուցիչ պայմանների մէջ, դիտում էր նրանց իբրեւ ստոր ցեղ՝ մագմեդական ցեղերի հանդէպ... Ռայեան պէտք է ոչ միայն վճարէր գլխահարկը և հողահարկը, այլ և պէտք է զանազանէր մահմեդականից իր զգեստով, իր տների արտաքինով, պէտք է միշտ խոնարհագին մեծարանքի ցոյցներ անէր ի տես յետին մահմեդական ռամիկի: Նա չէր կարող զէնք կրել, անարժան էր գինւորական արեւստի մէջ հաւասարելու իսլամին. նա չէր կարող ձի հեծնել, նա պէտք է հրաժարէր բոլոր առնական մարզանքներից և պէտք էր կնանար, մեղկանար, հաշմանդամէր. նա չէր կարող իր ժամը, աղօթատեղին կառուցանել իր ցանկացած շքով ու ձեռով, որոշ չափից աւելի բարձր, չէր կարող բարձրաձայն կատարել իր ժամերգութիւնը, երգել իր սաղմոսները, կազմակերպել կրօնական թափօրներ. նա չէր կարող հնչեցնել զանգակների զօղանջն անգամ — ամեն ինչ պիտի կատարէր գերեզմանային լուութեան մէջ, ամեն ձայն պիտի պապանձէր... որպէս զի բնաւ չհասնէր «տէրերի» ականջներին, չփրաւորէր իսլամ հաւատացեալի զգացումները և որպէս զի խաչն

ու աւետարանը մնային յաւէտ մի անարգ ստորագասութեան, մի անպատիւ մոռացութեան մէջ... Հայաստանի հայ ժողովուրդը, ասում են, այն աստիճան մարզել է, ընտելացել է այդ պապանձուն, մեռելային հոգեբանութեան, որ դեռ այսօր էլ շատ տեղերում հայ ժամերի մէջ չէր տեսնում զանգակատներ, չէր լսում զանգահարութիւն:

«Համաբնորոշութիւնը» դառնում էր իրօք մի ծայրայեղ անյարգանք — ասենք աւելի պատշաճ խօսք — արհամարհանք դէպի ռայեան: Փաստեր բերենք նաև օտար աղբիւրներից: Նախ ամենից հենք ընդ Ահմադ Բերնիէ և Տուրնեֆորտ, ահա և Ռիկաֆտի երեքն էլ՝ նշանաւոր, արկածասէր, իմացական տուրիստներ, որ տենդային հարցասիրութեամբ զինւած, գնացել են ուսումնասիրելու այն հեռաւոր ժողովուրդների կեանքն ու պատմութիւնը՝ 17-րդ և 18-րդ դարում: Վատ չէ նրանց վերաբերումը դէպի Արեւելքի տիրող տարրը, տեղ-տեղ խօսում են նոյնիսկ գովեստով օսմանցիների, մահմեդականութեան, Ղուրանի մասին: Բայց երեքն էլ շեշտում են այն խորունկ անտաքօնիզմը, որ եղել է մահմեդականի ու հայի միջև:

«Թիւրքերը արհամարում են հայերին՝ նրանց կրօնի համար» — ասում է Պիտտոն Տուրնեֆորտ, որ խօսում է անսովոր յափշտակութեամբ այն ժամանակեայ հայերի մասին, համարում է նրանց «երկրագնդի ամենահռչակաւոր վաճառականներ»... և «աշխարհի լաւագոյն մարդիկ, ազնիւ, բաղաքաւարի, օժտւած ողջմտութեամբ ու շիտակութեամբ» *):

Աւելի խիստ է Ռիկաֆտի արտայայտութիւնը կրօնական այդ հակամարտութեան մասին.

«Դէպի քրիստոնեաները նրանք (օսմանցիք) տածում են մի սոսկալի դարշանք (une aversion horrible) — ասում է նա:

«Չկայ բռնութիւն, որ նրանք ի գործ չդնեն՝ քրիստոնեաներին ազդատացնելու, դժբախտացնելու համար... Դա համբերողութիւն չէ, այլ հալածանք և տառապանք...»

«Ճիշտ է, մուսուլմանները հանդուրժում են, որ քրիստոնեաները ունենան իրենց եկեղեցիները, աղօթատեղերը, որոնք վաղուց շինւած են: Սակայն նրանք թոյլ չեն տալիս նորերը շինելու: Եկեղեցիների կամարները կարող էին շտկել տալ, բայց նրանց վրայ որևէ բան աւելացնել — չէին կարող:

1660 թ.-ին, ասում է Ռիկաֆտ, մեծ հրդեհի զոհ գնացին Ղալաթայի և Պօլսի մէջ մի շարք քրիստոնեայ եկեղեցիներ ու մատուռներ: Բայց հէնց որ շինւածքն աւարտուեց, եկան աւերեցին իշխանութեան հրամանով: Արգելւած է, ասում են թիւրքերը, վերաշինել այն եկեղեցիները, որոնց միմիայն հիմերն են մնում» **):

*) Pitton de Tournefort, *Relation d'un voyage du Levant* (հրատ. Ամստերդամ, 1718 թ.), հատ II, էջ 158.

**) Ricavt, *Histoire de l'état présent de l'Empire Ottoman*, հրատ. 1670 թ. (trad. de l'anglais).

Մի այլ տեղ, նոյն գրքի մէջ, ասում է Ռիկաֆտ.

«Քրիստոնեաները ճշւած են ամեն կերպ. Այն գայեցերը, որ նրանք վաստակում են մեծամեծ դժւարութիւններով իրենց աշխատանքի ու ճարտարաբանութիւնը շնորհիւ, ենթակայ են իշխող անձանց յափշտակութեան: Չեն հանդուրժում, որ նրանք — քրիստոնեաները — զէնք ունենան, պատերազմի էլ չեն տանում նրանց, որպէս զի վախկոտ դարձնեն, անընդունակ՝ ձեռնարկելու սրէէ գործ՝ գայթակղութիւնների միջոցին»:

Գանք նորագոյն — նոյնպէս օտար — վկայութիւնների, հրատարակած հայկական խնդրի բորբոքման շրջաններում, անցեալ դարու 80-ական և 90-ական թւերի մէջ:

Ճիշտ է, ասում է անգլիացի Ջէյմս Արէէզ, թիւրքերի արհամարհանքը թոյլ տալիս էր յոյն ու հայ քրիստոնեաներին — որոնք դերագասում էին տուրք վճարել, բան կրօնափոխ լինել — ճիշտ է նրանց թոյլ էր տրուում կատարել իրենց ծէսերը և դաւանել իրենց կրօնը, սակայն նրանց ոչ միայն արգելւում էր զանգակները հնչեցնել, թափօրներ կատարել, ձի հեծնել ու զէնք կրել, այլ և միջդեռ թիւրքական ձևերն (manners) ու զգեստները տարածւում էին երկրի բոլոր անկիւնները, նրանց — հայերին ու յոյներին — ստիպւում էին կրել այնպիսի զգեստներ, որ բոլորովին նման էին կ'ան'ան'ց:

Տներն ու եկեղեցիներն հասակն ու լայնութիւնը նախորդած էին օրէնքով, հասցրւած նւազագոյն չափերի: Եւ նրանք (քրիստոնեաները) հարկադրւած էին ցայցերով ու մեծարանքով դիմաւորել իրենց հանդիպած ամենայն տիպի մուսուլմանին անգամ:

Տիրող տուրքը նայում էր քրիստոնեաների վրայ նոյն արհամարհանքով և զզւանքով, ինչպէս սպարապետն՝ կոշտ ու ապուշ իլտների վրայ... Մահմեդականի աչքում քրիստոնեան նոյնն էր, ինչ որ էր իր եղբ կամ էլը, օգտակար սոսկ իբրև բռնակիրներ... Զրկւած լինելով զէնք կրելու իրաւունքից, երբէք չմարդկելով պատերազմի մէջ՝ քրիստոնեաները այդպիսով կանացիացան (effeminate) և վարձան նւազ վտանգաւոր ապստամբութեան տեսակետից *):

Այսպէս է վկայում Ջէյմս Արէէզ, որ ընդհանրապէս նպաստաւոր լեզու է գործածում մահմեդականների վերաբերմամբ:

Նոյն վկայութիւնները գտնում ենք մի այլ հետաքրքրական և անօնիմ աշխատութեան մէջ, Armenia. A historical sketch, by an old Indian (էջեր 87—90):

Ասել արդեօք, թէ ինչ աւերիչ, այլասեռող ազդեցութիւն էին գործում հայ տարրի վրայ՝ կրօնական խտրութիւններից բխող այդ դարաւոր անարգական յարաբերութիւնները: Այլասեռում — ֆիզիկական, մտաւոր ու հոգեկան, այլասեռում — բարոյական:

Եւ այն հեռուոր ժամանակներից, մեր զուլում-պատմութեան այն խորունկ ու ոճրանիւթ ծալքերից էր, որ ժառանգեցինք անասնական սերվիլիզմի և բարոյական ամեն տեսակ ախտերի այն զարհուրելի բեռը, որ այնքան ծանրացրեց մեր մանուկ յեղափոխութեան ըն-

թացքը, որ այնքան թունաւորեց հայկական մթնոլորտը, — մատնութեան, լրտեսութեան, դաւաճանութեան համաճարակով — որ այնքան նսեմացրեց արաքին աշխարհի մէջ մեր հոյակապ ուղղիկների դիւցազնական թռիչքները:

Այն մօայլ շրջաններից ժառանգւած յատկութիւններն են, որոնց վրայ ակնարկում է և Ս. Ղազարի հինաւորեց բանաստեղծ-հիւրը, Չայլդ-Հարօլդի վեհափառ երգիչը, որ ասում էր հայերի մասին, իր սրտառուչ նամակներում (1817 թ.).

... Their virtues have been thouse of peace and their vices thouse of compulsion.

«Նրանց աւաքինութիւնները խաղաղութեան առաքինութիւններ են, իսկ արատները — արդիւնք են բռնութեան, բռնադատութեան»...

Եթէ լօրդ Բայրըն ապրէր հարիւր տարի ևս, գուցէ չպիտի գրէր այդ նշանաւոր, հայերի կողմից այնքան անգամ հղուված նախադասութեան առջի մասը.

It would be difficult, perhaps, to find the annals of a nation less stained with crimes...

Դժւար կը լինէր թերեւ գտնել մի այլ ժողովրդի տարեգրութիւն, այնքան ազատ ոճիրներից, այնքան քիչ սրբապղծւած ոճիրներով...

Ինչ կարող էր լինել արհամարհւած և տրորւած, մշտնջենական անարգանքի ու բռնութեան տակ դեգերող մ'արդ-գրաստի վիճակը... Ստրուկ, տիրապաշտ, նենգաւոր և ծածկամիտ, խարդախ և խաբեբայ, կեղծ, քծնող ու շողոքորթող և երկչոտ, երկչոտ. Effeminate! — Ամենից դաժան հնչում է մեր ականջին անգլիացի ուսուցիչասիրողի այդ սարսափելի խօսքը:

«Կնացած» — արգարե... Եւ իշխող տարրի նպատակն էլ հէնց այդ էր. — առնել իր վրայ զինուորական մարզանքների մենաշնորհը և դաստիարակել բոլոր «գիւս-վուրներին» մի այնպիսի հեռատես և դիւային մեթօդով՝ որ նրանցից դուրս գան միայն հլու կին-քաղաքացիներ, անընդունակ՝ ըմբոստանալու, զէնքով դիմադրելու, ընդունակ՝ միայն լռելու և պարանոցը ձկնելու...

Ահա թէ ինչ տւեց մեզ սուլթանների և փաշաների մեծահոգակ «համբերողութիւնը»:

Երևոյթը ունի, սակայն, իր դրական կողմերն ևս: Կրօնական խտրութիւնը իր ձգած անջրպետներով, թւում է թէ մի յայտնի չափով նպաստել է քրիստոնեայ տարրերի ազգային պահպանութեանը: Ո՞վ գիտէ... Եթէ օսմանցիք չձգէին կրօնի այդ անանցանելի խրամատը իսլամի ու «գիւսվուրի» միջև, եթէ նրանք չխորշէին ու չգարշէին այդ վերջինից և փոքր ինչ աւելի յարգանք տածէին դէպի հպատակ ժողովուրդները, նրանց մարդկային ու ազգային արժանապատուութիւնը, եթէ տիրողի ու հպատակի միջև լինէին փոքր ինչ նմա-

*) James Creagh, Armenians, Koords and Turks (Լոնդոն, 1880 թ.). էջեր 41, 139, 140—143:

նույն ժամանակ, քաղաքակրթական ձգտումների ու աշխատանքի տեսակետից, եթե հայ ազգը ունենար գեթ փոքրիկ հնարավորություն մոտենալու տիրապետող ցեղին, ս'րտ շփումն հաստատելու նրա հետ,— ո՞վ գիտե... Գուցե նա ձուլվեր հետզհետե բեկոր առ բեկոր, այդ իշխող, օսմանեան զանգուածի հետ, կը լուծւէր թերեւս լեզուով ու բարբոսով, ինչպէս որ լուծւել է — իր խիստ շեշտած օտարամուլ բնազդի շնորհիւ — Կեսարիայում, Կիլիկիայում, Թիւրքահայաստանի մի քանի այլ վայրերի մէջ, ինչպէս նաեւ Անդրկովկասի և Ռուսաստանի ուսսիսու և վրացական գաւառներում, Լեհաստանի, Ռուս-գարիայի հայկական գաղթավայրերում:

Կրօնը միայն, հայ եկեղեցին կը մնար կանգուն, ինչպէս կանգուն է Բեսսարաբիայի, Գալիցիայի, Տրանսիլվանիայի կենտրոններում, իբրեւ տիպիկ խորհրդանշան երբեմն ազատ ու բարգաւաճ հայրենիքի...

Սակայն ձուլումը, բարեբախտաբար, դժւարանում էր մասամբ հէնց այն հանգամանքով՝ որ տիրող տարրը սկզբից ի վեր պահել է այլակրօններին մի յայտնի տարածութեան վրայ, համարել է մի տեսակ սրբապղծութիւն՝ սերտ շփումի մէջ մտնել «անմաքուր» և «նզովեալ» ցեղերի հետ, ձգել է նրանց, այսպէս ասած, իրենց ճակատագրին, տալով նոյնիսկ ինքնօրինակութեան մի քանի փշրանք և հետաքրքրելով լոկ նրանց գրաստի աշխատանքով, նրանց արիւն-քրտինքով արտաբերած հարստութեամբ:

Մի հարց ևս Արդեօք իսլամի և քրիստոնէութեան միջև գիտակցաբար ձգւած անջրպետների և խրամատների մէջ որեւէ դեր չի՞ ունեցել իշխող տարրի, այսպէս ասած, ինքնապաշտպանութեան մտահոգութիւնը: Արդեօք չի՞ վախեցել նա — այդ կղեր-զինւորական թէօկրատիկ դասակարգը — թէ քրիստոնէայ աւելի բարձր, կուլտուրական տարրերը իսլամացնելով՝ կարող է մտցնել վտանգաւոր մի *intrans*, մի «ինքնակոչ», զեկավարող կորիզ այդ տիրական, առանձնաշնորհեալ, ի ծնէ և ի պաշտօնէ իսլամ, ուղղափառ դասակարգի մէջ և այդպիսով խախտել նոյն այդ դասակարգի միահեծան տիրապետութիւնը, հեգեմոնիան:

Հարցը դնում ենք միայն... առանց որոշակի պատասխանել կարողանալու:

Մի անլուծելի առեղծւած է թւում մեր տեսութեան այս նշանաւոր կէտը, որ վերաբերում է կրօնական համարտութեան և իսլամահայատակ քրիստոնէաների տարապայման ճակատագրին: Մէկը բաղմամբ և հակասութիւններից՝ որոնցով այնքան փայլում է օսմանեան ինքնատիպ քաղաքական սիստեմը: Հակասութիւններ — մերթ գիտակից, նպատակաւոր, մակկեալելի, որոշ շահերի հետապնդող, մերթ — անգիտակից, անհետեւի ու տարալուծող... Այդպէս, օրինակ, XIX դարի 60-ական թւականներին այդ սիստեմը տալիս էր մեզ կուլտու-

րական ներքին ինքնօրինակութիւն, որ այն ժամանակապայմանների մէջ հսկայական վաստակ էր մի տրորւած, գրեթէ իսպառ առնազուրկ եղած ցեղի համար. օսմանեան պետութիւնը, առանց լինելու հարկադրւած, բռնադատւած, առանց լսելու հայերի կողմից զէնքի շառաչ ու ռազմի որոտ (Զէյթունը դեռ բաւական չէր), տալիս էր նրանց իրաւունք ու հնարավորութիւն՝ հիմնելու ազգային-հասարակական պէս-պէս հաստատութիւններ, պատելու Հայաստանը դպրոցների ցանցով, զարկ տալու, մի խօսքով, ազգային վերածնութեան և ազատութեան, — հապա միւս կողմից՝ նոյն քաղաքական սիստեմը յամառաբար ջնջում էր մեզ գաւառներում, գաղտնօրէն ու յայտնօրէն ճարակում էր յաշտ ամբողջ Եւրոպայի, ճարակում էր սովով, գաղթով, հողային գրաւումներով, տուրքերով, քրդերով ու չէրքէզներով...

Եթե անսնական թւականների պատմական օրերում — նոյն ճշգող հակասութիւնը: Մի կողմից սուլթանական վամարիլլան ափաշկարայ խրախուսում էր հայկական ինքնավարութեան ծրագիրները, թողատրում էր նոյնիսկ յատուկ պատգամաւորութիւն առաքել ի Բերլին և ամեն տեսակ դիւրութիւններ էր ընծայում պատրիարքին ու պատգամաւորութեան, — հապա միւս կողմից՝ նոյն վամարիլլան թալանի ու սպանութեան, արեան և արտասուքի թատր էր դարձնում օսմանեան Հայաստանը...

Հակասութիւն — թէպէտ և ոչ նոյնանման — տեսնում ենք և այն հեռւոր ժամանակներում: Մի կողմից «բաղաքական սիստեմ», իր գոյութեան շահերից իսկ հրահանգւած՝ հրաժարւում էր քրիստոնէաներին իսլամացնելուց — հապա միւս կողմից մենք տեսնում ենք նոյն այդ վաղեմի դարերում կրօնական հալածանքների, բռնի իսլամացման և հայկական նահատակութիւնների մի անվերջ շարան՝ որոնք յաճախ կատարւել են իսլամ խուժանի ձեռքով և որոնց գրեթէ միշտ նախագահել են գաւառական իշխանութիւնները, ի դէմս վալիների, փաշաների, գայմագամների... Կարծես թէ Կենտրոնը, իբրեւ աւելի խելահաս և աւելի գիտակից համապետական բարգաւաճման շահերի — գուցե նաեւ վախենալով «հեգեմոնիայի» խախտման հեռապատկերից — հրաժարւել է ընդհանրապէս իսլամացման քաղաքականութիւնից, իսկ այնտեղ, հեռուն՝ խուժանները և իրենց անձնական առաջնորդները, իբրեւ աւելի նախանձախնդիր կրօնի բարգաւաճման, օգտւել են սովորաբար պատեհ առիթներից, որպէս զի մոլեգնօրէն արձագանք տան Ղուրանի ռազմաշուկայ պատգամներին*), գրոհ տան գիւմուրի դէմ և խաչի աւերակների վրայ տնկեն իրենց մահիկը:

Յամենայն դէպս կրօնը և կրօնական հակամարտութիւնը, իբրեւ ուրոյն ու զօրաւոր ներազդակ — անկախ նոյնիսկ տնտեսական գործօններից, անկախ ամեն դասա-

*) Այդ մասին — գալ յօդւածում:

